

МАКТАБ КУТУВХОНАСИ

Н. В. ГОГОЛЬ

РЕВИЗОР

5 пардали комедия

КИБРИЕ ва АБДУЛЛА ҚАҲХОР
таржимаси

•УКИТИЧИ• НАШРИЕТИ
ТОШКЕНТ—1974

70803 № 195 229-74
M 353 (06) -74

Башаранг қийшиқ бўлса,
Ойнадаң ўпкаланма.
(Халқ мақоли.)

ИШТИРОК ЭТУВЧИЛАР

Антон Антонович Сквозник-Дмухановский, шаҳар ҳокими.
Анна Андреевна, унинг хотини.
Марья Антоновна, қизи.
Лука Лукич Хлопов, мактаблар нозари.
Унинг хотини
Аммос Фёдорович Ляпкин-Тяпкин, судья.
Артёмий Филиппович Земляника, худойихоналар мутасаддиси.
Иван Кузьмич Шпекин, почта мудири.
Пётр Иванович Добчинский } шаҳар.
Пётр Иванович Бобчинский } помешчиклари.
Иван Александрович Хлестаков, петербурглик чиновник.
Осип, унинг хизматкори.
Христиан Иванович Гибнер, уезд доктори.
Фёдор Андреевич Люлюков } шаҳарнинг мўътабар кишилари,
Иван Лазаревич Растворовский } истеъфога чиққан чиновниклар.
Степан Иванович Коробкин
Степан Ильич Уховёртов, даҳа пристави.
Свистунов
Пуговицын } миршаблар.
Держиморда }
Абдуллин, савдогар.
Февронья Петровна Пощепкина, слесарь хотини
Унтер-офицер хотини.
Мишака, ҳокимнинг хизматкори.
Трактир хизматкори.
Мехмонлар, савдогарлар, мешчанлар ва арга келган одамлар.

ХАРАКТЕРЛАР ВА КИЙИМЛАР

Жаноб актёрларга изоҳ ва уқтиришлар.

Ҳоким, ҳукумат хизматида қариган, ўзича хийла ақлли одам. Порахур бўлса ҳам ўзини жуда улугвор тутади; анчагина сило, ҳатто бир қадар насиҳат гўй; қаттиқ ҳам гапирмайди, секин ҳам, кўп ҳам гапирмайди, оз ҳам. У ҳар бир

сўзни салмоқлаб гапиради. Афт-антори паст амалдан бошлаб катта амалга етгунча кўп машаққат тортган кишиларники сингари дағал. Тўқим табиат одамлар сингари ваҳимага тушиши ҳам, хурсанд бўлиши ҳам, пасткаш бўлиши ҳам, такаббур бўлиши ҳам осон. Доим петлицали мундир, шпор тақилган ва қўнжи узун этик кийиб юради. Сочи қирқилган, оқ тушган.

Анна Андреева, унинг хотини, сатанг, ҳали ёши қайтмаган. Қисман роман ва альбом ўқиб тарбия топган бўлса, қисман уйда рўзгор икир-чикири ва хизматкор қизлар доирасида тарбия топган. Ўзига керак ва нокерак ҳар қанақа нарсага қизиқадиган, мақтантчоқ. Баъзида унинг танбеҳларига жавоб бера олмагани учунгина әридан устун келиб қўяди, лекин бу фақат майдачуяда ишларда, әрига танбеҳ қилиш ва уни калака этиш доирасидан чиқмайди. Пъесадаги воқеа давомида тўрт хил кийимда кўринади.

Хлестаков, йигирма уч ёшларда, ориқ, жиккак бир йигит, тентакроқ ва калласи пуч одамлардан. Айтадиган гапини ҳам, қиладиган ишини ҳам мулоҳаза қилмайди, бирон фикрга дикқатини жалб қилишдан ожиз. Сўзлари палапартиш, гаплари томдан тараша тушгандай. Бу ролни бажарувчи киши қанчалик самимият ва соддалик кўрсатса, шунча яхши. Кийими модага мувофиқ.

Осип, ёши қайтиброқ қолган оддий хизматкор. Гаплари жиддий, бир оз ерга қараб гапиради; насиҳатгўй, хўжайнинга қиладиган насиҳатини ўзига айтиб ўтиришни яхши кўради. У ҳамма вақт бир зайлда гапиради, хўжайнинга унча-мунча гап қайтаради ва ҳатто тўнглик қиласди: хўжайнинидан кўра ақллироқ бўлгани учун зийракроқ, лекин кўп гапиришни ҳушламайди; индамас, айёр. Костюми кулранг ёки кўк нимдош сюртук.

Бобчинский билан Добчинский, иккови ҳам пакана, керак бўлса бўймаса ҳар нарсани билишга қизиқадиган; иккови бир-бирига ниҳоятда ўҳшаган, бир оз қорин солган, иккови ҳам бидирлаб гапиради, гапирганди фикрини кўпроқ имо-ишора билан англатади. Добчинский Бобчинскийга қараганда салгина новчароқ ва сипороқ, лекин Бобчинский Добчинскийга кўра сурроқ ва жонсарак.

Ляпкин-Тяпкин, судья, умрида бен ё олтита китоб ўқиган, шунинг учун бир озгина фикри очиқроқ. Ҳар бир ҳодисага тахминан маъно беришини яхши кўради ва ҳар бир сўзига аҳамият беради. Буни ўйнайдиган киши ҳамма вақт юзида улуғворлик кўрсатишига тиришмоги керак. Овози йўғон, сўзни хириллаброқ, чўзибоқ гапиради.

Земляника, худойихоналар мутасаддиси, жуда семиз ва қўпол, лекин доголи ва писмиқ киши, лаганбардор ва жонсарак.

Почтамудири, содда ва гўл одам.

Бошқа роллар айрим изоҳ талаб қилмайди. Бундай одамларнинг нусхалари ҳамма вақт кўз олдимизда.

Жаноб актёrlар айниқса сўнгги кўринишга эътибор қилмоқлари лозим. Энг сўнг айтилган сўз ҳаммага бирдан ва жуда қаттиқ таъсири қилиши керак. Бутун группа вазиятини бир дамда ўзгаришишни, хотинларнинг ҳайронлик нидолари гўё бир оғиздан чиққандай бўлиши керак. Бу ўқтиришларга эътибор қилинмаса ўйнинг таъсири йўқолади.



БИРИНЧИ ПАРДА
ҲОКИМНИНГ ҲОВЛИСИДА БИР БҮЛМА.

І МАЖЛИС

Ҳоким, худойихоналар мутасаддиси, мактаблар нозири, судья, пристав, доктор, икки мишло.

Ҳоким. Сизларни чақиришидан мурод, жаноблар, кўп совуқ бир хабарни эшиттириб қўйиш: бизнинг томонга ревизор келяпти.

Аммос Фёдорович. Ревизор?

Артёмий Филиппович. Ревизор?

Ҳоким. Ҳа, Петербургдан, яширин ном, яна маҳфий топшириқ билан келяпти.


Аммос Фёдорович. Ана холос!

Артёмий Филиппович. Бир ками шу эди.

Лука Лукич. Субҳонолло, тағин маҳфий топшириқ билан-а!

Ҳоким. Ўзимга ҳам худди аён бўлгандай эди: шу бугун кечаси билан тушимга иккита ғалати каламуш кириб чиқди. Бунақа каламушни сира кўрган эмасман: қоп-қора, каттакон! Келиб исқаб-исқаб яна қочиб кетди. Андрей Иванович Чмихов менга хат ёзибди. Уни сиз танийсиз, Артёмий Филиппович. Хатда мана бундай дебди: «Муҳтарам дўстим ва қадрдоним...» (иҷида ўқийди) «...сени хабардор қилиб қўяй». Ҳа, мана: «Шуни ҳам маълум қилиб қўяйки, губернямизни (бармоғи билан таъқидлаб), айниқса бизнинг уездимизни текширгани алланечук бир чиновник маҳфий топшириқ билан келган эмиш. У чиновник экан-

лигини яшириб, ўзини фуқаро кўрсатиб юрган бўлса ҳам мен буни тайинлик одамлардан билдим. Бошқалар қатори сенда ҳам баъзи қусурлар бор, әсинг жойида бўлгани учун қўлга кирган нарсани қўлдан чиқариб юборишни ҳушла-майсан, шунинг учун... » (*ўқишидан тўхтайди*). Хайр, бу ерда бегона одам йўқ ... «Шунинг учун ҳушёр бўлмоғингни маслаҳат кўраман, сабабки, у тўсатдан келиб қолиши мумкин, балки аллақачон келиб ўзини фуқаро кўрсатиб, текшириб ҳам юргандир... кеча мен... Хайр, бу ёги оиласи ишларга тааллуқли гаплар; «Ҳамширамиз Анна Кириловна эрлари билан ташриф буюрдилар. Иван Кирилович жуда семириб кетибдилар, нуқул скрипка чаладилар...» ҳоказо ва ҳоказо! Мана, аҳволни кўрдиларингми?



Шаҳар ҳокими.

Аммос Фёдорович.
Ҳа, аҳвол... Чатоқ! Чатоқ!
Тагида бир гап бор?

Лука Лукич. Нега бундоқ бўпти экан-а, Антон Антонович, нега ревизор келади?

Ҳоким (*Уф тортиб*). Нега бўлар эди! Пешана-да, пешана! (*Уф тортиб*.) Шукур, шу вақтгача бошқа шаҳарларга бориб юрар эди, энди навбат бизга келибди.

Аммос Фёдорович.
Менинг фаҳмимча, Антон Антонович, бунинг тагида нозик ва зўр бир сиёsat бор. Бунинг маъноси шуки Россия... ҳм... Россиянинг бирон мамлакат билан урушмоқ муддаоси бўлса керак.
Ана шунинг учун министрлик

чиновник юбориб, бу ерларда бирон хиёнат йўқмикан деб разм сола ётиди.

Ҳ о к и м. Ўхў, ваҳимангизни қаранг-а! Тағин эслик одам эмиси бу киши! Уезд шаҳрида хиёнат бўлар эмиси! Ни-ма, чегарага яқин шаҳармиди бу? Бу ердан уч йил от чопсанг ҳам бирон мамлакатга чиқмайсан киши.

А м м о с Ф ё д о р о в и ч. Йўқ, мен сизга айтсам, сиз ҳалигидай ... йўқ, сизлар ... а ... Катталар чуқур ўйлаб: чегарадан узоқ бўлса ҳам олдини олиб қўяйлик дейди-да.

Ҳ о к и м. Олдини оладими, олмайдими, иш қилиб жаноблар, мен айтдим қўйдим: ҳушёр бўлинглар. Мен ўзимга тегишли бўлган баъзи бир амр-фармонларни қилдим, сизларга ҳам маслаҳат шу! Хусусан сизга, Артёмий Филиппович! Келадиган чиновник бу ерга тушса, сизга қарашли худойихоналарни албатта текширади, шунинг учун орка-олдингизни йиғиштириб туринг; касаллар киядиган қалпоқлар тоза бўлсин, ундан кейин, гўлахига ўхшаб юриш-масин унаقا.

А р т ё м и й Ф и л и п п о в и ч. Бу-ку, ҳеч гап эмас-а, тоза қалпоқ кийдирсак кийдираверамиз.

Ҳ о к и м. Шундай бўлсин. Кейин ҳар бир каравотга латинчами ё бўлак бирон тилдами ёзувлар осиб қўйилсин. Буни сиз биласиз, Христиан Иванович,— қандай касал, ким ўзи, қачон ва қайси куни касал бўлган ... Касалларингиз жуда ўткир тамаки чекишиди, бу яхши эмас. Кирсанг чучкиравериб эсинг кетади. Касаллар озроқ бўлса яна яхши; бўлмаса яхши қаралмас экан, доктор нобоп экан дейди.

А р т ё м и й Ф и л и п п о в и ч. Ўхў, Христиан Иванович икковимиз даволаш хусусида бошқача йўл тутганимиз ҳамма гап мижозда, шунинг учун қимматбаҳо дорилар ишлатиб ўтирмаймиз. Одамзод деган ўзи жўн нарса бўладж: ўладиган бўлса бари бир ўлади, тузаладиган бўлса барига бир тузалади. У ёғини суриштирангиз Христиан Иванович-

нинг касаллар билан англашуви ҳам қийин: бир оғиз ҳам русча сўзни билмайди.

Христиан Иванович қисман «и» га, қисман «е» га ўхшаб кетадиган овоз чиқаради.

Ҳоким. Сиз ҳам Аммос Фёдорович, маҳкамангизга қаранг. Арз билан келган одамлар ўтирадиган йўлагингизда қоровуллар ғоз асраб жўжа очиришибди, жўжалар оёқ остида ўралишгани ўралашган. Майли-ку, ҳар ким ҳам уй-рўзгор ғамини еса отасига раҳмат, нега қоровуллар ҳам рўзгор ғамини емас экан? Лекин бунақа жойда асраш яхши эмас ... Мен бурунроқ ҳам шуни сизга айтаман деб юрар эдим-у, нима бўлиб эсимдан чиқар эди.

Аммос Фёдорович. Мен шу бугуноқ ҳаммасини ошхонага олдираман. Майлингиз бўлса, бизникига обедга марҳамат қилинг.

Ҳоким. Бундан ташқари маҳкаманинг ичига кир-чир ёйилиши, ҳужжатлар турган жавон устида сопқон осилиб туриши ҳам дуруст эмас. Биламан, сиз овни яхши кўрасиз, аммо ҳар қалай, ревизор ўтиб кетгунча шуни олиб қўйинг. Ўтиб кетгандан кейин яна осиб қўя берасиз. Заседателингиз ҳам ... ўзи-ку кўп билимдон киши, аммо олдига борсангиз шундай бир ис анқиб турадики, худди ҳозир вино заводидан чиқибди дейсиз, бу ҳам яхши эмас. Мен буни сизга аллақачон айтаман деб юрган эдим-у, нимагадир алақсиб эсимдан чиқибди. Агар, ўзи айтгандай ҳақиқатан бу ис туғма ис бўлса, йўқотишнинг иложи бор: пиёзми, саримсоқ пиёзми ё бошқа бирон нарса есин. Христиан Иванович ҳам бирон дори-дармон қилас.

Христиан Иванович «и»—«е» га ўхшаган товуш чиқаради.

Аммос Фёдорович. Йўқ, бу исни йўқотиб бўлмайди: ўзининг айтишига қараганда болалигида онаси бир оз лат едирган экан, ўшандан буён ундан жиндай арақ ҳиди келиб турар эмиш.

Ҳ о к и м. Мен айтдим, қўйдим-да, сизнинг қандай амр-фармон қилишингиз лозим эканлиги, Андрей Иванович хатда «қусурлар» деган нарсалар нималиги тўғрисида ҳеч нарса деёлмайман. Ғалати гап-да, гуноҳдан пок одам бор эканми? Худонинг ўзи бандасини шунаقا қилиб яратган. Волтерианларнинг бунга қарши шаккоклик қилишлари беҳуда.

А м м о с Ф ё д о р о в и ч . «Қусур» деганини сиз нима деб ўйлайсиз, Антон Антонович? Қусурда ҳам қусур бор. Мен пора олишимни ҳеч кимдан яширмайман, аммо қана-қа пора? Мен порага исковуч итнинг боласини оламан. Бу тамоман бошқа гап.

Ҳ о к и м. Кучук оласизми, бошқами, барибир — ҳаммаси ҳам пора-да.

А м м о с Ф ё д о р о в и ч . Йўғ-е, Антон Антонович, мана, масалан, бирорнинг пўстини 500 сўм бўлса, яна бунинг устига хотинига ипак рўмол . . .

Ҳ о к и м. Хўш, нима бўлибди, порага кучук олар экансиз? Худога ишонмаганингиз-чи? Бир умр бутхонага бормайсиз. Мен, ҳар қалай, динга маҳкамман. Ҳар якшанба куни бутхонага бориши тарк қилмайман. Сиз бўлсангиз. . . Э, биламан мен сизни: дунёнинг яратилиши тўғрисида гапиргудай бўлсангиз, кишининг тепа сочи тикка бўлиб кетади.

А м м о с Ф ё д о р о в и ч . Ахир мен буни ўзим, ўз ақлим билан топдим.

Ҳ о к и м. Жуда ақлли бўлиш, баъзида, буткул ақлсиз бўлишдан ҳам ёмонроқ бўлади. Уезд суди хусусида мен шунчайики айтдим-да, бўлмаса у ерга, тўғрисини айтганда, ким кирап эди: бу



Ляпкин-Тяпкин.

шундай маҳкамаки, худойи таолонинг ўзи ҳамиша паноҳида сақлайди. Аммо сиз, Лука Лукич, мактаблар нозири бўлганингиз учун хусусан муаллимларга эътибор қилишингиз керак бўлади. Булар, албатта, ўзлари билимдон одамлар, ҳар хил мактабларда таълим олган кишилар, аммо илм аҳлларига муносиб бўлмаган ғалати қилиқлари бор. Шулардан биттаси, масалан, ҳалиги... бор-ку, бети катта... Оти нима эди ҳали... шу кафедрага кирганда албатта афтини мана бундай қиласи (*юзини буришириб кўрсатади*), кейин галстугининг остидан қўлини чиқариб соқолини силайди. Албатта, шогирдларига афтини шунаقا буриштирса-ку ҳеч бокиси йўғ-а, эҳтимол шундай қилиши лозимdir, унисини билмайман, аммо ўзингиз ўйлаб кўринг, четдан келган одамга шундай қилса яхшими? Жаноб ревизор ё бошқа бирор буни ўзига олиши мумкин. Ким билади, оқибати нима бўлади.

Лука Лукич. Нима қилсам экан энди бу одамни? Унга кўп айтдим. Буни айтмайсизми: яқинда мактабга оқсоқолимиз кирган эдилар, шу кишига афтини шунақаям бадбашара қилдики, умрим бино бўлиб бундай башарани кўрганим йўқ. Унинг кўнглида, албатта, ҳеч гарази йўқдир. Аммо менга гап тегди: бўлаларга нима учун эркин фикрлар талқин этилади, дедилар.

Ҳоким. Тарих муаллими хусусида ҳам сизга айтиб қўйишим керак: у ўзи-ку мияли одам-а, афтидан кўриниб турибди, маълумотни ҳам жуда кўп ийиқкан, аммо дарс бериб турганида шунаقا ҳам қизишиб кетадики, ўзини йўқотиб қўяди. Мен бир кириб дарсига қулоқ солиб эдим: осурийлар билан бобийлар тўғрисида гапирганида, хайр, тузук әди, аммо Искандар Зулқарнайнга ўтганда шундай бўлдики, нимасини айтасиз. Азбаройи худо, ўт тушдими дебман! Югуриб бориб стулни олса-ю, қулочкашлаб ерга урса бўладими? Ҳа, тузук, Искандар Зулқарнайн қаҳрамон ўтган экан, стул синдиришнинг нима кераги бор? Ҳазинага заар.

Лука Лукич. Рост, ўзи бир оз тезроқ. Мен буни ўзига кўп айтганман ... «Нима десангиз денг, аммо мен илм йўлида жонимни ҳам аямайман» дейди.

Ҳоким. Тақдирин азалнинг тушуниб бўлмайдиган қонуни шундай: мияли одам ё пиёниста бўлади ёки афтини мана шунаقا буриштиради.

Лука Лукич. Худо ҳеч бандасига илм хизматида бўлишни насиб қилмасин! Жонингни ҳовучлаб турасан: ҳар ким аралашади, ҳар ким ўзини доно қилиб кўрсатгиси келади.

Ҳоким. Шугина бўлса-ку майли-а! Мана бу маҳфий ревизорни айтинг. Тўсатдан келиб «Хўш, сизлар шу ердамисизлар, қўзичоқларим! Қани, бу шаҳарнинг судьяси ким бўлади? Ляпкин-Тяпкинми? Қани ўша Ляпкин-Тяпкинни бу ёққа айтиб келинг-чи? Худойихоналар мутасаддиси ким бўлади? Земляниками? Қани бу ёққа айтиб келинг-чи» деб қолса, мана бу ёмон!

П М А Ж Г Л И С

Ҳалигила р ва почта мудири.

Почта мудири. Нима гап ўзи, жаноблар, қанақа чиновник келаётган эмиш?

Ҳоким. Ҳали эшитганингиз йўқми?

Почта мудири. Пётр Иванович Бобчинскийдан эшитдим. У киши ҳозиргина почтаконага келиб кетган әдилар.

Ҳоким. Қани, хўш? Буни нима деб ўйлайсиз?

Почта мудири. Нима деб ўйлар әдим? Турклар билан уруш бўлади.

Аммос Фёдорович. Фикримиз бир жойдан чиқди. Мен ҳам худди шундай деб ўйлаган әдим.

Ҳоким. Икковларинг ҳам номаъқул айтибсизлар!

Почта мудири. Йўқ, шунақага ўхшаб қолди, турклар билан уруш бўлади, ҳар балони бошлаган француздлар.

Ҳоким. Турклар билан қанақа уруш бўлади? Турк-

ларга әмас, бизга ёмон бўлади, бизга. Бу турган гап. Менга хат келди.

Почта мудири. Ундаи бўлса турклар билан уруш бўлмайди.

Ҳоким. Хўш, қани, сиз нима дейсиз, Иван Кузьмич?

Почта мудири. Мен нима дер эдим? Ўзингиз нима дейсиз, Антон Антонович?

Ҳоким. Нима дер эдим? Қўрқадиган ерим йўқ, аммо ҳалигидай, бир оз ... савдогарлар билан қора ҳалқ мени ташвишга солиб турибди. Мен уларга юк тушган эмишман. Мен битта-яримтадан пора олган бўлсан ҳам, азбаройи худо, бирон ғараз билан олган әмасман, менинг устимдан шу (уни қўлтиқлаб четга олиб чиқади), шу, менинг устимдан бирон чақув бўлдими деб ўйлайман-да. Ўйланг ахир, нега бўлмаса бизнинг шаҳарга ревизор келади? Менга қаранг, Иван Кузьмич, ҳаммамизга ҳам нафи тегадиган бир иш қиласангиз қалай бўлар экан: почтахонангизга келадиган, кетадиган ҳамма хатларни, ҳалигидай, оз-моз очиб кўрсангиз: шикоят ё бошқа бирон гап чиқиб қолмасмикан. Ҳеч гап бўлмаса яна бекитиб қўяверасиз, ҳатто шундай, очиқлигича юбораверсангиз ҳам бўлаверади, ҳеч бокиси йўқ.

Почта мудири. Биламан, биламан ... Буни менга ўргатманг. Эҳтиёткорликдангина әмас, кўпроқ янги гапларга қизиққанимдан ўзим ҳам хатларни очиб кўриб тураман: оламда қандай янги гаплар борлигини билишни ўлардай яхши кўраман. Мен сизга айтсам, бировнинг хотини очиб ўқиш жуда ғалати бўлади-да ... Баъзи бир хатларда ҳар хил ажойиб воғеаларни шундай ёзадики, ўқиб ҳузур қиласиз ... Турган-битгани ҳикмат ... «Московские Ведомости» ни ўқиб ҳам бунчалик миянгиз тўлмайди.

Ҳоким. Хўш, менга қаранг, ўша хатларда Петербургдан келадиган чиновник тўғрисида ҳеч гап йўқми?

Почта мудири. Йўқ, петербурглик чиновник хусусида ҳеч гап йўқ. Аммо Кострома, Саратов чиновниклари тўғрисида гап кўп. Аттанг, бу хатларни ўқимайсизда, шундай ғалати жойлари борки ... Мана, яқинда бир поручикнинг ўртоғига ёзган хатини ўқидим; бални шундай боллаб тасвирлабдики, бай, бай ... «Азиз дўстим—дебди—менинг ҳаётим ҳузур-ҳаловатда ўтаётибди: нозанинлар кўп» ... Шундай ёзибдики, асти қўйинг. Хатни атайин олиб қолдим. Ўқиб берайми?

Ҳоким. Ҳозир бунинг мавриди эмас, қулоққа кирмайди. Барака топинг, Иван Кузьмич, шундай қилинг: агар бирон шикоят ёки маълумот учраб қолса, ҳеч қандай мулоҳазага бориб ўтирасдан, дарров олиб қўйинг.

Почта мудири. Жоним билан.

Аммос Фёдорович. Эҳтиёт бўлинг, бир кун эмас, бир кун балога қоласиз.

Почта мудири. Худо сақласин.

Ҳоким. Йўқ, йўқ, ҳеч. Овоза бўладиган бир иш қилсангиз экан, ўзаро бўладиган нарса-да.

Аммос Фёдорович. Ҳа ... кўп бемаъни иш бўлди! Мен, ростини айтсам, сизни бир кучук билан хурсанд қиласай деб келган эдим! Ана у ўзингиз билган кучукнинг ҳамшираси эди. Чептович билан Варховинскийнинг судлашиб юрганидан хабарингиз бор-ку, энди ҳузур-ҳузур менини бўлиб қолди: унисининг ҳам ерида қуён овлайман, бунисининг ҳам.

Ҳоким. Шу вақтда қуён юракка сифадими, азизим? Фикру-ёдим шу лаънати махфий ревизорда бўлиб қолди. Худди ҳозир эшик очилиб, лоп этиб кириб келаётгандай ...

III МАЖЛИС

Ҳалигилар, Добчинский ва Бобчинский
(иккви ҳовлиқиб киради).

Бобчинский. Ҳой, эшитдиларингми?

Добчинский. Ғалати бир хабар!

Ҳ а м м а . Нима, нима бўпти?

Д о б ч и н с к и й . Хаёлга келмаган бир иш: мусофирихонага борсак ...

Б о б ч и н с к и й (*унинг сўзини бўлиб*). Пётр Иванович икковимиз мусофирихонага борсак ...

Д о б ч и н с к и й (*унинг сўзини бўлиб*). Э, шошманг, Пётр Иванович, мен айтай.

Б о б ч и н с к и й . Э, йўқ, мен ўзим ... Шошманг, шошманг ... Сиз гапни бопполмайсиз.

Д о б ч и н с к и й . Сиз адашиб кетасиз, ҳамма гап эсингида турмайди.

Б о б ч и н с к и й . Эсимда туради, азбаройи худо эсимда туради. Шошманг энди, мен гапириб бераман, тек туринг! Худо ҳайрингизни берсин, жаноблар, сизлар айтинглар, бу киши тек турсин.

Ҳ о к и м . Айта қолинг энди, азбаройи худо, нима гап ўзи? Юрагим қинидан чиқай деб турибди. Жаноблар, ўтиргинглар! Курси олинглар. Пётр Иванович, мана сизга курси (*ҳамма иккала Пётр Иванович атрофига тизилишиб ўтиради*). Хўш, нима бўлибди?

Б о б ч и н с к и й . Шошманг, шошманг, мен ҳаммасини бир бошдан айтиб бераман. Жаноблари ўша келган хатни олиб ташвишманд бўлганларида олдиларидан чиқиб кетиш шарафига ноил бўлишим биланоқ, югуриб ... Жон биродар, Пётр Иванович, гапга қўш солманг! Ҳаммаси, ҳаммаси ёдимда бор. Юрганимча Коробкиннинг олдига бордим; борсам, Коробкин уйида йўқ экан, ундан чиқиб Растворскийнига бордим, Растворский ҳам уйида йўқ экан; кейин, сизга келган хабарни айтай деб Иван Кузьмичнигида кирдим, бу кишиникидан чиқиб келаётуб, Пётр Иванович билан учрашиб қолдим.

Д о б ч и н с к и й (*сўзини бўлиб*). Сомсапаз дўкони олдида ...

Б о б ч и н с к и й . Сомсапаз дўкони олдида. Пётр Ивано-

вични кўриб, «Антон Антоновичга келган хатда айтилган янгиликдан хабарингиз борми?» деб сўрадим. Пётр Иванович буни хизматкорингиз Авдотъядан эшитган экан. Уни сиз, билмадим, нима иш биландир Филипп Антонович Почечуевниги юборган экансиз.

Д о б ч и н с к и й (сўзини бўлиб). Француз арагига бочка олиб келгани юборган экансиз.

Б о б ч и н с к и й (унинг қўлини итариб қўйиб). Француз арагига бочка олиб келгани ... Пётр Иванович иккаламиз кетдик ... гапга қўш солманг, биродар, гапга қўш солманг! ... Икковимиз Почечуевниги қараб кетдик. Йўлда Пётр Иванич «Юринг, майхонага кирамиз, қорин жуда ҳам ... эрталабдан бери ҳеч нарса еганим йўқ» дедилар.

Пётр Ивановичнинг қорни ... «Майхонага янги тутилган балиқ келтиришибди, овқатланиб чиқамиз» дедилар. Мусоғирхонага шундай кирсак, бирдан ёшгина бир йигит ...

Д о б ч и н с к и й Афт боши келишган! Устида гражданча кийим.

Б о б ч и н с к и й. Афт боши келишган, устида гражданча кийим ... Ўйланиб у ёқдан-бу ёққа юрибди ... Афт-башараси ... Юриш-туриши ... (пешана-сини кўрсатиб) бунда гап кўп. Мен, худди каромат қилгандай, Пётр Ивановичга «Бунинг бир балоси бор»



Бобчинский ва Добчинский.

дедим. Пётр Иванович секин имлаб майхоначини, Власни чақирди. Унинг хотини уч ҳафта бўлади, тукқан. Боласи бирам тетикки, катта бўлса худди отасига ўхшаб майхона очади. Пётр Иванович Власни чақириб секин «Бу йигит ким?» деб сўради. Влас айтдики «Бу одам...» шошманг, энди, Пётр Иванович, гапга қўш солманг, худо хайрингизни берсин, қўйинг, сиз гапириб беролмайсиз, азбаройи худо, уdda қилолмайсиз, битта тишингиз йўқ, мен биламан, ҳамма гап оғзингиздан пис-пис бўлиб чиқади... Ҳа, «Бу йигит чиновник экан» деди, «Петербургдан келибди» деди, «Саратов губернясига кетаётган эмиш, номи Иван Александрович Хлестаков» деди. «Ғалати киши экан» деди, «икки ҳафтадан бери майхонадан чиқмайди, овқатни нуқул насияга олиб, бир пул бермайди» деди. Шундай дегандан кейин дарров калламга бир фикр келди, Пётр Ивановичга «эй» дедим.

Добчинский. Йўқ, Пётр Иванович, аввал мен «эй» дедим.

Бобчинский. Аввал сиз «эй!» дедингиз, кейин мен ҳам ... Пётр Иванович икковимиз «эй!» дедик. «Саратов губернясига борадиган бўлса, бу ерда нима қилиб ўтиради?» Ўша чиновник мана шунинг ўзгинаси.

Хоким. Ким, қанақа чиновник?

Бобчинский. Олган хатингизда айтилган чиновник, ревизор.

Хоким (ваҳимага тушиб). Қўйсаларинг-чи худо сақласин, у эмас.

Добчинский. Ўша! Насияга овқат еб пул бермаса, бир ёққа кетмаса, ўша бўлмай ким бўлади? Қоғози Саратовга ёзилган эмиш.

Бобчинский. Ўша, азбаройи худо ўша, ... ҳамма ёққа разм солаётибди; ҳамма ёқни кўздан кечираётибди. Пётр Иванович икковимизнинг балиқ еб ўтирганимизни

кўриб ... Пётр Ивановичнинг қорни жуда оч бўлгани учун кўпроқ балиқ олган эдик ... Олдимиздаги тарелкага ҳам қараб қўйди. Ҳамма ёққа шундай разм соладики, эсим чиқиб кетди.

Ҳоқим. Худоё худовоондо, биз осийларни ўзинг кечир! Қайси уйда тураг экан?

Добчинский. Зинанинг тагидаги бешинчи номерда.

Добчинский. Бултур офицерлар муштлашган уйда.

Ҳоқим. Қачондан бери тураг экан?

Добчинский. Икки ҳафтача бўлибди. Байрам куни келган экан.

Ҳоқим. Икки ҳафта! (Четга қараб.) Ё азизлар, ё аслиё-ю анбиёлар, ўзларинг мадад қилинглар! Бу икки ҳафта ичида унтер-офицернинг хотини калтакланди, маҳбусларга озиқ-овқат берилмади! Кўчалар қовоқхонага ўхшайди, ифлос! Шармандагарчилик (бошини ушлайди).

Артёмий Филиппович. Нима қилдик энди, Антон Антонович, саф бўлиб мусофирихонага борайлик бўлмаса.

Аммос Фёдорович. Йўқ, йўқ! Олдин катталар, руҳонийлар, савдогарлар борсин. «Иоан Масон қилмишлири» деган китобда ҳам шундай дейилган.

Ҳоқим. Йўқ! Йўқ! Бу ишни ўзимга қўйинглар. Умримда кўп қийинчиликларни кўрганман, ҳаммасини эплаб, яна раҳмат эшитганман. Бу сафар ҳам худонинг ўзи ёр бўлар. (Бобчинскийга.) Сиз ҳали ёш йигит дедингизми?

Добчинский. Ёш, йигирма уч ё йигирма тўртдан сал ошгандир-да.

Ҳоқим. Бундай бўлса кўп яхши. Ёш йигитнинг қўйнига қўл солиб кўриш осон. Қаридан худо сақласин! Ёшнинг бор-йўғи сиртида бўлади. Сизлар, жаноблар, ўз ишларингни саришта қилинглар. Мен ўзим ёки Пётр Иванович билан биргалиқда шундай айлангани чиқсан бўлиб, мусофирилардан хабар оларни кирди чиқамиз. Ҳой ~~Систупи~~

С в и с т у н о в . Лаббай!

Ҳ о к и м . Югур, приставни чақириб кел; йўқ, шошма, сен менга кераксан. Бирон кишига айт, тезроқ приставни айтиб келсин, ўзинг тезроқ кел.

М и р ш а б шошиб-пишиб чиқиб кетади.

А р т ё м и й Ф и л и п п о в и ч . Юринг, юринг, Аммос Фёдорович! Чиндан ҳам бир бало бўлиши мумкин.

А м м о с Ф ё д о р о в и ч . Сиз нега қўрқасиз? Касалларга тоза қалпоқлар кийгизсангиз бўлади-да, бошқа нимадан қўрқасиз.

А р т ё м и й Ф и л и п п о в и ч . Э, қалпоқни қўйсангизчи! Касалларга сўк оши буюрилган, лекин бутун коридорлардан карам ҳиди келади, димогни ёриб юборай дейди.

А м м о с Ф ё д о р о в и ч . Уз ишимдан кўнглим тўқ. Дарҳақиқат, уезд суд маҳкамасига ким ҳам кирав эди дейсиз? Биронта қоғозга кўз ташлагундай бўлса, дунёга келганига минг-минг пушаймон бўлади. Мана мен ўн беш йилдан бери судлик қиласман, баъзида битта-яримта қоғозни ўқиб кўрай десам, тарс ёрилиб кетгудай бўласман. Бу қоғоздаги гапларнинг қайсиси рост, қайсиси ёлғон эканини худонинг ўзи ҳам билмайди.

Судья, худой и хоналар мутасаддиси, мактаблар нозирни ва почтамудири чиқиб кетаётуб, эшикда миранга дуч келадилар.

IV МАЖЛИС

Ҳ о к и м , Б обчинский, Добчинский ва Миршаб.

Ҳ о к и м . Арава турибдими?

М и р ш а б . Турибди.

Ҳ о к и м . Бор, кўчага чиқиб тур ... Йўқ, туратур! Бор, олиб кел... Бошқалар қани? Битта ўзингми? Ахир, Прохоров ҳам келсин демабми эдим? Қани Прохоров?

М и р ш а б . Прохоров миршабхонада. Ишга ярагудай эмас.

Ҳ о к и м. Нега?

Миршаб. Эрталаб ўлар ҳолатда олиб келишган эди—
маст. Икки челак сув билан ҳам ўзига келмади.

Ҳ о к и м (бошини ушлаб). Оббо худо урди! Дарров кўча-
га чиқ ... Шошма, аввал югуриб уйдан қилич билан янги
шляпамни олиб чиқ. Югур! Қани! Пётр Иванович, юринг!

Б о б ч и н с к и й. Мен ҳам, ... мен ҳам рухсат этинг,
мен ҳам борай, Антон Антонович!

Ҳ о к и м. Йўқ, йўқ, Пётр Иванович, бўлмайди, бўлмайди,
яхши эмас, аравага сифишмаймиз, ҳам.

Б о б ч и н с к и й. Майли, майли, ҳеч бокиси йўқ, сифиш-
масак мен пиёда араванинг кетидан чопқиллаб боравера-
ман. Мен шунчайики эшикнинг тирқишидан қарасам бас;
кўрай-чи, авзойи қалай.

Ҳ о к и м (қиличини олиб, миришабга). Ҳозир бориб ўнбо-
шиларга айт, ҳар қайсиси ... Бу қиличини кўринг-а? Лаъ-
нати савдогар Абдулин ҳокимнинг қиличи эскириб қолга-
нини кўриб туриб, янгисини юбормайди-я! Оббо муғамбир-
лар-е! Бу муттаҳамлар ҳали енг учida узатгани ариза ҳам
битиб қўйгандир дейман. Айт, ҳар қайсиси биттадан қўлига
кўча олсин ... Э, кўча эмас, супурги, супурги олсин дегин!
Майхонагача ҳамма ёқни супуриб-сидириб топ-тоза қил-
син ... Эшитдингми! Ҳой, менга қара, сен! Мен сени билла-
ман: ҳамиша кумуш қошиқларни ўғирлаб, этигинг қўнжига
тиқасан. Мени билмайди дейсанми? Савдогар Чернаевни
нима қилдинг? А? У сенга мундир тикдиргани икки газ
мовут берган эди, ҳаммасини еб кетдинг. Пора олсанг ама-
лингга яраша олгин-да, бор!

У МАЖЛИС

Ҳалигилар ва даҳа пристави.

Ҳ о к и м. Э, Степан Ильич! Азбаройи худо қаерларда
юрасиз? Шу ҳам гап бўлдими?

Даҳа пристави. Мен шу ерда эдим. Ташқарида
эдим.

Ҳ о к и м. Менга қаранг, Степан Ильич! Петербургдан чиновник кепти-ку, нима ишлар қилдингиз?

Д а ҳ а пристави. Ўзингиз айтгандай қилдим: миршаб Пуговицинни ўнбошилар билан бирга йўлкаларни тозалагани юбордим.

Ҳ о к и м. Держиморда қаерда?

Д а ҳ а пристави. Держиморда ўт ўчирувчилар билан бирга кетган эди.

Ҳ о к и м. Прохоров мастили?

Д а ҳ а пристави. Маст.

Ҳ о к и м. Нечук сиз бунга йўл қўйдингиз?

Д а ҳ а пристави. Ким билибди дейсиз. Кеча шаҳардан ташқарида катта муштлашиш бўлган экан, шуни бостириб келгани бориб, мастили бўлиб келибди.

Ҳ о к и м. Менга қаранг, сиз бундай қилинг: миршаблардан Пуговицин ... бўйи баландроқ бўлгани учун тартиб сақлаган бўлиб кўприкда турсин. Этикдўзнинг ёнидаги эски деворни дарров йўқотиб, ўрнига бордон тўсиб қўйилсин, тоинки, шаҳар кўчалари план билан солинаётганга ўхшаб турсин. Бузилган жой қанча кўп бўлса, шаҳар ҳокими шунча ишchan кўринади. Э, худо урди, ўша деворнинг ёнида қирқ аравача ахлат уйилиб ётган эди-ку, сира эсимда йўғ-а! Бу қандай расво шаҳар экан! Қаерга бирон ҳайкал ўрнатсанг, ё девор қилсанг дарров тагига аллақайси гўрдан балою-баттар тўпланади, қолади! (Уф тортади.) Ҳа, айтгандай, агар у чиновник хизматдагилардан, аскарлардан «хурсандмисизлар!» деб сўрагудай бўлса, ҳамма «жуда хурсандмиз, жаноби олийлари» десин; битта-яримта «норозимиз» дейдиган бўлса мен унга кейин норозиликни кўрсатиб қўяман. Уҳ, уҳ, уҳ! Гуноҳим кўп, кўп гуноҳим! (Шляпасини оламан деб гилофни олади.) Э, худо, шу ташвишлардан қутқарсанг, шукронасига бутхонага шундай шамлар ёқар эдимки, бунақа шамни ҳеч ким ёқмаган бўлар эди; лаънати савдогарларнинг ҳар бирига уч пуддан мум

шам солар эдим. Э, худо! Поко парвардигоро! Қани, юринг, Пётр Иванович (*шлияпа деб қоғоз ғилофни киймоқчи бўлади*).

Да ҳа пристави. Антон Антонович, бу шляпа эмас, филоф.

Ҳоким (*ғилофни ташлаб*). Ғилоф бўлса ғилофдир-да, минг лаънат! Ҳа, бундан беш йил бурун худойихоналар ҳузурида бутхона солиш учун пул чиқарилган эди, шу бутхона нега ҳозиргача солинмайди деб сўраса «Солинаётган эди, битай деганда ўт тушди» дейишни эсингиздан чиқарманг. Мен бу хусусда рапорт ҳам топширганман, тағин битта-яримта одам, эсида йўқ, аҳмоқлик қилиб, «Бутхона солиш ҳаракати ҳам бўлган эмас» деб ростини айтиб қўймасин. Ундан кейин Держимордага айтиб қўйилсан, муштим бор деб ҳаммани ура бермасин. Тартиб жорий қиласман деб ҳамманинг қаншарини ёриб юради — гуноҳкорни ҳам уради, гуноҳсизни ҳам уради. Қани, юринг, юринг, Пётр Иванович! (*Чиқиб қайтиб киришади*.) Кейин, солдатлар кўчага чиқарилмасин: бу маҳлуқларнинг ички кўйлаксиз мундирнинг ўзини кийиб чиқиб кетаверадиган одати бор.

Ҳаммалари чиқиб кетишади.

VI МАЖЛИС

Анна Андреевна билан Марья Антоновна
югуриб саҳнага чиқади.

Анна Андреевна. Қани, қани булар? Вой худойим! (*Эшикни очиб*.) Ҳо, отаси! Антоша, Антон! (*Тез-тез гапириб*.) Ҳамма айб сенда, сен мени шунча алаҳситдинг: «Тўғнағич тақай, рўмол ўрай» деб ивирсиб ўтирдинг. (*Югуриб бориб деразадан чақиради*.) Антон! Қаёққа! Қаёққа! Нима, келдими? Ревизор? Мўйлови ҳам борми? Мўйлови қанақа?

Ҳоким (*овози*). Кейин, кейин, онаси!

Анна Андреевна. Кейин? Шу ҳам гап-у! **Кейин** эмиш! Керакмас кейин . . . Бир оғиз сўз, шуни айт: полков-

ник эканми? А? (*Жаҳли чиқиб.*) Кетди! Қараб тур ҳали! Ҳаммаси мана шунинг касофати: «Шошманг, онажои, рўмолимни боғлаб олай; ҳозир бўламан» деб одамни тутди. Мана энди нима бўлди? Ҳамма гапдан бехабар қолдик. Олифталик ҳам ўлсин. Почта мудири келганини эшишиб пардозу-андоз қилиб ўлди. Ўзига оро бериб ойнага ҳали бундай қилиб қарап, ҳали ундаи қилиб қарап! У одамни ўзингга жазман деб ўйлайсан шекилли. У бўлса ҳамма вақт орқангдан афтини **буриштириб** қолади.

Марья Антоновна. Нима қипти, онажон? Икки соатдан кейин барибир ҳамма гапни эшитамиз.

Анна Андреевна. Икки соатдан кейин эмиш! Қуллуг-э! Хўп гапни **гапирдилар-да!** Хайрият бир ойдан кейин демадинг (*деразадан*). Ҳой Авдотья! А? Бирор келган эмиш, ким келди, **вшитмадингми?** Эшиганинг йўқми? Вой сатқаи одам кет! **Қўлинни** силкитади? Силкитса силкита бермайдими, **сўрасанг** бўлар эди. Фаҳминг қурсин! Сенинг эс-ҳушинг **куёзда.** А? Дарров кетиб қолишиди? Араванинг кетидан **югурмайсанми!** Бор, бор ҳозир, югар! Менга қара, югар дейман; қаёққа кетишиди экан, суриштир. Ким кепти, қанақа одам экан, яхшилаб сўра, эшитдингми? Тирқишдан қараб бил: кўзи қанақа, қорами, йўқми; ундан кейин дарров кел. Тушундингми? Қани, бўл тезроқ. Бўл, бўл, бўл! (*Парда түшгунча қичқиради. Парда тушганда, иккови дераза ёнида турган бўлади.*)



ИККИНЧИ ПАРДА

Мусоғирхонада кичкина бир бўлма. Каравот, стол, чамадон, бўш шиша, этик, кийим чўткаси ва ҳоказо.

I M A J L I C

О с и п (*хўжайиннинг каравотида ётибди*).

Бу қурғур қорин шунაқаям очқадики, ичакларим сурнай чаляпти. Аҳвол шу бўлса уйга ҳам етиб боролмаймизми дейман-да! Нима ҳам дейсан бунга! Питердан чиққанимизга бир ойдан ошди! Бутун пулни йўлда ютқизиб мана энди думини қисиб ўтирибди, парвойи палак! Уша пулларни арава кирага бериб тезроқ етиб олсак-ку бўлар эди; йўқ, бу киши ҳар шаҳарда ўзларини кўрсатмасалар бўлмайди! (*Хўжайинни масхара қиласади*.) «Ҳой Осип, бор, яхшироқ уй танла, овқатнинг ҳам яхшироғини сўра: мен bemаза овқатни еёлмайман, менга яхши овқат бўлмаса бўлмайди». Кошки бирон арзийдигандам бўлса, амали—кичкинагина бир регистратор. Ўткинчилар билан танишиб карта ўйнагани-ўйнаган. Мана энди бутун пулинни ютқизиб шип-шийдам бўлиб ўтирибди. Бунақа тириклик жонимгаям тегди-да!



Хлестаков.

Қишлоқ яхши-е: қишлоқда томоша бўлмаса ҳам ташвиш оз; битта хотинни оласан-у сомса еб, юмшоқ тўшакда ётаверасан. Албатта Питерда туриш яхшику-я, бунга, нима етсин. Пул бўлса бас, туриш-турмуш сиёсат-у нафосат. Театрхоналарни айтасанми, итларнинг ўйинга тушишини айтасанми! Кўнглинг нимани хоҳласа бор. Ҳамма нозик иборалар билан гаплашади, шундай гаплашадики, дворянлардан қолишмайди. Шчукин бозорига борсанг савдогарлар «Марҳамат қилсинглар» деб туради; дарёдан ўтгани қайиққа тушсанг бирон чиновникнинг ёнига ўтириб қоласан; улфатчиликни хоҳлаб қолсанг бирон дўконга кирасан; орден таққан офицер лагердан гапириб беради, осмондаги юлдузлардан гапириб ҳаммасини мана шундай кўз олдингга келтиради қўяди. Офицернинг кампир хотини кириб қолади; баъзан бирон оқсоч қиз кириб чиқади, шунақаям... Ҳай, Ҳай! (*Кулимсирайди ва бош чайқайди.*) Ҳеч кимнинг оғзидан ножӯя гап эшитмайсан: ҳамма сени сизлайди. Юриб чарчасанг извош кира қиласан-у боярга ўхшаб керилиб кетаверасан, кира бергинг келмаса бермайсан: ҳар бир ҳовлиниң иккита дарвозаси бор, биттасидан кирасан-у иккинчисидан чиқиб кетаверасан, извошли сени топиб бўпти. Фақат бир томони ёмон: баъзан овқатни хўп еб ёрилгудай бўлсанг, баъзан мана бунақа, очликдан тиришиб ўтирасан. Ҳамма айб хўжайинда. Унга нима ҳам деб бўлади? Отасику пул юборади, шу пулни тежаб-тергаб сарф қиласа бўлмайдими! Қаёқда, совургани-совурган: ҳали извош, ҳали театрхона. Бир ҳафтадан кейин қарайсанки яна чўнтағида бир пул йўғ-у янги фрагини қўйлимга тутқазиб, чайқов бозорига юборади. Шундай вақтлар ҳам бўладики, ҳамма ёғини сотиб эски камзул-у эски шинель билан қолади. Худо ҳақи! Шундай яхши, мовут кийимлар! Бир фракнинг ўзи юз эллик сўм туради-ю, бозорга чиқариб йигирма сўмга соттиради. Шимни қанчага соттирганлигини қўяверинг — тупроқ баҳоси. Бунга нима сабаб? Сабаб шуки иш қилмайди; хизматга бо-

риш ўрнига кўчада томоша қилиб юради, карта ўйнайди. Буни отаси билмайди-да, билса-ку, чиновник эканлигига ҳам қарамай, этагини кўтариб хўп савалар эди-я; шундай савалар әдики, уч-тўрт кун кетини ерга қўя олмас эди. Хизмат қиладиган бўлсанг хизмат қилгин-да! Мана энди майхоначи «қарзларингни бермасаларинг бошқа овқат бермайман» деб ўтирибди; қарзимизни бермасак нима бўлади. (Уф тортиб.) Э худоё, бир қошиққина қарам шўрва бўлсачи-я! Ҳозир бутун дунёни икки ямлаб бир ютишга тайёрман. Тақилляпти; келди (*каравотдан шошиб туради.*)

П М А Ж Л И С

О с и п билан Х л е ст а к о в

Х л е ст а к о в . Ма, буни ол. (*Шапкаси билан ҳассасини беради.*) Ҳа, яна каравотга ағанадингми?

О с и п . Ағанаб нима қиласман? Нима, каравотни энди кўрибманми?

Х л е ст а к о в . Ёлғон айтасан, ағанагансан, қара, ғижим бўлиб ётибди.

О с и п . Нима қиласман каравотингизни? Нима, умримда каравот кўрмабманми? Оёғим бор, тикка турсам ҳам бўлаверади. Каравотингизга зор бўлибманми?

Х л е ст а к о в (*нари-бери юриб*). Қамзулнинг чўнтағини қара-чи, тамаки борми?

О с и п . Тамаки нима қиласди? Қолган-қутганини қоқишириб чекканингизга тўрт кун бўлди-ку.

Х л е ст а к о в (*нари-бери юради, лабларини ҳар хил қилиб қимтийди, нихоят, баланд ва кескин товуш билан*). Менга қара... Ҳой, Осип!

О с и п . Нима дейсиз?

Х л е ст а к о в (*баланд овоз билан, лекин ботинмайроқ*). Бир тушиб чиққин.

О с и п . Қаёққа?

Х л е ст а к о в (*секин ва тортиниброқ, илтимос тарзида*.) Пастга, буфетга... Айтгин... Менга овқат беришсин.

Осип. Қўйсангиз-чи, бормайман.

Хлестаков. Нега гапимни қайтарасан, аҳмоқ!

Осип. Нега бўлар эди, борганим билан барибир ҳеч нарса чиқмайди. Майхоначи «бундан кейин овқат бермайман» деди.

Хлестаков Нега бермас экан? Ана бемаъни гап-у!

Осип. «Хўжайнинг уч ҳафтадан бери овқат еб пул бермайди, бориб ҳокимга арз қиласман» дейди. «Муттаҳам экансизлар, хўжайнинг ҳам қаллоб экан, биз сизларга ўхшаган товламачи муттаҳамларни кўп кўрганмиз» дейди.

Хлестаков. У шундоқ деган бўлса сен шуни менга айта қолмасанг нима бўлади, ҳайвон!

Осип. «Мана шунаقا келишади, хўп туришади, қарздор бўлишади, ундан кейин ҳайдаб чиқаришнинг ҳам иложи бўлмай қолади» дейди. «Мен гиди-биidi қилиб ўтирумайман, тўғри миршабхонага арз қилиб бораман-у қаматиб қўяман» дейди.

Хлестаков. Бўлди, бўлди, аҳмоқ! Бор, бор, айт! Шундай тўнг ҳайвон!

Осип. Майхоначининг ўзини чақириб кела қолай.

Хлестаков. Чақириб нима қиласан? Ўзинг бориб айт.

Осип. Э, хўжайн...

Хлестаков. Хўп, бор, минг лаънат! Майхоначини чақириб кела қол!

Осип.

Осип 'чиқди.

III МАЖЛИС

Хлестаков (ёлғиз). Қорин роса очқади-да! Нафс ором олмасмикин деб бир айланиб ҳам келдим, қаёқда! Иштаха карнай. Пензада пулни ҳаром-ҳаришга сарф қилмаганим-да уйга етиб олар әдим. Пиёда аскар капитани қурғур, картага жуда әпчил әкан. Чораки соат дегунча шилиб олди-қүйди-я. Шундай бўлса ҳам яна бир ўйнагим келди-ю бошқа тўғри келмади-да. Кўп расво шаҳар әкан-да! Бақоллари насияга ҳеч нарса бермайди-я! Бу жуда ҳам пастлик! (Аввал «Роберт» операсидан, сўнгра бир куйда ҳуштақ чалади, ниҳоят қандай куй чалаётганини билиб бўлмайди.) Ҳеч ким келмаяпти-ку.

IV МАЖЛИС

Хлестаков, Осиپ ва майхона хизматкори.

Хизматкор. Хўжайн бориб сўраб келгин, нима ишлари бор әкан дедилар.

Хлестаков. Салом, ука! Қалай, саломатмисан?

Хизматкор. Шукур.

Хлестаков. Хўш, меҳмонхона ишлари қалай? Жойидами?

Хизматкор. Шукур, жойида.

Хлестаков. Меҳмон кўп тушиб турадими?

Хизматкор. Ҳа, етиб турибди.

Хлестаков. Менга қара ука, менга ҳануз овқат олиб келишгани йўқ, сен бориб айтгин, тезроқ беришсин, овқатдан кейин қиласиган ишларим бор.

Хизматкор. Хўжайн энди овқат бермайман деган эдилар-ку! У киши ҳокимга арз қилгани ҳам бормоқчи әдилар.

Хлестаков. Арзи нимаси? Ахир ўзинг ўйлаб кўр, қандоқ қиласи? Қорним оч. Бу аҳволда сулайиб қоламан. Очликдан юрагим гумириб кетаётибди; ҳазили йўқ.

Хизматкор. Хўжайн «илгари еган овқатлар-

нинг пулини бермагунча бошқа овқат бермайман» дейдилар. У кишининг жавоблари шу.

Х л е с т а к о в. Сен унга тушунтири, йўлга сол.

Х и з м а т к о р. Ахир мен у кишига нима ҳам дейман?

Х л е с т а к о в. Сен дурустроқ уқтири, қорни оч, овқат емаса бўлмайди дегин. Пул ўз йўли билан. Мени ҳам ўзиға ўхшаган мужик, бир-икки кун овқат емаса ҳеч нарса бўлмайди деб ўйлади шекилли. Шу ҳам гап бўлди-ю!

Х и з м а т к о р. Бўпти, айтаман.

V M A J L I C

Х л е с т а к о в (ёлғиз). Овқат бермаса жуда ёмон бўлади-ку. Ҳеч қачон қорним бунчалик оч қолган эмас эди. Кийим-кечакдан биронтасини пулласаммикин? Шалваримни сотсаммикин? Йўқ, оч қолсам қолайки, уйга Петербург кийимида борай. Афсуски Иохим соябон аравасини бермади-да, берганда уйга соябон аравада кириб борсан жуда соз бўлар эди. Бирон қўшни помешчикнинг эшиги олдига қўш фонарлик соябон арава келиб тўхтаса, орқада ясанган Осип турса... Тўс-тўполон бўлиб кетар дейман! «Ким экан, нима гап?» Лакей кириб: (*лакейга тақлид қилиб*): «Петербургдан Иван Александрович Хлестаков келибдилар, қабул қиласдиларми?» дейди. Бу галварслар «қабул қиласдиларми» деган гапнинг маъносини қаёқдан билсин. Буларнинг уйига биронта тўқим табиат помешчик келса сўрамай-нетмай, айиққа ўхшаб, тўғри меҳмонхонага кираверади. Битта-яримта қиз кўриниб қолса секин олдига бориб: «Ойимқиз, мен шундай ҳам...» (*қўлларини бирбирига ишқаб, таъзим қиласди*). Тфу! Очликдан кўнглим озиб кетди.

VI M A J L I C

Х л е с т а к о в, О с и п, сўнгра х и з м а т к о р.

Х л е с т а к о в. Ҳа нима бўлди?

О с и п. Овқат олиб келяпти.

Х л е с т а к о в (*ўзида йўқ хурсанд.*) Опкеляпти, опкеляпти! Опкеляпти!

Х и з м а т к о р (*тарелка ва сальфеткалар билан кира-ди*). Хўжайин «бу сафар ҳам бердим, бундан кейин бермайман» дедилар.

Х л е с т а к о в. Хўжайин, хўжайин эмиш. . . Тфу ўша хўжайинингга! Нима овқат?

Х и з м а т к о р. Шўрва билан қовурма.

Х л е с т а к о в. Ие, икки хил холосми?

Х и з м а т к о р. Ҳа, икки хил холос.

Х л е с т а к о в. Ана bemазагарчилиг-у! Олиб кет керак эмас. Хўжайинингга айт, бу нима деган гап ўзи! . . . Кам бу!

Х и з м а т к о р. Хўжайин шуни ҳам кўп деяптилар.

Х л е с т а к о в. Нега қайласи йўқ?

Х и з м а т к о р. Қайла йўқ.

Х л е с т а к о в. Нега бўлмас экан? Ошхонанинг олди-дан ўтаётиб ўз кўзим билан кўрдим, қайла кўп эди. Эрталаб столовойда иккита пакана одам балиқ, яна алланималар еб ўтирган эди.

Х л е с т а к о в. Борликка бор-у, лекин йўқ.

Х л е с т а к о в. Нега йўқ?

Х и з м а т к о р. Йўқ-да.

Х л е с т а к о в. Балиқ-чи, котлет-чи?

Х и з м а т к о р. Булар дурустроқ одамларга берилади.

Х л е с т а к о в. Вой аҳмоғ-ей!

Х и з м а т к о р. Шунақа.

Х л е с т а к о в. Вой чўчқа-ей. . . Нега улар ер экан-у мен емас эканман? Улар еганда мен нега еяолмайман? Улар ҳам менга ўхшаган мусофири-да ахир?

Х и з м а т к о р. Сизга ўхшаган эмас.

Х л е с т а к о в. Қанақа бўлмаса?

Х и з м а т к о р. Қанақа бўлар эди? Қанақалиги маълум: еган овқатига пул беради.

Х л е с т а к о в. Мен сен аҳмоқ билан айтишиб ўтиришни келиб беради.

майман (*шўрва қўйиб ичади*). Бу қанақа шўрва? Шўрва деб сув олиб келибсан-ку; маза-матраси йўқ, сассиқ. Ичмайман бу шўрвани, бошқа шўрва олиб кел!

Хизматкор. Майли, олиб кетаман. Хўжайин, агар ичмаса олиб келавер деган эдилар.

Хлестаков (*шўрвани бермайди*). Ҳай, ҳай, ҳай... тегма, аҳмоқ! Сен бошқаларга шунақа муомала қилиб ўргангансан, мен сен айтган одамлардан эмасман. Мен билан пашшалашма... (*Шўрвани ичади*.) Бай, бай, бай! Бу қанақа шўрва! (*Ичаверади*.) Мунақа шўрвани дунёда ҳеч ким кўрмагандир: ёғнинг ўрнига аллақанақа патлар сузуб юрибди (*товуқни кесади*). Бай, бай, бай, товуқни қара-я! Қовурмани бер! Косада жиндай шўрва қолди, олиб ич, Осип. (*Гўштни кесади*.) Бу қанақа қовурма? Бу қовурма эмас.

Хизматкор. Нима экан бўлмаса?

Хлестаков. Нима бўлса бордир, лекин қовурма эмас. Гўшт деб болтани қовуриб берибди (*ейди*). Муттаҳамлар! Берган овқатини қара-я! Гўштдан бир бурдасини есанг жагинг тушади. (*Бармоғи билан тишини ковлади*.) Аблаҳлар! Худди дарахтнинг пўстлоги-я, тишга кирса чиқариб бўлмайди; бунақа овқатни есанг тишиңг ҳам қора-йиб кетади. Муттаҳамлар! (*Оғзини салфетка билан артади*.) Бошқа овқат йўқми?

Хизматкор. Йўқ.

Хлестаков. Товламачи! Аблаҳлар! Лоақал жиндай қайла ё бирон ширинлик берса-чи. Ишёқмаслар! Мусо菲尔арни шилишни билади холос.

Хизматкор тарелка ва салфеткани олиб Оси билан бирга чиқиб кетади.

VII МАЖЛИС

Хлестаков сўнгра Оси п.

Хлестаков. Бу овқати чап ичагимга ҳам юқ бўлгани йўқ; иштаҳани баттарроқ очди холос. Майда пул бўлганда бозордан нон олдирар эдим.

Оси и (киради). Негадир ҳоким келиб сизни суриштирипти, сўраяни.

Хлестаков (чўчиб). Ана холос! Бу лаънати майхоначи аллақачон арз қилганга ўхшайди-ку! Ҳоким турмага судраб қолса нима қиласман? Хайр, қандоқ қиласман? Агар яхшиликча бўлса олдига тушиб . . . Йўқ, йўқ, бўлмайди! Шаҳарда офицерлар изғишиб юрибди, одам ҳам кўп; мен, худди аксига олгандай, бир савдогарнинг қизи билан кўз қисишиб ҳам қўйган эдим. . . Йўқ, бормайман. . . Нима у, мени қамашга нима ҳақи бор? Мен савдогар ё косибмидим? (Дадил бўлиб қоматини ростлайди.) Тўғри ўзига айтаман: нима ҳақинг бор дейман? (Эшикнинг қабзаси бурагади, Хлестаков ранги оқариб, жунжаяди.)

VIII МАЖЛИС

Хлестаков, Ҳоким ва Добчинский. Ҳоким бўсағадан ўтиб тўхтайди. Иккови ҳам қўрқанидан бир-бирига қараб баҳрайганича қолади.

Ҳоким (сал ўзини тутиб олгач қўлларини тушириб гоз туради). Соғлиқ тилаймиз.

Хлестаков (таъзим қилиб). Марҳамат.

Ҳоким. Афв этсинлар.

Хлестаков. Зарари йўқ.

Ҳоким. Мен бу шаҳарнинг ҳокими бўлганлигим учун мусоифирларга ва ҳамма олижаноб кишиларга азият етмаслигидан хабардор бўлиб туришни вазифам деб биламан. . .

Хлестаков (аввал бир оз тутилади, кейин баланд овоз билан). Қандоқ қилай. . . Ҳақини бераман. . . Қишлоқдан менга пул юборишади. (Бобчинский эшикдан бошини тиқиб қарайди.) Айб ўзида: берган гўшти ёғочга ўхшайди; шўрва деб алланима балони берибди, деразадан тўкиб ташладим. Кун бўйи менга овқат бермай очликдан тириштиради. . . Чойдан бўлса-ку балиқ ҳиди келиб туради. Мен бунинг нимасига. . . Шунақа ҳам бўладими!

Ҳ о к и м (қўрқиб). Кечирасиз, айб менда эмас. Менинг бозорларимда ҳамма вақт яхши гўшт бўлади. Гўштни холмогорлик савдогарлар олиб келишади, ҳаммаси ҳам эслик, яхши одамлар, билмадим бу бунаقا гўштларни қаердан олар экан. Агар ундоқ бўлса . . . Ижозат беринг, сизни бошқа уйга элтиб қўяй.

Х л е с т а к о в. Ҳеч кераги йўқ. Биламан у бошқа уйни, бошқа уй турма бўлади. Нима ҳақингиз бор? Қандай журъат қиласиз?.. Мен... Мен Петербургда хизмат қиласман. (*Дадил бўлади.*) Мен, мен, мен...

Ҳ о к и м (четга). Оббо худо урди, жаҳли ёмон экан-ку! Ҳаммасини билибди, лаънати савдогарлар ҳаммасини етказибди!

Х л е с т а к о в (дадил бўлиб). Бутун ясовулларингиз билан келганингизда ҳам бормайман. Тўғри министрга арз қиласман! (*Столга муштлайди.*) Бу қандай гап? Бу қандай гап?

Ҳ о к и м (ғоз туради, вужуди титрайди). Раҳм қилинг хароб қилманг. Хотиним бор, ёш болаларим бор... Бир одамни бахти қора қилманг.

Х л е с т а к о в. Йўқ, дедим, йўқ! Гапини қара-ю! Менга нима? Бола-чақангиз бор деб мен турмага борайми, ана гап-у!

Б о б ч и н с к и й эшикдан бошини тикиб қарайди ва қўрқиб дарров бекинади.

Йўқ, бормайман! Қуллуқ!

Ҳ о к и м (қалтираб). Тажрибасизлик, азбаройи худо, тажрибасизлик. Камбагалчиликдан... Ўзлари ўйлаб кўрсинглар: подшолик берадиган ойлик чой билан қандга ҳам етмайди. Пора олган бўлсам ҳам жуда оз, унча-мунча овқат-у, битта-иккита кийимга яраша олганман холос. Марҳум унтер-офицернинг савдогарлик қилиб юрадиган хотинини урганлигим тўғрисидаги гап қуруқ туҳмат, худо ур-

син, тұқмат! Бу гап менинг душманларимдан чиққан; бу одамлар мени үлдириб қўя қолишга ҳам тайёр.

Х л е с т а к о в . Қўйсангиз-чи! У одамлар билан менинг нима ишм бор... (*Ўйлаб.*) Билмадим, менга сизнинг душманларингиз-у унтер-офицер хотинининг нима дахли бор... Унтер-офицернинг хотини буткул бошқа одам, лекин мени уролмайсиз, қўлингиз калталик қиласди... Гапини қара-ю! Тавба!.. Ҳақини бераман дедим бераман, лекин ҳозир пуллим йўқ, ёнимда бир тийиним бўлмагани учун ҳам шу ерда ўтирибман-да.

Ҳ о к и м (*четга*). Усталигини қара-я. Бу гапнинг замираiga унча-мунча одам етолмайди! Нимадан даромад қилишингни ҳам билмайсан! Ҳар нима бўлса ҳам бир уриниб кўрай, таваккал, бир уриниб кўрай. (*Баралла.*) Агар пулга ё бошқа бирон нарсага зориққан бўлсалар, хизматларига тайёрман. Мусофирларга ёрдам бериш менинг бурчим.

Х л е с т а к о в . Беринг, менга қарз беринг! Майхоначининг ҳақини ҳозир бераман. Менга бирон икки юз сўм, ҳатто ундан камроқ бўлса ҳам етади.

Ҳ о к и м (*пулни узатиб*). Роса икки юз сўм, овора бўлиб санамасалар ҳам бўлади.

Х л е с т а к о в (*пулни олиб*). Қуллуқ, раҳмат. Қишлоқ-қа боришим биланоқ юбораман... Пулим бирдан шунаقا... Жуда олижаноб одам экансиз. Мана бундай бўпти.

Ҳ о к и м (*четга*). Худога шукур, пулни олди. Энди иш жўнашиб кетадиганга ўхшайди. Икки юз сўм деб тўрт юз сўм қистирдим.

Х л е с т а к о в . Ҳой, Осип! (*Осип киради.*) Майхона хизматкорини чақир! (*Ҳоким ва Добчинскийга.*) Нега тикка турибсизлар, марҳамат қилинглар, ўтиринглар. (*Добчинскийга.*) Қани, ўтирсинглар.

Ҳ о к и м . Майли, тикка турсак ҳам бўлаверади.

Х л е с т а к о в . Марҳамат қилинг, ўтиринг. Жуда очик;

меҳмондўст одам экансизлар. Ростини айтсам, мен аввал сизлар мени... (Добчинскийга.) Ўтилинг.

Ҳоким билан Добчинский ўтиради. Бобчинский эшикдан бошини тиқиб қарайди ва қулоқ солади.

Ҳоким (четга). Дадилроқ бўлиш керак. Билиб қўй, мен маҳфий ревизорман демоқчи-да! Ҳўп, ўзимизни анқовликка соламиз: бу одам ким эканлигини билмаган бўлайлик. (Баралла.) Биз шаҳримизнинг помешчикларидан Пётр Иванович Добчинский билан бирга маҳкама иши билан айланиб юрган эдик, мусофиirlардан ҳам хабар олгани кирдик, чунки мен ҳеч нарса билан иши йўқ бошқа ҳокимлардай эмасман; ўз вазифамдан ташқари инсонпарвар христиан бўлганим учун ҳар бир одамга яхшилик қилишни истайман; буни қарангки, толе сиз билан кўришмоқни насиб этди.

Хлестаков. Мен ҳам ниҳоятда хурсандман. Сиз кирмаганингизда бу ерда ўтираверар эдим: қарзни қандай қилиб узишни билмай ўтирган эдим.

Ҳоким (четга). Бу гапни кимга гапираётибсан! Қарзни қандай қилиб узишни билмай ўтирган эмиш! (Баралла.) Сўрашга ҳаддим сиғадими: қайси томонга ва қаерларга борадилар?

Хлестаков. Мен Саратов губернясига, ўз қишлоғимга кетаётибман.

Ҳоким (четга истеҳзоли бир қиёфада). Саратов губернясига эмиш! Қип-қизил ёлғон гапириб, қизармайди ҳам! Ўҳӯ, бу билан гаплашганда жуда ҳушёр бўлиш керак экан (баралла)! Жуда яхши ният қилибсиз. Йўл тўғрисида шуни айтайки, бир томондан, бекатларда отга маҳтал бўлиб қолади киши дейишади, лекин, иккинчи томондан, саёҳат кишининг баҳрини очади. Сиз кўпроқ сайр-у саёҳат учун йўлга чиққан бўлсангиз керак?

Хлестаков. Йўқ, падаримиз чақиртиридилар. Петербургда хизмат қилиб шу маҳалгача бирон мукофотга сазо-

вор бўлмадинг деб хафа бўлаётибдилар. Петербургга бордингми, дарров кўкрагингга Владимир осиб қўяди деб ўйлайдилар-да. Узлари хизмат қилиб кўрсалар билар эдилар.

Ҳоқим (четга). Бунинг найрангини қара-я! Чол отасини ҳам ўртага солди-ку! (Баралла.) У ерда қанча турадилар?

Хлестаков. Ўзим ҳам билмайман. Отам ўлардай қайсар, миясини еган бир чол. Мен: «нима десангиз денг, Петербургдан кетолмайман» дедим. Рост-да, нега энди умримни мужиклар орасида бекорга ўтказар эканман! Илгариги замон ўтиб кетган: мен маърифат талаб одамман.

Ҳоқим (четга). Ёлғонни қийворади-я! Шунча ёлғон гапириб бирон марта тили тутилса-чи! Ўзи кўримсиз, пакана, тирноқ билан боссанг қирс этгудай ҳоли бор-у. Шошмай тур ҳали! Тилингдан тутиласан! Мен сени бир гапга солай (баралла). Ҳақ гапни гапирдингиз. Қишлоқ жойда нима қилади киши? Мана бу ерни олинг: кечалари ухламайсан, ватан деб жонинг ҳалак, ҳеч нарсангни аямайсан, лекин мукофотдан дарак йўқ. (Уйга разм солади.) Уйингиз захроқ шекилли?

Хлестаков. Расво уй, канасини айтинг, умримда бунақа канани кўрган эмасман: худди итдай талайди.

Ҳоқим. Буни қаранг-а! Шундай маърифатлик меҳмон бир беҳуда, дунёга келмаса ҳам бўладиган махлуқдан азият тортиб ўтиrsa-я! Қоронғи ҳам экан-ку?

Хлестаков. Ҳа, жуда қоронғи. Майхоначи шам бермайдиган қилиқ ҳам чиқарди. Баъзан бирон иш қилсамми, ўқисам ёки илҳом келганда бирон нарса ёзсан дейман. Илож йўқ: қоп-қоронғи.

Ҳоқим. Бир илтимос қилсам ҳаддим сигармикин...
Йўғ-е мен ким-у, сиз ким... .

Хлестаков. Нима эди?

Ҳоқим. Йўқ, йўқ! Мен ким-у... менга ким қўйибди!

Хлестаков. Нима, нима ахир?

Ҳ о к и м. Ҳаддим сиққанда . . . менинг ҳовлимда жуда яхши, ёруғ, тинчгина, сиз бир уй бор эди . . . Йўғ-е, бундай шарафга лойик әмаслигимни ўзим сезиб турибман . . . Тағин хафа бўлманг, азбаройи очиқлигимдан айтдим.

Х л е с т а к о в. Аксинча, жоним билан. Бу қовоқхонада тургандан кўра сизнинг уйингиз яхшироқ.

Ҳ о к и м. Бошим осмонга етар эди! Хотинимнинг хурсанд бўлишини айтинг! Менинг табиатим шу: болалигимдан меҳмондўстман, хусусан меҳмон маърифатли одам бўлса . . . Яна хушомадгўйлик қилаётибди деб ўйламанг; йўқ, бунақа касалим йўқ, чин кўнглимдан айтаётибман.

Х л е с т а к о в. Ташаккур, ташаккур. Ўзим ҳам мунофиқ кишиларни ёмон кўраман. Сизнинг очиқлигингиз, меҳмондўстлигингиз менга жуда ёқиб қолди. Ростини айтсан, ҳурмат билан садоқат-у садоқат билан ҳурматдан бошқа ҳеч нарсани истамайман.

IX МАЖЛИС

Ҳ а ли ги л а р, майхона ҳизматкори ва унинг кетидан **О с и п.**
Бобчинский эшикдан бошини тиқиб қарайди.

Х из м а т к о р. Чақирдиларми?

Х л е с т а к о в. Ҳа, қани, счёт олиб кел.

Х из м а т к о р. Счётни ҳали ташлаб кетган эдим-ку.

Х л е с т а к о в. Счёт-пчёtingни билмайман. Айт, неча пул эди?

Х из м а т к о р. Келган кунингиз овқат олдингиз, эртасига озроқ балиқ едингиз, ана шундан бу ёғи ҳаммаси насия бўлган.

Х л е с т а к о в. Аҳмоқ! Ҳаммасини айтиб ўтиради. Неча пул бўлганини айтиб қўя қолмайсанми!

Ҳ о к и м. Сиз ташвиш қилманг, кейин олади. (*Хизматкорга.*) Йўқол, ўзлари юборадилар.

Х л е с т а к о в. Ҳа, рост айтасиз. (*Пулни чўнтағига солади.*)

Х из м а т к о р чиқиб кетади. **Бобчинский эшикни очиб қарайди.**

Х МАЖЛИС
Ҳоким, Хлестаков, Добчинский.

Ҳоким. Энди шаҳримиздаги баъзи муассасаларни кўришга майллари қалай, чунончи: худойихоналарни ва бошқа жойларни . . .

Хлестаков. Нима бор экан у ерда?

Ҳоким. Ҳеч, шундай, ишларимизни кўрасиз . . . Танишасиз . . . Сайру саёҳат қилиб юрган бўлсангиз . . .

Хлестаков. Жоним билан, бораман.

Бобчинский бошини эшикдан тиқади.

Ҳоким. Агар майлингиз бўлса ўшанақаси уезд мактабига ҳам кирамиз, илм ўқитиш тартибини ҳам кўрасиз.

Хлестаков. Яхши бўлади, яхши бўлади.

Ҳоким. Ундан кейин, агар хоҳишлари бўлса, шаҳар турмасига ҳам кирадилар, жинояткорларнинг майшатини ҳам кўрадилар.

Хлестаков. Турмада нима қиласиз? Ундан кўра худойихоналарни кўра қолайлик.

Ҳоким. Ихтиёр ўзларида. Ўз экипажларида борадиларми ё менинг аравамда борадиларми?

Хлестаков. Сизнинг аравангизда бора қолай.

Ҳоким (Добчинскийга). Ундоқ бўлса, Пётр Иванович, сиз сигмайсиз-ку.

Добчинский. Майли, мен пиёда бора қоламан.

Ҳоким (секин Добчинскийга). Менга қаранг, ҳозир иккита хат ёзиб бераман, чопқиллаганингизча, биттасини худойихоналар мутасаддиси Земляникага, иккинчисини хотинимга етказасиз. (Хлестаковга.) Ижозат берсалар ҳузурларида хотинимга тўрт энликкина хат ёзсан, тики хотиним муҳтарам меҳмонни кутиб олишга тайёрлик кўриб турса?

Хлестаков. Нима ҳожати бор?.. Лекин сиёҳ бор-у қоғоз йўқ. . . Мана счётнинг орқасига ёзсангиз ҳам бўлади.

Ҳ о к и м. Майли . . . (Еза туриб ўзича.) Зиёфатни еб арақ-
ни ичканингдан кейин кўрамиз. . . Губерня мадераси ўзи
кўримсиз бўлса ҳам, лекин филни йиқитади. Мен бунинг
ўзи ким ва бундан қанчалик эҳтиёт бўлиш кераклигини
билиб олсан бас. (*Хатни ёзиг Добчинскийга беради. Доб-
чинский эшикни очар экан, у томонда қулоқ солиб турган
Бобчинский бехосдан ичкарига мункиб тушади. Ҳамма
бирдан «ух» деб юборади. Бобчинский ўрнидан туради.*)

Х л е ст а к о в. Нима бўлди, бирон жойингиз майиб
бўлмадими?

Б об ч и н с к и й. Йўқ, йўқ, ҳеч нарса бўлгани йўқ,
қаншарим салгина лат еди холос! Югуриб Христиан Ива-
новичнинг олдига бораман, бир малҳами бор, шундан жин-
дак суркаб қўйса тузалади.

Ҳ о к и м (Бобчинскийга таҳдид қиласди. Хлестаковга).
Қўяверинг! Қани, марҳамат қилсинлар! Хизматкорингиз-
га айтаман, чамадонингизни бизникига олиб боради (*Осип-
га*). Укагинам, бу ердаги ҳамма нарсани бизникига олиб.
бор, ҳокимнинг уйи қайси десанг ҳамма кўрсатиб беради.
Марҳамат қилсинлар! (*Хлестаковни олдинга ўтказади ва
орқасига қайрилиб Бобчинскийга.*) Ҳў ўлинг! Йиқилгани
бошқа жой қуриб кетганмиди! Шу ерда йиқилиб тарвайиб
ётса-я! (*Чиқиб кетади, унинг кетидан Бобчинский ҳам чи-
қади.*)



УЧИНЧИ ПАРДА

І МАЖЛИС

БИРИНЧИ ПАРДАДАГИ БҮЛМА.

Анна Андреевна, Марья Антоновна ҳамон ўша вазиятда
дераза олдида туришади.

Анна Андреевна. Мана, бир соатдан бери кутамиз. Ҳамма иллат сенинг бемаъни таннозлигингда: нозандай кийинган эдинг-ку, яна ивирсив ўтиришга бало бормиди... Қаёқдан ҳам сенга қулоқ солдим! Мана энди нима бўлди. Аксига олиб, одам қораси кўринмайди-я!

Марья Антоновна. Оббо, онажон, ҳадемай ҳам масини билиб оламиз... Ҳозир Авдотья келиб қолади. (*Деразадан ташқарига қараб қичқириб юборади.*) Вой, она жон, ҳу ана, кўчанинг бошида бирор келяпти.

Анна Андреевна. Қани? Нуқул шунаقا йўқ нарсаларни гапириб юрасан. Ҳа, келяпти. Ким экан у? Бўйи ўрта... Устида фрак. Ким бўлса экан? А? Вой ўлсин! Ким эди ўзи бу?

Марья Антоновна. Добчинский, онажон.

Анна Андреевна. Қўйсанг-чи. Чолни кўрсанг бувам дея берасан: Добчинский эмиш. (*Рўмолчасини силкийди.*) Ҳой, бу ёққа келинг, тезроқ келинг.

Марья Антоновна. Рост, онажон, Добчинский.

Анна Андреевна. Бир гапни тутиб олсанг ҳеч қўймайсан. Добчинский эмас дедим-ку, ахир.

Марья Антоновна. Ана, ана Добчинский экан-ку.

Анна Андреевна. Ҳа, Добчинский экан. Энди танидим. Мен ҳам шунаقا деяпман-ку. (*Деразадан қичқиради.*) Югуринг! Тезроқ юрсангиз-чи. Ўша ердан гапираве ринг. Бари бир. Нима гап? Жуда баджаҳл эканми? А?

Эрим-чи, эрим? (*Деразадан бир оз четланиб, фигони чиқиб.*)
Мунча ҳам расво бўлмаса: уйга кирмагунича бир оғиз ҳам гапирмайди.

П М А Ж Л И С

Ҳалигилар ва Добчинский.

Анна Андреевна. Ҳали сиздан келган иш шу бўлдими? Мен сизни туппа-тузук одам деб юрган эдим. Ҳамма югуриб кетса сиз ҳам шуларнинг кетидан кетдингиз-қолдингиз! Мана энди нима бўлганини билолмай, гаранг бўлиб ўтирибман. Уялмайсизми? Мен сизнинг ўглингиз Ваничкани, қизингиз Лизанкани чўқинтирган бўлсан-у, сиз шунақанги қилиб ўтирангиз!

Добчинский. Худо ҳақи, жигарим, сизга шу гапни тезроқ етказа қолай деб, югурга бериб ўпкам оғзимга тиқилиб қолди.

Марья Антоновна. Салом, Пётр Иванович.

Анна Андреевна. Хўш, нима бўлди, нима гап, гапиринг.

Добчинский: Антон Антонович сизга хат бериб юбордилар.

Анна Андреевна. Ким экан ўзи? Генералми?

Добчинский. Йўқ, генерал-ку эмас, лекин генералдан қолишмайди: жуда ҳам ўқиган, басавлат одам экан.

Анна Андреевна. Ҳа! Эримга келган хатда айтилган одам шу.

Добчинский. Ҳа, ўшанинг ўзи. Пётр Иванович икковимиз ҳаммадан бурун билган эдик.

Анна Андреевна. Қани, гапира қолинг: нима гап ўзи?

Добчинский. Худога шукур, хотиржамлик. Аввал Антон Антоновичга дағдага қилди, жаҳли чиқиб: «Мехмонхона ёмон экан, уйингга бормайман, сени деб турмага

тушмоқчи эмасман» деди; лекин Антон Антоновичнинг айби йўқлигини билиб, бир-икки оғиз гаплашгандан кейин, ҳовридан тушди, худога шукур, ишлар ўнгарилиб кетди. Ҳозир касалхонани кўргани кетишиди. Ростини айтсам, бирон чақув бўлмадимикин деб Антон Антонович хийла чўчиган эдилар, мен ҳам хийла қўрқдим.

Анна Андреевна. Сиз нега қўрқасиз? Хизматда эмассиз-ку.

Добчинский. Қайдам, подшолик одам гапирганда юрагим орқамга уриб кетади.

Анна Андреевна. Хайр, бу гапларни қўя беринг. Қанақа одам экан ўзи, ёшми, қарими? Шуни айтинг.

Добчинский. Ёш, йигирма учларга кирган йигит. Лекин худди чолга ўхшаб гапиради: «Марҳамат қилинг, мен (қўли билан ишора қиласади) у ёққа ҳам боравераман, бу ёққа ҳам боравераман...» дейди. Гапни жуда ўринлатади. «Мен — деди — ўқишни ҳам, ёзишни ҳам яхши кўраман, лекин уй қоронғироқ» дейди.

Анна Андреевна. Ўзи қанақа, ўзи, оқдан келганми, қорамагиздан келганми?

Добчинский. Буғдой ранг. Кўзлари шундай ўйнаб турадики, одам тоб беролмайди.

Анна Андреевна. Нима деб ёзди экан? (Ўқийди.) «Сенга бетўхтов маълум қиласманки, ҳолим хароб бўлган эди, лекин худонинг марҳаматидан умид қилиб, икки дона тузлаган бодринг ва айниқса ярим порци балиқ уруғи бир сўм 25 тийин...» (Тўхтайди.) Тушунолмадим: тузлаган бодринг билан балиғи нимаси?

Добчинский. Антон Антонович шошиб, хатни аллақандай бир счётга ёзган эдилар.

Анна Андреевна. Ҳа, шундоқ экан. (Ўқийди.) «Лекин худонинг марҳаматидан умид қилиб, ишимнинг охири бахайр бўладиганга ўхшайди. Сариқ қофоз ёпиширилган уйни тезлик билан муҳтарам мөхмонга тайёр қилиб

қўй; обедга уринмай қўя қол, чунки Артёмий Филипповичнинг ҳузурида, касалхонада овқат еймиз; лекин винони кўпроқ ғамлаб қўй: савдогар Абдулинга айт, энг яхши виноларидан юборсин, юбормайдиган бўлса омборини ағдар-тўнтар қилиб ташлайман. Қўлингни ўпиб қолгувчи Антон Сквозник-Дмухановский . . .» Вой худо урди! Тезроқ ҳаракат қилиш керак! Ҳой, ким у? Мишка!

Добчинский. (Эшикка томон югуриб қичқиради.)
Миша! Мишка! Мишка!

Мишка киради.

Анна Андреевна. Менга қара, югуриб савдогар Абдулиннига бор... Шошма, хат ёзиб бераман. (Столга ўтириб хат ёзар экан гапиради.) Бу хатни извошчи Сидорга бер, савдогар Абдулиннинг олдига бориб вино олиб келсин. Ўзинг дарров ана у уйни йифишириб, озода қилиб қўй. Каравот, умивальник яна бошқа керакли нарсаларни қўй.

Добчинский. Хўп, Анна Андреевна, мен югуриб борай-чи, у ёқда нима бўляпти экан.

Анна Андреевна. Боринг, бора қолинг.

ПЛАЖЛИС

Анна Андреевна ва Марья Антоновна.

Анна Андреевна. Қани, Машенька, кел, яна пардозандоз қиласлий. Пойтахтдан келган одам, тагин, худо уриб, бизни кулги қилмасин. Сен бурмалик ҳаво ранг кўйлагингни кия қол.

Марья Антоновна. Қўйинг ўша кўйлакни, она жон. Менга ҳеч ҳам ёқмайди. Ляпкин-Тяпкиннинг қизи

ҳам, Земляниканинг қизи
ҳам ҳаво ранг кўйлак кияди.
Кўйинг, мен гуллик кўйла-
гимни кияман.

Анна Андреевна.
Гулли кўйлак эмиш! Аксига
олмасанг ҳеч кўнглинг жойи-
га тушмайди. Ўша кўйлагинг-
ни киявер, яхшироқ бўлади,
чунки мен сариқ кўйлак кий-
моқчиман. Мен сариқ кўйлак-
ни яхши кўраман.

Марья Антоновна.
Э, онажон, сариқ кўйлак сиз-
га ярашмайди.

Анна Андреевна.
Менга ярашмайдими?

Марья Антоновна.
Ярашмайди, ўлай агар яраш-
майди: кўзингиз қоп-қора
бўлганда ярашар эди.

Анна Андреевна.
Ана гап! Менинг кўзим қора
эмасми? Қоп-қора. Гапингни қара-ю. Ўзимга ҳамиша қора
мошшоқ моткаси билан ром очаман-у, қора бўлмайдими?

Марья Антоновна. Йўқ, онажон, сиз топпон мот-
касиз.

Анна Андреевна. Бўлмаган гап, беҳуда гап. Мен
ҳеч қачон топпон моткаси бўлган эмасман. (*Марья Анто-
новна билан шошиб-пишиб чиқиб кетади ва саҳнанинг ор-
қасида гапиради.*) Қачон топпон бўлган эканман, қаёқда-
ги гапларни гапирасан.

Булар чиқиб кетган замон эшик очилади ва Мисса супуринди чиқарив
ташлайди. Бошқа эшикдан бошида чамадон Оси и киради.



Мишка билан Оси п.

Осип. Қаёққа қўяй?

Мишка. Мана бу ёққа, амаки.

Осип. Шошма, нафасимни ростлаб олай, шўрим қурсин. Қорин оч бўлгандан кейин жиндек юк ҳам оғирлик қиласар экан.

Мишка. Амаки, генерал қачон келади?

Осип. Қанақа генерал?

Мишка. Хўжайингиз-чи.

Осип. Хўжайнимми? Хўжайним генерал эмишми?

Мишка. Генерал эмасми?

Осип. Генералликка генерал-ку, лекин бошқачароқ генерал.

Мишка. Қанақа генерал, чинакам генералдан каттароқми, кичкинароқми?

Осип. Сал каттароқ.

Мишка. Ў қурғур-ей! Шунинг учун уйимиз алғовдалғов бўлган экан-да.

Осип. Менга қара, ука эпчилгина болага ўхшайсан, овқат-повқатнинг ҳаракатини қилсанг-чи.

Мишка. Сизга атаган овқатимиз ҳали пишгани йўқ, амаки. Бундайроқ овқатни емайсиз, хўжайнингиз келгандан кейин сиз ҳам ўша овқатдан ейсиз.

Осип. Бундайроқ овқатдан нима бор?

Миша. Карам шўрва, бўтқа, сомса бор.

Осип. Олиб кел, ўша карам шўрва, бўтқа, сомсангни. Майли, борига барака. Чамадонни олиб кириб қўяйлик. Ўёқда бошқа эшик борми?

Мишка. Бор.

Иккови чамадонни нариги уйга олиб киришади.

Миршаблар дарвазанинг икки палласини очишади. Хлестаков киради. Унинг кетидан Ҳоким, худойихоналар мутасаддиси, мактаблар нозири, Добчинский ва бурнига малҳам ёпиширган Бобчинский. Ҳоким йўлда ётган қоғозни миршабларга кўрсатади. Иккала миршаб югуриб, бир-бирини итариб, қоғозни ердан олади.

Хлестаков. Худойихоналаринг яхши экан. Яхши одатларинг бор экан, йўловчиларга шаҳарларингни кўрсатар экансизлар. Бошқа шаҳарларда менга ҳеч нарсани кўрсатишгани йўқ.

Ҳоким. Бошқа шаҳарлафда, тўрам, шаҳар ҳокимлари ва мансабдорлар кўпроқ ўзларини, яъни ўз манфаатларини кўзлайдилар, бу ердагилар эса ҳалол хизмат ва ҳушёрлик билан улуғларнинг илтифотига сазовор бўлишдан бошқа нарсани ўйлашмайди.

Хлестаков. Овқат жуда яхши бўлган экан, бўкиб қола ёздим. Ҳар куни шунаقا яхши овқат ейсизларми?

Ҳоким. Бугун азиз меҳмон шарофатлари билан шундоқ бўлган эди.

Хлестаков. Жон-дилим овқат. Киши деган дунёда ҳузур-ҳаловат гулини тергани яшайди-да. Ҳалиги қанақа балиқ эди?

Артёмий Филиппович (югуриб унинг олдига боради). Лабардан, тўрам.

Хлестаков. Жуда ширин экан-да. Қаерда овқат едик, касалхонадами?

Артёмий Филиппович. Шундоқ, тўрам, касалхонада.

Хлестаков. Ҳа, ҳа, каравотлар турган эди. Касаллар тузалиб чиқиб кетишганми? Касал оз эди шекилли?

Артёмий Филиппович. Бирон ўнта касал қолган холос. Бошқа ҳаммаси тузалиб чиқиб кетган. Бизда тартиб шунаقا. Мен мутасаддиликни ўз қўлимга олганимдан бери — эҳтимол сизга фавқулодда туюлар, касаллар

пашшадай тузалишаётиби. Қасал касалхонага қадам қўйиши биланоқ, тузалади қолади. Дори-дармондан ҳам кўра тартиб ва покизалик кўпроқ даво бўлаётиди.

Ҳоким. Мен сизга айтсам, шаҳар ҳокими бўлишдан мушкулроқ нарса йўқ. Биргина покизалик, шикаст-рехт ва бошқа нарсаларнинг ўзи бир дунё иш. Энг ақлли одам ҳам шошиб қолади. Лекин, худога шукур, ҳамма иш жойида бўлиб турибди! Бошқа ҳоким бўлганда, албатта, ўз фойдасини кўзлар эди, лекин мен, ишонинг-ишонманг, кечаси кўрпага кирганимда ҳам: Э, худо, қандоқ қилсан улуғлар менинг жон куйдирганимни кўриб рози бўлишар экан деб ўйлайман. Улуғлар мукофот беришадими, йўқми—ўзлари билишади, лекин ҳеч бўлмаганда кўнглим тинчийди-ку. Шаҳар озода бўлса, кўчаларга сув сепиб турилса, маҳбусларга яхши қаралса, арақхўрлар кам бўлса... Менга бошқа нима керак? Ҳеч қандай мартабанинг кераги йўқ. Албатта, одамнинг ҳаваси келади, лекин савоб бўлган жойда бошқа ҳеч нарсанинг кераги йўқ.

Артёмий Филиппович (*четга*). Бу такасалтанг ўзини мунча мақтамаса! Худо хўп тил берган экан-да.

Хлестаков. Рост айтасиз. Ростини айтсам, ўзим ҳам баъзан наср билан, баъзан назм билан иш қилиб турман.

Бобчинский (*Добчинскийга*). Тўғри, тўғри, Пётр Иванович. Гапини кўрдинг, хийла илмли одамга ўхшайди.

Хлестаков. Менга қаранг, шаҳарларингда дилхушлик қиласиган, карта-парта ўйнайдиган бирон жой йўқми?

Ҳоким (*ўзича*). Эҳе, бу гапни кимга тегизиб айтаётганлигини биламиз (*баралла*). Бизнинг шаҳарда бунақа ишлар бўлмайди. Менинг ўзим умримда қўлимга карта олган одам эмасман: карта ўйинини билмайман ҳам. Картани кўрсам жиним қўзғайди. Битта-яримта ғиштин шохигами, бошқасигами кўзим тушиб қолса, кўнглим озади. Бир куни болаларни ўйнатиб ўтириб картадан уй ясаган

эдим, ўша кечаси тонг отгунча ёмон тушлар кўриб чиқдим. Афти қурсин. Наинки одам азиз умрини картага сарф қилса!

Лука Лукич (*ўзича*). Вой абллаҳ-еъ, ўтган куни картада юз сўмимни ютиб олган эди-я.

Ҳоким. Картага сарф қиладиган умримни ҳукумат фойдасига сарф қилганим яхши эмасми?

Хлестаков. Йўқ, сиз жуда ҳам унақа... гап ҳар нарсага қандай кўз билан қарашда... Омад кетганда, албатта, карта деган нарса... Йўқ, карта ҳар қалай қизик ўйин.

VI МАЖЛИС

Шулар, Анна Андреевна билан Марья Антоновна.

Ҳоким. Каминангизнинг оиласи: хотиним, қизим.

Хлестаков (*таъзим қилиб*). Илтифотингизга сазовор бўлганим учун хурсандман, хоним.

Анна Андреевна. Биз сизнинг илтифотингиздан кўпдан-кўп хурсандмиз.

Хлестаков. Йўқ, хоним, аксинча, мен кўпдан-кўп хурсандман.

Анна Андреевна. Наҳот шундоқ бўлса! Кўнгли-миз учун шундоқ десангиз ҳам қуллуқ. Марҳамат қилсинлар, ўтирсинлар.

Хлестаков. Сизнинг ёнингизда тикка туришнинг ўзи ҳам давлат; ўтир десангиз, майли, ўтирай. Сизнинг ёнингизда ўтиришга мұяссар бўлганим учун баҳтлиман.

Анна Андреевна. Кечирасиз, мен бундай гапларга арзимайман... Пойтахтдан чиқиб бунчалик йўл юриш сизга жуда оғир тушгандир.

Хлестаков. Жуда-жуда. Киборлар доирасида бўлган одам, *Comptezener vous¹* бирдан сафарга чиқиб қолса, қийналар экан; хуллас тракторлар, жаҳолат... Агар тақдир менга шу ҳолни насиб қилмаганда... Мана (*Анна Андреевнага қараб таъзим қилади*.) ҳордигим чиқди.

Анна Андреевна. Чиндан қийналгандирсиз.

¹ Биласизми.

Хлестаков. Лекин ҳозир жуда роҳат қилиб ўтирибман.

Анна Андреевна. Йўғ-е! Бизни жуда ҳам осмонга кўтариб юбордингиз. Мен бунга лойиқ әмасман.

Хлестаков. Нега лойиқ әмас экансиз? Лойиқсиз, хоним.

Анна Андреевна. Мен қишлоқда тураман...

Хлестаков. Ҳа, қишлоқнинг ҳам ўзига яраша фазилатлари бор... Албатта. Петербургга солиштириб бўлмайдику-я. Э, Петербург! Нимасини айтасиз! Сиз балки мени маҳкамада хат кўчириб ўтирадиган бирон мирза деб ўйларсиз, йўқ, маҳкамага бошлиги қалин ўртоғим бўлади. Баъзан елкамга шундай қўлини ташлайди-ю: «бизнига обедга келгин» деб қолади. Мен маҳкамага «уни ундоқ қил, буни бундоқ қил» дегани бир кириб чиқаман холос. Ҳамма хатни мирза ёзади. Қаламини тириллатгани-тириллатган. Мени коллежский ассесор қилмоқчи бўлишган эди, кўнмадим — нима кераги бор? Маҳкаманинг зинасида қоровул мени кўриб қолса чўткасини олиб орқамдан югуради, «ижозат беринг, Иван Александрович, этигингизни чўткалаб қўяй» дейди (*ҳокимга*). Нега тикка турибсизлар, жаноблар, марҳамат қилинглар, ўтиринглар.

Бир вақтда

Ҳоким. Мансабимиз унча дегулик әмас, тикка турсак ҳам бўлаверади.

Артёмий Филиппович. Майли, тикка турамиз

Лука-Лукич. Ташиб тортмасинлар.

Хлестаков. Мансабга қараманглар, марҳамат, ўтиринглар. (*Ҳоким ва бошқалар ўтиришади.*) Такаллуфга ҳушим йўқ. Ҳамма вақт кўзга кўринмасликка тиришаман, лекин ҳеч бўлмайди, бари бир кўришади. Бирон жойга чиқдимми — бас, дарров «ана, Иван Александрович келяптилар» дейишади. Бир куни мени бош қўмондон деб ўлашибди: солдатлар гауптвахтдан югуриб чиқиб милтиқ

билин чест беришса бўладими! Кейин бир таниш офицер:
«Биз сени бош қўмондон деб ўйлабмиз-а» деди.

Анна Андреевна. Буни қаранг-а.

Хлестаков. Мени ҳамма танийди . . . Чиройли артисткалар билан танишман. Мен ҳар хил томоша асарлари . . . адиллари тез-тез кўриб тураман. Пушкин билан орамиздан қил ўтмайди. Баъзан: «Хўш, оғайним, Пушкин, аҳвол қалай?» десам, «Ёмон эмас, оғайнни» дейди. Ўзи ҳам жуда ғалати одам-да.

Анна Андреевна. Сиз ёзиб ҳам турасизми? Ёзувчилик ҳам яхши ҳунар. Журналларга ҳам ёзиб турсангиз керак?

Хлестаков. Ҳа, журналларга ҳам ёзиб тураман. Кўп асар ёзганман: «Фигаронинг уйланиши», «Роберт Дъявол», «Норма». Баъзиларининг оти эсимда ҳам йўқ. Асли ёзувчи ҳам эмас әдим-ку, лекин театрнинг директори ҳол-жонимга қўймай: «Бир нарса ёзиб бермасанг бўлмайди, оғайнни» деб туриб олди. «Хайр, ёзсанм ёза қолай» деб ҳаммасини бир кечада ёздим-у, одамларнинг оғзини очириб қўйдим. Зеҳним жуда ўткир. Барон Брамбеус номи билан чиққан ҳамма китоблар, «Фрегат Надежда», «Московский телеграф» . . . ҳаммасини мен ёзганман.

Анна Андреевна. Ўша Брамбеус сизмисиз?

Хлестаков. Бўлмаса-чи, ҳаммасининг мақоласини мен ўзим тузатиб бераман. Хизматимга Смирдин қирқ минг сўм беради.

Анна Андреевна. Ундоқ бўлса «Юрий Милославский» ни ҳам сиз ёзган экансиз-да?

Хлестаков. Ҳа мен ёзганман.

Анна Андреевна. Мен буни ҳозир пайқадим.

Марья Антоновна. Онажон, бу китоб жаноб Загоскин асари деб ёзилган-ку?

Анна Андреевна. Шу ерда ҳам гап қайтарасан деб турган эдим.

Хлестаков. Ҳа, ҳа, тўғри, тўғри, бу асар Загоскинники. Бошқа бир «Юрий Милославский» деган асар бор. Буниси меники.

Анна Андреевна. Ҳа, мен сизнигини ўқиганман. Жуда ҳам яхши ёзилган-да.

Хлестаков. Ростини айтсам адабиёт билангина тирикман. Менинг уйим Петербургда биринчи уй. Иван Александровичнинг ҳовлиси десангиз ҳамма билади. (*Ҳаммага*.) Петербургга бориб қолсаларинг марҳамат қилинглар, киринглар. Мен ҳам бал бериб тураман.

Анна Андреевна. Сиз берадиган бал унча-мунча бал бўлмас дейман.

Хлестаков. Нимасини айтасиз. Столда, масалан, тарвуз, етти юз сўмлик тарвуз: шўрва тўппа-тўғри Париждан биқирлаб қайнаб турган ҳолда қозони билан пароходда олиб келинган бўлади. Қозоннинг қопқоғи кўтарилса шундай буғи чиқадики, табиат оламида бундай буғни ҳеч ким кўрган эмас. Мен ҳар куни балда бўламан. Карта ўйнайдиган улфатларим кўп: бири ташқи ишлар министри, бири француз сафири, бири Англия сафири, бири немис сафири ва ҳоказо. Карта ўйнаб шундоқ ҳам чарчайманки, нимасини айтасиз. Тўртинчи қаватга аранг чиқаман-у оқсошимга: «Ма, Маврушка, шинелимни ол» дейишга зўрга дармоним. етади. Э, э, эсимдан чиқибди, иккинчи қаватда тураман. Битта зинадан чиқаман холос... Эрталаб мен ҳали уйқудан турмасимдан бурун меҳмонхонамни кўрсангиз: графлар, князлар гиж-гиж бўлиб ўтиришади; аридай гўнгиллашгани-гўнгиллашган... Баъзан министр ҳам келади. (*Ҳоким ва бошқалар ўти ёрилиб, ўринларидан туришади*.) Менга юборилган хатларнинг устига ҳам: «жаноб олийларига» деб ёзишади. Бир вақт ҳатто департаментни ҳам бошқарганман. Қизиқ: директор кетиб қолди, қаёқ-қа кетгани маълум эмас. Турган гап, бу ўринга ким ўтиради деб шов-шув бўлиб қолди. Кўп генераллар талабгор

бўлиб келди-ю, лекин ҳеч қайсиси уддасидан чиқолмади. Четдан қараганда осон кўринади-ю, лекин, ҳақиқатда қишин иш. Ҳеч ким уdda қилолмагандан кейин менга мурожаат қилишди. Куръер кетидан куръер, куръер кетидан куръер, қани энди кети узилса. Ўттиз беш минг куръер келса бўладими! Ўзи нима гап деб сўрадим. «Иван Александрович, марҳамат қилиб департаментни бошқаринг» дейишди. Ростини айтсам бир оз шошиб қолдим; устимда халат, чиқиб, «йўқ» демоқчи бўлдим-у, лекин подшонинг қулогига етиб қолса деб, «ҳа, майли, афандилар, қабул қилсан қабул қила қолай, лекин билиб қўйинглар, менинг қулогим динг мен иш бошида бўлганимдан кейин ундаи бундай гаплар бўлмаслиги керак» дедим. Ҳақиқатан ҳам департаментдан шундай ўтсам, худди зилзила бўлгандай, ҳамма дағ-дағ титрарди. (*Ҳоким ва бошқалар қўрқиб қалтирашади. Хлестаков қизишиб кетади.*) Мен ҳазил-пазилни билмайман. Ҳаммасига зарбимни ўtkазиб олганман. Мендан давлат кенгаши ҳам қўрқади. Ҳа, нима? Шундоқ одамман ўзим. Мен ҳеч кимни риоя қилмайман. Ҳаммага: «ўзимни ўзим биламан, ўзим» дейман. Ҳеч қаерда, ҳеч иш менсиз битмайди. Саройга ҳар куни бориб тураман. Хоҳласам эртага фельдмаршал бўламан. (*Сидирилиб ерга йиқилай деганда, бошқалар ҳурмат билан тутиб қолишади.*)

Ҳоким (титраб-қалтираб). Ж-ж-ж-ж...

Хлестаков (кескин товушда). Нима дейсиз?

Ҳоким. Жа... Жа... Жа...

Хлестаков (ҳамон ўшандай товуш бўлан). Тушунолмадим, қўйсангизчи.

Ҳоким. Жа-жа-жаноб олийлари, бир оз дам олмайдиларми? Мана уй, ҳамма нарса тахт.

Хлестаков. Қўйсангиз-чи. Майли, дам олсам ола қолай. Овқатларинг жуда яхши бўлган экан, маза қилдим... (*Декламация қилиб.*) Лабардан! Лабардан (*ён то-*

мондаги уйга киради, үнинг кетидан Ҳоким ҳам киради).

VII МАЖЛИС

Хлестаков билан Ҳокимдан бошқа җамма.

Бобчинский (*Добчинскийга*). Одам деган мана бундоқ бўлибди, Пётр Иванович. Ана буни одам десанг бўлади. Умримда бундай катта одамнинг сухбатида бўлган эмас ёдим, юрагим ёрилиб ўлаёздим. Қани, Пётр Иванович, айтинг, бу одам мансаб жиҳатидан ким бўлса, экан?

Добчинский. Менимча генерал бўлса керак.

Бобчинский. Йўқ, менимча генерал бунинг патагига ҳам арзимайди; агар генерал бўлса генералиссимусдан кам эмас. Давлат кенгашини боплаганини эшиздингизми? Юринг, тезроқ бориб Аммос Фёдорович билан Коробкинга айтайлик. Хайр, Анна Андреевна.

Добчинский. Хайр, азизим.

Иккоби чиқиб кетади.

Артёмий Филиппович (*Лука Лукичга*). Юрагим ёрилгундай бўляпти, лекин нимадан қўрқаётганимни ўзим ҳам билмайман. Мундиримизни ҳам киймабмиз. Уйқудан туриб Петербургга маълум қилса нима бўлади? (*Мактаб нозири билан бирга уйдан чиқиб кетади.*) Хайр, бекам!

VIII МАЖЛИС

Анна Андреевна, Марья Антоновна.

Анна Андреевна. Зап одам экан-да.

Марья Антоновна. Асти қўйинг.

Анна Андреевна. Назокатини қара-я. Пойтахтдан келган одамлиги шундоққина қўриниб турибди. Турган-битгани фазилат-а... Ҳай, ҳай! Шундай йигитларга жонингни қоқсанг ҳам арзийди. Буткул маҳлиё бўлиб қолдим. Лекин мен ҳам унга ёқиб қолдим: зеҳн солсам, ҳадеб менга қарайди.

Марья Антоновна. Вой, онажон, менга қаради-ку.

Анна Андреевна. Беҳуда гапингни қўй, ҳозир ҳеч ўрни эмас.

Марья Антоновна. Йўқ, онажон, рост, менга қаради.

Анна Андреевна. Яна гап қайтаради-я! Гап ташламасанг кўнглинг жойига тушмайди. Бас! Нега сенга қарап экан? Нима қилади қараб?

Марья Антоновна. Қаради, кўп қаради, адабиётдан гап бошлагандা қаради, сафирлар билан карта ўйнагани тўғрисида гапирганда ҳам қаради.

Анна Андреевна. Бирон марта қараган бўлса қарагандир, лекин ўшанда ҳам шунчайики «бир қараб қўяйчи» дегандир-да.

IX МАЖЛИС

Ушалар ва Ҳоким.

Ҳоким (оёқ учида юриб киради). Жим...

Анна Андреевна. Нима?

Ҳоким. Ичирганимга ҳам пушаймонман. Ўша гапирган гапларининг ярми рост бўлганида ҳам, биласанми, нима бўлади? (Ўйланади.) Рост бўлмай нима бўлади? Ичкилик одамнинг ичидагини сиртига чиқаради. Унча-мунча ёлғони ҳам бор-ку, лекин гап бўлгандан кейин ичиде ёлғони ҳам бўлади-да. Министрлар билан карта ўйнаса, саройга бориб турса... Худо ҳақи ўйлаган сайин бошим ғовлайди. Худди ё жар ёқасида, ё дор остида турганга ўхшайман.

Анна Андреевна. Мен ҳеч қўрққаним йўқ. Менинг назаримда ўқиган, кибор, олий мақом бир одам холос, мансаби билан нима ишим бор.

Ҳоким. Хотин бўлганингдан кейин шу-да! Шунақа бўлмасаларинг хотин бўлармидиларинг. Сизларга шунақа гаплар бўлса бас. Тўсатдан қаёқдаги бемаъни гапни гапи-

риб қўясизлар. Сизларга ҳеч гап йўқ, балога биз эркаклар қоламиз. Сен у билан мунча ёйилиб гаплашасан, нима у сенга, Добчинскиймиди?

Анна Андреевна. Бу тўғрида менга ўргатмай қўя қолинг, биз ҳам унча-мунча биламиз (*қизига қарайди*).

Ҳоким (*ўзича*). Сизларга гап уқтириб бўладими: бошга битган балосизлар. Қўрқанимдан ҳали-ҳали ўзимга келолмайман (*эшикни очиб ичкарига*) Мишка! Миршабларни — Свистунов билан Держимордани чақир. Шу ерда, дарвозанинг олдида бўлса керак (*бир оз жимликдан сўнг*). Ажаб замона бўлди-да: савлатлироқ бир одам бўлса ҳам гўрга экан—ориқ, мижғов одам бўлса, қаёқдан биласан унинг кимлигини. Ҳарбий кийимда бўлса-ку хайр, лекин фрак кийиб олса худди қаноти юлинган пашшадай бўлади қолади. Тракторда ҳам хўп ўзини сипо тутди, шунақаям киноялар қилдики, икки дунёда бунинг тагига етолмайсан; мана энди очилди кетди, керагидан ҳам ортиқроқ лақиллаб қўяди. Ёш-да!

Х МАЖЛИС

Ушалар ва Оси. Бармоғи билан имо қилиб ҳамма унга томон югуради.

Анна Андреевна. Бу ёққа кел, жигарим!

Ҳоким. Жим... Нима? Нима? Ухлаб ётибдими?

Оси. Йўқ, керишяпти.

Анна Андреевна. Менга қара, отинг нима?

Оси. Осип, хоним.

Ҳоким (*қизи билан хотинига*). Бўлди, бўлди, бас. (*Осипга*) Хўш, дўстим, қорнингни яхшилаб тўйғизишдими?

Оси. Ҳа, жуда тўйдим, қуллуқ.

Анна Андреевна. Ҳой менга қара, хўжайнингнинг олдига графлар, князлар кўп келишадими?

Оси (*четга*). Нима десам экан. Ҳалитдан шунча овқат беришса, бундан кейин яна ҳам кўпроқ беришар (*баралла*). Ҳа, графлар ҳам келиб туришади.

Марья Антоновна. Осип, жонгинам, хўжайининг мунча ҳам яхши одам экан!

Анна Андреевна. Ҳой, менга қара, Осип, хўжайининг ўзи...

Ҳоқим. Э, қўйсаларинг-чи! Қаёқдаги беҳуда гаплар билан мени ишдан қўйманглар. Хўш, дўстим?

Анна Андреевна. Хўжайининг қанақа мансабда.

Осип. Қанақа мансабда бўлар эди.

Ҳоқим. Оббо, шу бемаъни гапларингни қўясизларми, қўймайсизларми? Гапни гапга қўшмайсизлар-а! Хўш, дўстим, хўжайининг қалай? Қаттиққўлми? Одамларни қовуриб турадими?

Осип. Ҳа, тартибни яхши кўради, ҳар иш вақтида, ҳар нарса жойида бўлсин дейди.

Ҳоқим. Сен менга жуда ёқиб қолдинг. Яхши одам бўлсанг керак, дўстим. Хўш...

Анна Андреевна. Менга қара, Осип, хўжайининг Петербургда мундир кийиб юрадими?

Ҳоқим. Бўлди энди, мунча шақиллайсан. Бу ерда одамнинг ҳаёт-мамоти тўғрисида гап кетяпти (*Osipga*). Менга ҳам ёқиб қолдинг, дўстим. Мана бу икки сўлковойни ол, йўлда чой-пой ичиб кетарсан.

Осип (*пулни олиб*). Қуллуқ, тўрам. Умрингиз узок бўлсин. Бир камбағални хурсанд қилдингиз.

Ҳоқим. Бўпти, бўпти, ўзим ҳам хурсандман. Қани, айт-чи, дўстим...

Анна Андреевна. Менга қара, Осип, хўжайининг га қанақа кўз ёқади.

Марья Антоновна. Осип, жонгинам, хўжайинингни бурни мунча ҳам чиройли экан.

Ҳоқим. Гапни-гапга қўшасизларми, йўқми? (*Osipga*) Хўжайининг кўпроқ нимага эътибор қиласди, яъни йўлда унга нима кўпроқ маъқул бўлади.

О с и п. Нима зеҳнига ёқса ўша маъқул бўлади. Яхши кутиб олинса, яхши зиёфат қилинса яна ҳам маъқулроқ бўлади.

Ҳоқим. Яхши зиёфат дедингми?

О с и п. Ҳа. Мен бир крепостной одам бўлсам ҳам мендан хабардор бўлиб туради. Худо ҳақи! Бирон жойга борсак дарров «хўш, Осип, қорнингни яхшилаб тўйғизишиди-ми» деб сўрайди. «Йўқ, хўжайин» десам, «э, Осип, бу ярамас одам экан, Петербургга борганимиздан кейин эсимга сол» дейди. «Э, дейман ўзимча (қўл силтаб), мен бир тўпори одамман, қўй, нима қиласман эсига солиб» дейман қўяман.

Ҳоқим. Яхши, яхши, гапинг маъқул. Мен сенга ҳали чой пули берган әдим, мана бунга нон олиб егин.

О с и п. Нима важдан пул беряптилар, тўрам? (*Пулни чўнтағига солади.*) Майли, соғлиқлари учун ичарман.

Анна Андреевна. Менинг олдимга кир, мен ҳам пул бераман.

Марья Антоновна. Осип, жонгинам, хўжайнингни ўпиб қўй.

Нариги уйда Ҳлестаков секин йўталади.

Ҳоқим. Жим . . . (*Оёқ учида туради. Ҳамма шивирлаб гапиради.*) Ҳай, ҳай, товуш чиқара кўрманглар. Боринглар, уйга киринглар, бас . . .

Анна Андреевна. Юр, Машенька. Мен меҳмоннинг бир нарсасини пайқадим, буни ўзимиздан бошқа ҳеч ким эшитмаслиги керак.

Ҳоқим. Ҳа, энди буларга худо берди. Буларнинг гапини бир эшитсанг, қайтиб эшитишни орзу қилмайсан. (*Осипга қараб.*) Қани, дўстим . . .

XI МАЖЛИС
Ушалар, Держиморда ва Свистунов.

Хоким. Жим! Айиққа ўхшамай ўлинглар, мунча тарақлатасизлар! Аравадан қирқ пудлик юк ташлаётгандай-а! Қаёқда лақиллаб юрибсизлар?

Держиморда. Амрингизни бажо келтиргани борган эдим...

Хоким. Жим! (*Унинг оғзини беркитади.*) Қарғадай қағилламай ўл! (*Масхара қилиб.*) Амримни бажо келтиргани борган эмиш! Бўш бочкага ўхшаб, сал тегсанг гумбурлайди. (*Осипга.*) Хўп, дўстим, сен чиқиб хўжайинга керакли нарсаларни тайёрла. Нима керак бўлса сўрайбер (*миршабларга*). Сизлар эшик олдида ҳеч қаёққа жилмай туринглар, бегона одамни, айниқса савдогарларни уйга йўлатманглар. Агар биронтасини киргизадиган бўлсаларинг... Агар бирон одам менинг устимдан ариза кўтариб келса ё ариза кўтариб келганга ўхшаб қолса, дарров грибонидан тутиб (*оёғи билан кўрсатади*). Мана бундоқ қилиб бопланглар. Фаҳмладиларингми? Жим... Жим... (*Миршабларнинг кетидан оёқ учида юриб чиқиб кетади.*)



ТҮРТИНЧИ ПАРДА ҲОКИМНИНГ ҲОВЛИСИДАГИ ҮША УЙ.

І М А Ж Л И С

Оёқ учида секин юриб Аммос Фёдорович, Артёмий Филиппович, почта мудири, Лука Лукич, Бобчинский билан Добчинский лар мундир кийиб, ясаниб киришади.
Ҳамма шивирлаб гапиришади.

Аммос Фёдорович (*ҳамманы қатор қилиб*). Жанблар, худо ҳақи тезроқ қатор бўлинглар, тартиб билан туринглар. Эшилдиларинг-ку. Саройга бориб турар экан, давлат кенгашига дўқ қиласи экан. Ҳарбийча саф тортинглар. Сиз, Пётр Иванович, мана бу ёққа ўтинг. Сиз, Пётр Иванович, мана бу ерда туринг.

Иккала Пётр Иванович оёқ учида чопишишади.

Артёмий Филиппович. Ўзингиз биласиз, Аммос Фёдорович, баъзи бир тадбирлар кўришимиз керак эди.

Аммос Фёдорович. Қанақа тадбирлар?

Артёмий Филиппович. Қанақа тадбирлар бўлар эди?

Аммос Фёдорович. Пича-пича узатсак дейсизми?

Артёмий Филиппович. Ҳа-ҳа. Бир нарса узатайлик.

Аммос Фёдорович. Қандай бўлар экан? Подшолик одам, бақириб бермасин тағин. Бирон ҳайкал ўрнатгани дворянлар номидан иона деб берилсанни.

Почта мудири. Ёки почтага эгаси йўқ пул келган экан деб берайликми?

Артёмий Филиппович. Эҳтиёт бўлинг, тағин ўзингизни почтага солиб бирон ёққа бадарга қилмасин. Яхши ҳукумат барпо бўлган мамлакатда бунақа ишлар эсон эмас. Нега ҳаммамиз бу ерга тўпландик? Яхшиси

битта-битта ҳўринайлик... Нима гап бўлса ҳам орада қолсин, бирор эшитмасин. Яхши одамлар ишни мана шундай қилади. Қани, сиз бошланг, Аммос Фёдорович.

Аммос Фёдорович. Сиз бошлай қолинг, ҳурматли меҳмон аввал сизнинг тузингизни татиди.

Артёмий Филиппович. Бўлмаса бу ишни ёшларга маърифат тарқатадиган Лука Лукич бошлай қолсинлар.

Лука Лукич. Йўқ, йўқ, жаноблар. Мен шундай тарбия кўрганманки, катта мансабдорга рўпара бўлсам юрагим орзиқиб, тилим тутилиб қолади. Йўқ, жаноблар, мени тинч қўйинглар.

Артёмий Филиппович. Сиздан бошқа ҳеч ким бу ишни эплолмайди, Аммос Фёдорович. Гапни сиздан бошқа боплайдиган одам йўқ. Гапда нақ Цицерон бўлиб кетасиз.

Аммос Фёдорович. Қўйсангиз-чи, унчалик эмас. Гапингизни қаранг-у! Цицерон эмиш! Мен хонаки ёки исковуч ит тўғрисида гапни боплайман холос.

Ҳамма. Йўқ, сиз фақат ит тўғрисида эмас, ҳамма гапни ҳам боплайсиз. Қўйинг, Аммос Фёдорович, бизга бир оталик қилинг. Йўқ, Аммос Фёдорович.


Аммос Фёдорович. Қўйсаларинг-чи, жаноблар.

Шу пайт Хлестаков ётган уйдан оёқ шарпаси ва йўтал эштилади. Ҳамма бир-бирини итариб эшикка томон боради ва ҳар қайсиси ичкарида нима бўлаётганини кўришга ошиқади. Шивирлаган нидолар эштилади.

Бобчинский (төвуш). Вой, Пётр Иванович, оёғими ни босиб олдингиз.

Земляника (төвуш). Ҳой, жаноблар, қисиб ўлдирдиларинг-ку, нари турсаларинг-чи!

Бир неча кишивой-войлайди. Ниҳоят ҳамма чиқиб уй бўш қолади.



Земляника.

Х л е с т а к о в (*үйқудан турган, ўзи ёлғиз чиқади*). Анчагина ухлабман-да. Шунча парқу ёстиғу, парқу түшакни қаёқдан топишибди әкан? Терлаб кетибман-а. Кеча нонушта маҳалида менга бир нарса ичирған бўлса керак—ҳали ҳам бошим оғрияпти. Бу ер хўп ўйнаб-куладиган жойга ўхшаб қолди. Хурсандчиликни кўп яхши кўраман-да. Ростини сайтсам бирор бегараз кўнглимни олса жуда-жуда хурсанд бўламан. Ҳокимнинг қизи чакки эмас әкан, лекин онаси ҳам ҳали хийла таранг... Менга мана шунаقا майшат бўлса.

Х л е с т а к о в билан Аммос Фёдорович.

Аммос Фёдорович (*киради, ўзича*). Илоҳим шу ердан эсономон чиқай-да. Тиззаларим букилиб кетяпти. (*Ғўдайиб, бир қўли билан қиличини ушлаб баланд овоз билан*.) Ижозат берсалар ўзимни танитай: шу ердаги уезд судининг судьяси коллежский ассесор Ляпкин-Тяпкин.

Х л е с т а к о в. Марҳамат қилинг, ўтиринг. Судьямисиз?

Аммос Фёдорович. Саккиз юз ўн олтинчи йилда дворянларнинг хоҳиши билан уч йил муддатга судья қилиниб сайланган эдим, ҳозиргача ишлаб юрибман.

Х л е с т а к о в. Судьялик ҳам ёмон иш бўлмаса керак, дейман?

Аммос Фёдорович. Уч йилдан уч муддат хизмат қилганим учун бошлиқлар мени тўртинчи даражали Владимир нишонига тақдим қилишган. (*Четга.*) Қўлимдаги пул кафтимни ёндириб юборяпти .

Хлестаков. Владимир нишонини мен ҳам яхши кўраман. Учинчи даражали Анна нишони унчалик эмас.

Аммос Фёдорович (*пул тутган қўлини бир оз олдинга чўзиб ўзича*). Худо-ей, қаерда турганимни билмайман. Худди чўғда турганга ўхшайман.

Хлестаков. Қўлингиздаги нима?

Аммос Фёдорович (*гаранг бўлиб, пулни ерга тушириб юборади*). Ҳеч нима . . .

Хлестаков. Ҳеч нима? Пул тушиб кетди-ку?

Аммос Фёдорович (*вужуди титраб*). Йўқ, йўқ. (*Четга.*) Оббо худо урди. Судга кетдим. Олиб кетгани арава ҳам келаётгандир.

Хлестаков (*пулни ердан олади*). Бу пул-ку?

Аммос Фёдорович (*ўзича*). Тамом, иш расво бўлди, хароб бўлдим.

Хлестаков. Менга қаранг, шу пулни менга қарз бериб туринг.

Аммос Фёдорович (*шошиб*). Хўп, хўп . . . Жоним билан. (*Четга.*) Дадилроқ бўлсамчи-я! Ё худо! Ё азиз-авлиёлар, мадад қилинглар.

Хлестаков. Биласизми, йўлда харажатим кўпайиб-роқ кетди . . . Қишлоққа боришим билан юбораман.

Аммос Фёдорович. Ҳожати йўқ. Юбормасангиз ҳам бошимиз осмонга етади. Албатта, ожиз бўлсам ҳам, бор кучим ва ихлос билан улуғларга . . . хизмат қилишга ҳаракат қиласман. (*Ўрнидан туради ва гўдайиб*.) Мен жанобларини нотинч қиласман. Бирон амр-фармонлари йўқми?

Хлестаков. Қанақа амр-фармон?

Аммос Фёдорович. Уезд судига бирон амр-фармон бермайдиларми демоқчиман.

Х л е с т а к о в. Нега? Менга ҳеч ҳожати йўқ. Ташаккур.
А м м о с Ф ё д о р о в и ч (таъзим қилиб кетар экан, чет-
а). Тамом, шаҳар бизники.

Х л е с т а к о в (*судья чиқиб кетгандан кейин*). Судья
мон одам эмас экан.

IV М А Ж Л И С

Х л е с т а к о в билан почта мудири (эгнида мундир, қиличини
тутган ҳолдаға ғұрайиб киради).

П о ч т а м у д и р и. Ижозат берсалар ўзимни танитай:
очта мудири надворний советник Шпекин.

Х л е с т а к о в. Марҳамат. Яхши одамларнинг суҳбати-
и ёқтираман. Ўтилинг. Сиз бу ерда кўпдан бери турасиз-
ли?

П о ч т а м у д и р и. Ҳа, тўрам.

Х л е с т а к о в. Шаҳарларинг менга ёқиб қолди. Одам
зликка оз-ку, лекин, нима қипти, пойтахтмиди? Нима де-
дингиз?

П о ч т а м у д и р и. Рост айтадилар.

Х л е с т а к о в. Фақат пойтахтда назокатли одамлар бў-
лади. Тўқим табиат провинциал одамлар бўлмайди. Шун-
дай эмасми?

П о ч т а м у д и р и. Шундай, тўрам. (*Четга*) Мутаккаб-
ир одам эмас экан: ҳар қанақа гапни гапиришаверар экан.

Х л е с т а к о в. Лекин кичкина шаҳарда ҳам яхши май-
нат қиласа бўлар экан, шундай эмасми?

П о ч т а м у д и р и. Шундай, тўрам.

Х л е с т а к о в. Менимча одамга нима керак? Иззат-
урмат, самимий муҳаббат керак. Нима дедингиз?

П о ч т а м у д и р и. Ҳақ гап.

Х л е с т а к о в. Сиз ҳам менинг фикримда экансиз. Хур-
андман. Баъзилар мени ғалати одам дейишади, лекин
иенинг феълим шу. (*Унинг кўзига қараб ўзича*.) Қани, бир
из қарз сўраб кўрай-чи. (*Баралла*.) Кўп қизиқ иш бўлди-да:

йўлда харажат кўпайиб кетди. Менга уч юз сўмгина қарз топиб беролмайсизми?

Почта мудири. Нега бера олмас эканман, мендан пул сўрайсиз-у бошим осмонга етмайдими? Мана, марҳамат қилсинлар, хизматингизга тайёрман.

Хлестаков. Қуллуқ. Ростини айтсам йўлда пулни аямайман, аяшнинг нима ҳожати бор? Нима дедингиз?

Почта мудири. Рост айтадилар. (*Ўрнидан туради, гўдайиб қиличини ушлайди.*) Энди сизни нотинч қилмай... Почта хусусида бирон гаплари йўқми?

Хлестаков. Йўқ, йўқ.

Почта мудири таъзим қилиб чиқиб кетади.

Хлестаков (*папирос чекиб*). Почта мудири ҳам дуруст одамга ўхшайди. Сермулозимат одам экан. Жон-дилим шунаقا одам.

V M A J L I C

Хлестаков олдига Лука Лукични эшиқдан итариб киргизишади. Товуш: «Нега қўрқасан?»

Лука Лукич (*қиличини ушлаб ва қалтираб*). Ижозат берсалар ўзимни танитсан: мактаблар нозири титулярний советник Хлопов.

Хлестаков. Марҳамат, марҳамат. Ўтилинг, ўтилинг. Папирос чекасизми? (*Папирос узатади.*)

Лука Лукич (*иккиланиб, ўзича*). Ана холос, бунчалик бўлишини ҳеч кутмаган эдим. Олсаммикан, олмасаммикан?

Хлестаков. Олинг, олинг. Петербург папиросига ўхшамайди-ку, лекин чакки эмас. Петербургда юзтаси йигирма беш сўмлик папирослар чекар эдим. Чекканда қаймоқнинг мазасини берар эди. Мана, тутатиб олинг. (*Шам тутади.*)

Лука Лукич чекмоқчи бўлади, вужуди титрайди.

Х л е с т а к о в. Бу ёғидан, бу ёғидан.

Л у к а Л у к и ч (*юраги ҳовлиққанидан, қўлидаги папиросни тушириб юборади, тупуради ва қўл силтаб ўзича*). Расво бўлдим, қўрқоқлик бошимга етди.

Х л е с т а к о в. Папиросга ҳушингиз йўқ шекилли, мен ростини айтсам, жуда яхши кўраман. Хотин-халожга ҳам суягим йўқ. Сизчи? Сиз қанақа хотинларни ёқтирасиз, қорарофиними ё оппоққинасиними?

Лука Лукич нима дейишини билмасдан гангиг қолади.

Х л е с т а к о в. Очигини айта беринг, қорарофиними ё оппоққинасиними?

Лука Лукич. Бир нима дегани ожизман.

Х л е с т а к о в. Йўқ, йўқ, ундоқ деманг, мен сизнинг дидингизни билмоқчиман.

Лука Лукич. Маълумлари бўлсинки . . . (*Четга.*) Нима деяётганимни ўзим ҳам билмайман.

Х л е с т а к о в. Ҳа-ҳа! Айтмайсизми? Биронта майиз-даккина хотин бошингизни айлантирганга ўхшайди-ку, шундоқ эмасми?

Лука Лукич индамайди.

Х л е с т а к о в. Ана, қизарип кетдингиз-ку, ана, ана! Нега айтмайсиз?

Лука Лукич. Гангиг қолдим, жа-жа-жаноб . . . О-о-олийлари . . . (*Четга.*) Тилгинам кесилсин! Расво қилди.

Х л е с т а к о в. Гангиг қолдим? Тўғри, менинг кўзимда одами гангитиб қўядиган бир нарса бор. Ҳеч қанақа хотин кўзимга тикка қаролмайди, шундай эмасми?

Лука Лукич. Тўғри, тўрам.

Х л е с т а к о в. Қизиқ иш бўлди: йўл харажатим кўпайиб кетди. Менга уч юз сўмгина қарз топиб беролмайсизми?

Лука Лукич (*чўнтағига қўлтиқиб ўзича*). Оббо, пуллим бўлмаса нима қиласман? Бор, бор экан. (*Пулни олиб титраганича узатади.*)

Хлестаков. Кўп миннатдорман.

Лука Лукич (*ғўдайиб, қиличини ушлаб*). Энди сизни нотинч қилмасам ҳам бўлар.

Хлестаков. Хайр.

Лука Лукич (*оёғи ерга тегмай чопади ва ўзича*). Худога шукур, энди мактабни бориб кўрмас.

VI МАЖЛИС

Хлестаков олдига Артёмий Филиппович, ғўдайиб қиличини тутиб киради.

Артёмий Филиппович. Ижозат берсалар ўзимни танитсан: худойихоналар мутасаддиси, надворний советник Земляника.

Хлестаков. Салом, марҳамат. Ўтиринг.

Артёмий Филиппович. Кеча жанобларини кузатиш ва тахти идорамда бўлган худойихоналарни кўрсатиш шарафига ноил бўлган эдим.

Хлестаков. Ҳа, ҳа, эсимда бор, жуда яхши овқатлар билан сийлаган эдингиз.

Артёмий Филиппович. Ватан хизматига тайёрман.

Хлестаков. Ростини айтсан, жон-дилим яхши овқат. Менга қаранг, назаримда кеча бўйингиз салгина пастроқ эдими?

Артёмий Филиппович. Эҳтимолдан холи эмас. (*Бир оз жим қолиб.*) Шуни айтишим қеракки, ҳеч нарсани аямасдан сидқидил билан хизматимни адо қилиб турибман. (*Стулни унга яқинроқ суреб, секинроқ гапиради.*) Аммо почта мудири ҳеч иш қилмайди. Ҳамма иши ора йўлда қолиб кетган, посиликлар вақтида юборилмайди... Узингиз атайин суриштириб кўрсангиз ҳам бўлади. Ҳали

мендан бурун кирган судья ҳам умрини қуён овлаб ўтказади, маҳкамасида ит асрайди. Энди ахлоқий масаласига келсак, у менинг қариндошим ва ўртогим бўлса ҳам, ватан манфаати учун шуни айтишим керакки, ахлоқи ҳам бузук. Бу ерда, ҳали ўзингиз кўрган Добчинский деган бир помешчик бор, шу уйидан бирон жойга чиқди дегунча судья дарров хотинининг олдига кириб ўтиради. Қасам ич десангиз ичаман... Болаларини кўринг, биронтаси Добчинскийга ўхшамайди, ҳаммаси, ҳатто қизлари ҳам судъянинг худди ўзи.

Хлестаков. Ҳали шундоқ денг, бу нарса хаёлимга ҳам келмаган эди.

Артёмий Филиппович. Мактаблар нозирини айтмайсизми... Улуғлар шундай вазифани унга ишониб топширишганига ҳайронман: бу одам Якубенчидан ҳам баттарроқ, ёшларга шундай ножӯя нарсалардан таълим берадики, асти қўйинг! Жанобларига ёзиб берсам қалай бўлади?

Хлестаков. Хўп, майли, ёзиб беринг, кўп хурсанд бўламан. Зериккан вақтларимда бирон қизиқроқ нарсани ўқишини яхши кўраман. Сизнинг фамилиянгиз нима эди, овсар бўлиб қолибман.

Артёмий Филиппович. Земляника.

Хлестаков. Ҳа, ҳа, Земляника. Болаларингиз борми?

Артёмий Филиппович. Ҳа, албатта, бешта болам бор. Иккитаси катта бўлиб қолган.

Хлестаков. Катта бўлиб қолган? Буларнинг ҳалиги-дай...

Артёмий Филиппович. Оти нима демоқчиларми?

Хлестаков. Ҳа, оти нима?

Артёмий Филиппович. Николай, Иван, Елизавета, Марья, Перепетуя.

Х л е с т а к о в . Яхши.

А р т ё м и й Ф и л и п п о в и ч . Жанобларнинг зарур ишларга банд бўлган вақтларини олмайин (кетмоқчи бўлиб, (таъзим қиласди).

Х л е с т а к о в (уни кузатар экан). Йўқ, майли . . . Жуда кизиқ нарсаларни гапириб бердингиз, яна бошқа вақтларда ҳам марҳамат қилиб туринг. Суҳбатни яхши кўраман. (Қайтади ва эшикни очиб қичқиради.) Ҳой, отингиз нима эди, эсимдан чиқиб қолаверади.

А р т ё м и й Ф и л и п п о в и ч . Артёний Филиппович.

Х л е с т а к о в . Менга қаранг, Артёний Филиппович, йўлда ғалати ҳодиса бўлиб қолди: бор пулимни сарф қилиб қўйибман. Тўрт юз сўмгина қарз бериб туролмайсизми?

А р т ё м и й Ф и л и п p o в i ч . Xўп бўлади.

Х л е с т а к о в . Кўп яхши бўлди-да, қуллуқ.

VII МАЖЛИС

Х л е с т а к о в , Б обчинский билан Д обчинский

Б обчинский. Ижозат берсалар ўзимни танитсам: шу шаҳар аҳолиси Пётр Иван ўғли Бобчинский.

Д обчинский. Помешчик Пётр Иван ўғли Добчинский.

Х л е с т а к о в . Ҳа, мен сизни кўрган эдим. Йиқилиб тушган эдингиз шекилли. Бурнингиз тузалдими?

Б обчинский. Худога шукур, ташвиш тортмасинлар, тузалди, буткул тузалди.

Х л е с т а к о в . Хайрият . . . (Бирдан.) Пулларинг йўқми?

Д обчинский. Пул? Қанақа пул?

Х л е с т а к о в . Бирон минг сўм қарз?

Б обчинский. Мунча пулим йўқ. Сизда ҳам йўқми, Пётр Иванович?

Д обчинский. Ёнимда йўқ, пулимни хайрия ишлари банкасига қўйган эдим.

Х л е с т а к о в. Минг сўм бўлмаса юз сўм топилиб қолар.

Б о б ч и н с к и й (*чўнтагини ковлаб*). Пётр Иванович, сизда юз сўм йўқми? Менда қирқ сўм бор экан холос.

Д о б ч и н с к и й (*ҳамёнига қараб*). Йигирма беш сўм бор экан холос.

Б о б ч и н с к и й. Дурустроқ қаранг, Пётр Иванович, ўнг чўнтагингиз тешик эди шекилли, шундан этагингизга тушиб кетгандир, қаранг топилиб қолар.

Д о б ч и н с к и й. Йўқ, йўқ.

Х л е с т а к о в. Майли, қўя беринг. Бир айтдим-да. Олтмиш беш сўм бўлса ҳам бўлаверади, барибир (*пулни олади*).

Д о б ч и н с к и й. Агар ижозат берсалар бир нозик масалани жанобларидан сўрамоқчи эдим.

Х л е с т а к о в. Нима экан?

Д о б ч и н с к и й. Жуда нозик иш. Катта ўғлим уйланмасимдан бурунроқ туғилган эди.

Х л е с т а к о в. Шундоқми?

Д о б ч и н с к и й. Лекин, отига хароми бўлса ҳам, ҳақиқатда ўз пушти-камаримдан бўлган ва буни кейинчалик эру хотинлик йўли билан ҳалоллаб олганман. Шунинг учун истар эдимки, энди у менинг қонуний ўғлим бўлса-ю Добчинский деб аталса.

Х л е с т а к о в. Хўп, атала қолсин. Майли.

Д о б ч и н с к и й. Мен-ку бу хусусда жанобларини безовта қилмас эдим, лекин истеъдодига хайфим келади. Боласи тушқур бўладиган бола: байтларни ёд билади, қўлига пичноқ тушиб қолса шунаقا аравачалар ясайдики, оғзингиз очилиб қолади. Мана, Пётр Иванovich айтсинлар.

Б о б ч и н с к и й. Ҳа, истеъдоди зўр.

Х л е с т а к о в. Яхши, яхши. Мен бу тўғрида ҳаракат қиласман, гапираман... Ҳаммаси тўғри бўлиб кетади. (*Бобчинский га*.) Сизнинг ҳам бирон гапингиз борми?

Б о б ч и н с к и й. Албатта, жуда зарур илтимосим бор.

Х л е с т а к о в. Нима экан?

Бобчинский. Мен сиздан ўтиниб сўрар эдимки, Петербургга боришингиз билан ўша ердаги ҳамма тўраларга, сенаторларга, адмиралларга: «Жаноб фалон, маълумингиз бўлсинки, фалон шаҳарда Пётр Иванович Бобчинский деган одам бор» деб қўйсангиз. Худди шундоқ денг: фалон шаҳарда Пётр Иванович Бобчинский бор денг.

Хлестаков. Кўп яхши.

Бобчинский. Мабодо шаҳаншоҳимни кўриб қолсангиз у кишига ҳам: «император ҳазратлари, фалон шаҳарда Пётр Иванович Бобчинский бор» деб қўйинг.

Хлестаков. Кўп яхши.

Добчинский. Кечирасиз, сизга кўп азият бердик.

Бобчинский. Кечирасиз, сизга кўп азият бердик.

Хлестаков. Майли, майли, хурсандман. (*Кузатиб қўяди.*)

VIII МАЖЛИС

Хлестаков ёлғиз. Бу ерда чиновниклар кўп экан. Назаримда булар мени подшолик одам деб ўйлашяпти. Ўзим ҳам кеча буларни гўсхўр қилган эдим. Вой, ахмоқлар-еий! Бу гапларнинг ҳаммасини Петербургдаги ўртоғим Тряпичкинга ёзай, мақола ёзиб юрарди, буларни бир боласин. Ҳой, Осип, менга қофоз билан сиёҳ бер. (*Осип эшикдан калласини тиқиб «ҳозир» дейди.*) Тряпичкиннинг қўлига тушган одам омон қолмайди, ўнг келса отасини ҳам аямайди, пулга ҳам суюги йўқ. Лекин нима бўлса ҳам бу чиновниклар яхши одамлар, менга пул қарз беришгани шуни кўрсатади. Қани, бир санайчи, қанча бўлди экан? Судъядан уч юз, почта мудиридан уч юз, олти юз, етти юз, саккиз юз... Мана буни мунча ҳам ёғ босибди. Саккиз юз, тўққиз юз... Үҳён! Мингдан ошибди-ку. Қани, капитан, энди қўлимга тушгинчи, карта ўйнашни сенга кўрсатиб қўяй.

Хлестаков, Осип сиёҳ, қозоғ күтариб киради.

Хлестаков. Ҳой каллаварам, мени қандай иззат-хурмат қилишаётганини кўряпсанми? (Ёзади.)

Осип. Ҳа худога шукур. Лекин, биласизми, Иван Александрович?

Хлестаков. Нима?

Осип. Кетайлик! Худо ҳақи тезроқ кетайлик.

Хлестаков (ёза туриб). Бекор айтибсан! Нега?

Осип. Шундай. Афти қурсин ҳаммасининг! Бир-икки кун ўйнадик, бас. Нима қиласиз булар билан ортиқча пашшалашиб? Тупуринг ҳаммасига. Фалокат босиб бошқа бир-ов келиб қолса . . . Худо ҳаққи, Иван Александрович! Жуда яхши отлар бор экан, маза қилиб кетамиз.

Хлестаков (ёза туриб). Йўқ, яна бир оз тургим келиб қолди. Эртага кетамиз.

Осип. Эрта нимаси! Худо ҳаққи кетайлик, Иван Александрович. Сизга кўп иззат-икром қилишяпти-ку, лекин, шундоқ бўлса ҳам тезроқ кетганимиз яхши. Булар сизни бошқа одам гумон қилишяпти. Қечикканингизга отангиз ҳам хафа бўладилар. Маза қилиб кетар әдик-да, яхши отлар беришарди.

Хлестаков (ёза туриб.) Хўп, майли. Аввал мана шу хатни почтага элтиб бер, биратўла гувоҳномани ҳам олиб кета қол. Қара, яхши от беришсин. Аравакашларга айт, бир сўлкавойдан бераман, фельдегирдай олиб юришсин, ашула айтиб беришсин (ёзади). Тряпичкин бу хатни ўқиб кула бериб қотиб қолар . . .

Осип. Мен бошқа бир одамни юбора-ю, ўзим нарсаларни йиғиширий, вақт ўтмасин.

Хлестаков (ёза туриб). Майли, лекин шам олиб кел.

Осип (чиқади, саҳна орқасида). Ҳой, ука битта хат бор, шуни почтага элтиб, почта мудирига айт, бёпул қабул қилсин. Ундан кейин айтгин, хўжайинга энг яхши куръер трой-ласини юборишсин, йўл кира бермас эмишлар, подшолик

берар эмиш дегин. Айт, тезроқ юборишин, бўлмаса хўжайин хафа бўладилар. Шошма, хат ҳали битгани йўқ.

Х л е с т а к о в (ёзади). Тряпичкин ҳозир қаерда туаркин—Почтамт кўчасидами, Гроховойдамикин? Бу ҳам пул бермасдан уйдан-уйга кўчиб юришни яхши кўради. Таваккал, Почтамт кўчасига юбораман. (*Хатни буклаб адрес ёзади.*)

Осишам келтиради. **Х л е с т а к о в** хатни конвертга солади.

Д е р ж и м о р д а товуши. Ҳой, паҳмоқ соқол, қаёққа? Айтдим-ку ҳеч ким кирмасин дедилар.

Х л е с т а к о в (Осипга хатни беради). Мана, олиб бор.

С ав д о г а р л а р (товуши). Бизни киргизинг, отахон. Киргизмасликка ҳақингиз йўқ, иш билан келганмиз.

Д е р ж и м о р д а (товуши). Йўқол, йўқол! Ҳеч кимни қабул қилмайди, ухлаб ётибди (*ғовур кўтарилади*).

Х л е с т а к о в. Осиш, нима гап ўзи? Қара-чи, нима ғовору?

О с и п (деразадан қараб). Савдогарлар кирмоқчи бўлишяпти, миршаб қўймаяпти. Қўлларида қофоз, сизни кўришмоқчи шекилли.

Х л е с т а к о в (дераза олдига келиб). Ҳа, нима ишларинг бор, яхшилар?

С ав д о г а р л а р (товуши). Сизга арз-дод билан келдик. Айтишинг, тўрам, бизни киргизишсин.

Х л е с т а к о в. Қўйинг, қўйинг, киришсин. Осиш, айт киргизсин. (*Осип чиқади.*)

Х л е с т а к о в (деразадан узатилган қоғозни олиб ўқийди). «Жаноб Олампано Молия Хазратларига савдогар Абдулиндан . . .» Нима бало! Бунақа мансаб йўқ эди-ку!

Х М А Ж Л И С

Х л е с т а к о в билан савдогарлар қўлларида вино, каллақанд

Х л е с т а к о в. Нима арзларинг бор, яхшилар?

С ав д о г а р л а р. Жанобингизни зиёрат қилгани келдик.

Хлестаков. Хўш, хизмат?

Савдогарлар. Бизга раҳм қилинг, тўрам. Бизга бекордан-бекор жабр қилишяпти.

Хлестаков. Ким?

Бирсавдогар. Ким бўлар эди, шаҳримизнинг ҳокимида. Бундай ҳоким, тўрам, ҳеч бўлган эмас. Бизга шундай азоблар берадики, таърифга сифмайди. Уйимизга ҳадеб аскар қўя беради, жонимиздан ҳам безор бўлдик. Ноҳақ иш қилади. Кишининг соқолидан ушлаб: «ҳу татар!» деб сўкади. Худо ҳақи! Иззатини жойига қўймаган бўлсак ҳам майлига эди, ҳаммасини ўрнига келтирамиз: хотинига, қизига ҳамма вақт кўйлаклик бериб турамиз. Йўқ, у кишига бу ҳам кам. Дўконга кириб қўлига тушган нарсани олиб кета беради. Мовутни кўриб қолса дарров: «э, яхши мовут экан, шу тўпни уйимга элтиб бер» дейди. Кошки камроқ бўлса, бир тўпи камида эллик газ бўлади, элтиб берасан киши.

Хлестаков. Шундақами? Оббо муттаҳам-эй!

Савдогарлар. Худо ҳақи, бунақа ҳоким дунёга келганмас. Қораси кўринса дўкондаги ҳамма нарсани яшириш керак бўлади. Жуда ҳам назари паст: бочкада етти йилдан бери ачиб ётган олхўрини ҳам ҳовучлаб оғзига тиқади, ҳолбуки буни малай ҳам емайди. Ҳар йили Антон куни ҳокимнинг туғилган куни деб бор-йўғимизни элтиб берамиз. Йўқ, яна бер дейди. Онуфрий куни ҳам у кишининг туғилган куни эмиш. Қандоқ қиласиз, Онуфрий куни ҳам нарса элтиб берамиз.

Хлестаков. Тоза қароқчи экан-ку.

Савдогарлар. Худо ҳақи. Бир нима деб кўр-чи, ўйингга бутун бошлиқ бир полкни келтириб қўяди. Сал нарсага эшикни қулфлаб қўяди. «Мен сени урдурмайман, азоб бермайман, законда йўқ! Лекин тузлаган балиқ егизаман» дейди.

Хлестаков. Оббо, муттаҳам-эй! Бу қилмишига уни Сибирь қилиш керак.

Са д о г а р л а р. Эй, тўрам, қаёққа юборсангиз ҳам майли, иш қилиб биздан узоқроқ бўлсин. Жаноблари бизнинг нон-тузимизни қайтармасалар, вино билан каллақанд олиб келган эдик.

Х л е с т а к о в. Қўйинглар унақа гапларни, мен сира пора олмайман. Бирон уч юз сўм пул қарз берсаларинг бошқа гап, қарз олишим мумкин.

Са д о г а р л а р. Жонимиз билан, тўрам. (*Пулни чиқариб.*) Уч юз сўм нима экан, беш юз сўм олинг, ишқилиб ёрдам қилсангиз бўлгани.

Х л е с т а к о в. Қарз бўлса ҳеч нарса демайман, ола бераман.

Са д о г а р л а р (*кумуши патнусда пул тутишади*). Марҳамат, патнуси билан олинг.

Х л е с т а к о в. Ҳа, майли, патнусини ҳам ола қолай.

Са д о г а р л а р (*таъзим қилиб*). Бира тўла қандни ҳам ола қолинг.

Х л е с т а к о в. Йўқ, мен пора олмайман.

О е и п. Тўрам, нега олмайсиз? Ола беринг, йўлда керак бўлади. Халта билан каллақандни бу ёққа бер. Ҳаммасини бер, керак бўлади. У нима? Чилвирми? Бу ёққа бер, йўлда чилвир ҳам керак бўлади, арава синиб-нетиб қолса боғлаймиз.

Са д о г а р л а р. Бир лутф-марҳамат қилиб юборинг. Тўрам сиз ёрдам қилмасангиз ҳолимиз хароб.

Х л е с т а к о в. Албатта, албатта. Ҳаракат қиласман.

Са д о г а р л а р чиқиб кетишади. **Х о т и н** (*товуши*).
Нега мени қўймайсан, ҳақинг йўқ! Сенинг устингдан ҳам арз қиласман! Туртма!

Х л е с т а к о в. Ким у? (*Дераза олдига келади*.) Нима арзинг бор, кампир?

И к к и хотиннинг (*товуши*). Сизга сифиниб келдик, арзимизни эшигинг, тўрам.

Х л е с т а к о в (*деразадан*). Қўйинг, киришсин.

Хлестаков, унтер-офицер ва слесарь хотини

Слесарь хотини (*икки букилиб*). Сизга сигиниб келдим.

Унтер-офицер хотини. Сизга сигиниб келдим.

Хлестаков. Кимсизлар ўзларинг?

Унтер-офицер хотини. Унтер-офицер хотини Ивановаман.

Слесарь хотини. Слесарь хотиниман. Шу ерли мешчанка Февронья Петровна Пошлепкина бўламан, тўрам.

Хлестаков. Шошманглар, битта-битта гапиринглар. Нима дейсан?

Слесарь хотини. Сизга сигиниб келдим. Ҳокимнинг устидан арзим бор. Худоё балога йўлиқсин. Бу муттаҳамнинг ўзи ҳам, бола чақаси ҳам, қавми-қариндоши ҳам ниятига етмасин.

Хлестаков. Нима қилди?

Слесарь хотини. Бу муттаҳам эримни аскарликка ёзиб қўйди. Ҳали бизга навбат келгани йўқ эди. Хотинлик одамни аскарликка ёзиш законда йўқ.

Хлестаков. Нима ҳақи бор экан.

Слесарь хотини. Ёзди, ёзди қўйди, муттаҳам! Илоҳим у дунё-ю, бу дунё худонинг қаҳрига гирифтор бўлсин. Аммаси бўлса аммаси ҳам, отаси тирик бўлса отаси ҳам, бу муттаҳамнинг ўзи ҳам балога дучор бўлсин! Аслида машиначининг ўғлини аскарликка ёзиши керак эди, ўзи пиёниста бир нарса. Унинг ота-онаси бойда, томогини яхшилаб мойлаган эди, савдогар хотин Пантелееванинг ўғлига ёпишиди. Пантелеева ҳам унинг хотинига уч кийимлик полотно берган эди, менинг эримга ёпишиб олди. «Сен эрни нима қиласан, ўзи ҳам ҳеч нарсага ярамайди» дейди. Яраш-ярамаслигини ўзим биламан, ахир! Нима ишинг бор! «Эринг ўгри, ҳозир ўғирлик қилмаган бўлса барибир қиласи, ҳозир

бўлмаса янаги йилга барибир аскарликка олинади» дейди. Мен эрсиз нима қиласман, ўзим ожиз бир нарса бўлсан. Худоё етти пуштинг ёруғлик кўрмасин, муттаҳам! Агар қайнананг бўлса у ҳам...

Х л е с т а к о в . Хўп, хўп. Сен нима дейсан? (*Кампирни кузатади.*)

С л е с а р ь хотини (*чиқа туриб*). Эсингидан чиқмасин, раҳм-шафқат қилинг, тўрам.

У н т е р - о ф и ц е р хотини. Ҳокимнинг дастидан дод дегани келдим, тўрам...

Х л е с т а к о в . Хўп, нима гап? Гапни қисқароқ қил.

У н т е р - о ф и ц е р хотини. Мени урди, тўрам.

Х л е с т а к о в . Нега?

У н т е р - о ф и ц е р хотини. Янглишиб, тўрам. Хотинлар бозорда бир-бирини юлган эди, миршаблар келиб мени олиб кетишиди. Ҳоким мени шунаقا ҳам урдики, икки кунгача кетимни ерга қўя олмадим.

Х л е с т а к о в . Нима қилгин дейсан?

У н т е р - о ф и ц е р хотини. Энди нима ҳам қилиб бўларди. Янглишиб мени ургани учун штраф берса қолсин. Тақдирга тан бераман. Ҳозир пулдан сиқилиброқ турибман.

Х л е с т а к о в . Хўп, хўп, боринг, боринг. Айтиб қўяман.

Деразадан ёрдам сўраган қўйл чиқади.

Яна ким у? (*Дераза олдига келади*). Йўқ, йўқ, керак эмас. (*Дераза олдидан кета туриб*.) Жонимга ҳам тегди. Киргизма Осип!

О с и п (*деразадан қичқириб*). Боринглар, боринглар! Ҳозир вақти эмас, эртага келинглар.

Эшик очилади, дағал материалдан шинель кийган, соқоли ўсиб кетган, лаблари шишган, лунжи боғланган бир одам кўринади. Унинг кетида яна бир неча киши намоён бўлади.

О с и п . Йўқол, йўқол! Қаёққа суқула ётибсан! (*Унинг көрнидан итариб ўзи ҳам бирга чиқади ва эшикни ёпади.*)

ХІІ МАЖЛИС
Хлестаков, Марья Антоновна.

Марья Антоновна. Вой!

Хлестаков. Нега мунча қўрқиб кетдингиз, ойимқиз?

Марья Антоновна. Йўқ, қўрққаним йўқ.

Хлестаков (*тавози билан*). Мени ўшанақа одам ўрнида кўриб, мунчалик иззат-икром қилганларинг учун миннатдорман, ойимқиз. Мумкинми, қаёққа кетаётган эдингиз?

Марья Антоновна. Ҳеч қаёққа кетаётганим йўқ.

Хлестаков. Нега ҳеч қаёққа кетмаётган эдингиз?

Марья Антоновна. Ойим шу ердамикинлар деб кирган эдим...

Хлестаков. Йўқ, нега ҳеч қаёққа кетмаётган эдингиз, шуни айтинг?

Марья Антоновна. Мен сизга ҳалал бердим...
Зарур ишлар билан банд эдингиз.

Хлестаков (*тавози билан*). Сизнинг кўзларингиз ҳар қанақа зарур ишдан ҳам зарурроқ. Сиз ҳеч қачон менга ҳалал бермайсиз, аксинча, роҳат бағишлайсиз.

Марья Антоновна. Мунча чиройли гапирасиз.

Хлестаков. Сиздай жонон қизга... Сизга стул қўйиб бериш шарафига ноил бўлгани ҳаддим сигармикан? Йўқ, сизни стулга ўтқазиш керак.

Марья Антоновна. Вой, ҳайронман... Ишим зарур эди-ку! (*Ўтиради*.)

Хлестаков. Рўмолчангиз мунча ҳам чиройли.

Марья Антоновна. Сизлар, пойтахт одамлари, биздан куласизлар-да.

Хлестаков. Қани энди, рўмолча бўлсам-у оппоқина бўйнингизга ўралиб олсам.

Марья Антоновна. Тушунмаяпман, нима деяпсиз ўзингиз, рўмолча дейсиз... Бугун ҳаво алланечук?

Хлестаков. Сизнинг лабларингиз олдида ҳар қанақа ҳаво ўтаверсин.

М а р ь я А н т о н о в на. Сиз ҳа деб шунақа гапларни гапираверасиз . . . Ундан кўра альбомимга бирон ғазал ёзиб берсангиз бўлмайдими? Ғазални кўп билсангиз керак .

Х л е с т а к о в. Сизнинг учун ҳамма нарсага тайёрман. Қанақа ғазал ёзиб берай?

М а р ь я А н т о н о в на. Бирон яхши, янги ғазал бўлсин.

Х л е с т а к о в. Ғазал ҳам гапми! Ғазални кўп биламан.

М а р ь я А н т о н о в на. Қанақа ғазал ёзиб берасиз, айтинг-чи.

Х л е с т а к о в. Айтиб нима қиласман. Айтмасам ҳам биламан.

М а р ь я А н т о н о в на. Мен ғазални яхши кўраман . . .

Х л е с т а к о в. Қайси бирини ўқиб берсам экан . . . Хўп, шунисини ўқиб берай: «Ғуссада фалакдан шикоят этма» ва ҳоказо. Бошқаси эсимдан чиқибди. Ҳайр, майли. Бундан кўра сизга муҳаббатимни, кўзларингизга шайдо бўлганимни айтай. (*Стулни унга томон суради.*)

М а р ь я А н т о н о в на. Муҳаббат? Мен муҳаббатни билмайман. Мен муҳаббатни кўрган эмасман. (*Стулни орқага суради.*)

Х л е с т а к о в. Нега мендан қочасиз? Икковимиз яқинроқ ўтирганимиз яхши.

М а р ь я А н т о н о в на (*стулни орқага сураб*). Нима қиласмиз яқин ўтириб? Узоқ ўтирсак ҳам бўлаверади.

Х л е с т а к о в (*стулни яқинроқ сураб*). Нега узоқ ўтирап эканмиз, яқинроқ ўтирсак ҳам бўлаверади.

М а р ь я А н т о н о в на (*стулни орқага суради*). Нима кераги бор?

Х л е с т а к о в (*яқинроқ сурилиб*). Сизга яқин кўрина-ётгандир-да, бўлмаса узоқ ўтирибмиз. Сизни бағримга боссам қандай яхши бўлар эди.

М а р ь я А н т о н о в на (*деразага қараб*). Бир нима учди шекилли? Ҳакками ё бирон бошқа қушми?

Хлестаков (*унинг елкасидан ўтиб деразага қарайди*). Хакка.

Марья Антоновна (*газаб билан ўрнидан турди*).
Бу нимаси!.. Шунаقا ҳам безбет бўладими киши!..

Хлестаков (*уни тутиб*). Кечирасиз, ойим қиз, яхши кўрганимдан ўпдим, яхши кўрганимдан.

Марья Антоновна. Сиз мени шунаقا провинциал қиз деб ўйлайсизми? (*Кетмоқчи бўлади*.)

Хлестаков (*қўйиб юбормайди*). Яхши кўрганимдан ўпдим, яхши кўрганимдан. Ҳазиллашдим, Марья Антоновна, хафа бўлманг. Тиз чўкиб узр сўрашга тайёрман. (*Тиз чўкади*.) Кечиринг, кечиринг. Мана, тиз чўкиб сўрайман.

XIII МАЖЛИС

Шулар ва Анна Андреевна.

Анна Андреевна (*Хлестаковни тиз чўккан ҳолда кўриб*). Вой, бу нимаси!

Хлестаков (*туриб*). Оббо!

Анна Андреевна (*қизига*). Бу нима қилганингиз, ойим қиз, бу нима қилик?

Марья Антоновна. Ойижон, мен...

Анна Андреевна. Йўқол! Йўқол дейман, йўқол! Кўзимга кўринма! (*Марья Антоновна йиғлаб чиқиб кетади*.) Кечирасиз, мен жуда ҳайрон бўлиб қолдим...

Хлестаков (*четга*). Бу ҳам ёмон эмас, жойида. (*Тиз чўкади*.) Хоним, муҳаббат юрак-бағримни ўртаб юборяпти.

Анна Андреевна. Вой, наҳот тиз чўксангиз! Туринг, туринг ўрнингиздан. Пол жуда ифлос.

Хлестаков. Йўқ, тиз чўкканим-чўккан. Пешанамга битганини айтинг: ҳаётми, мамотми—шуни билмоқчиман.

Анна Андреевна. Кечирасиз, тушунолмаётибман. Сиз қизимнинг қўлини сўрамоқчимисиз?

Хлестаков. Йўқ, ўзингизга ошиқман. Ҳаётим қилга

осилиб турибди. Агар муҳаббатимга илтифот қилмасангиз дунёда турмаганим яхшироқ. Ишқингизда ўртаниб, қўлингизни сўраётубман.

Анна Андреевна. Ахир менинг эрим борга ўхшайди-ку.

Хлестаков. Ҳеч қиси йўқ! Муҳаббат деганда бунинг фарқи йўқ. Қарамзин «Қонунга сифмаса қўнгилга сиғади» деган. Қўлингизни сўрайман, қўлингизни.

XIV МАЖЛИС

Шулар ва Марья Антоновна (югуриб киради).

Марья Антоновна. Ойижон, дадам айтдиларки...
(Хлестаковни тиз чўккан ҳолида кўриб қичқиради.) Вой, бу нимаси!

Анна Андреевна. Ҳа мунча? Нима дейсан? Үзи нима гап? Бу қанақа бетамизлик? Ҳовлиққанини қара-ю? Нимага мунча эсинг кетди? Нима қипти? Нима деб. ўйладинг? Худди ёш болага ўхшайди-я, ким айтади сени ўн саккизга кирган қиз деб? Қачон эсинг киради? Ким айтади сени яхши тарбия кўрган қиз деб? Адаб деган нарсани қаҷон ўрганасан?

Марья Антоновна (ийғламсираб). Билмабман, онажон...

Анна Андреевна. Билмадим, енгил-елпи қилиқларинг қачон қолар әкан! Ляпкин-Тяпкиннинг қизларидан сен ибрат оласан. Наинки ўшаларга таъсиб қилсанг. Улардан ибрат олма, бошқалардан ибрат олгин. Мана, онангдан ибрат ол, онангга таъсиб қил!

Хлестаков (қизнинг қўлидан ушлаб). Анна Андреевна, баҳтимизнинг йўлини тўсманг, фотиха беринг, қўша-қарийлик.

Анна Андреевна (ҳайрон бўлиб). Э, сиз буни...

Хлестаков. Айтинг ҳукмингизни: ё ҳаёт, ё мамот!

Анна Андреевна. Мана, кўрдингми, эси паст: сен

расвони деб шундай азиз меҳмон тиз чўкиб турибди! Сен бўлсанг жиннига ўхшаб чопиб юрибсан. Шу қилганингга жўрттага йўқ дейман: сен бундай одамга муносиб эмассан.

Марья Антоновна. Энди қилмайман, онажон, худо урсин, қилмайман.

XV МАЖЛИС

Ушалар ва Ҳоким шошиб киради.

Ҳоким. Жаноб тўрам, раҳм қилинг, шафқат қилинг.

Хлестаков. Нима бўлди?

Ҳоким. Савдогарлар менинг устимдан жанобларига арз қилишибди. Азбаройи худо булар айтган гапларнинг ярми ҳам рост эмас. Буларнинг ўзлари халқни алдашади. Унтер-офицернинг хотини ёлғон гапиради, мен уни урганим йўқ, худо ҳақи ёлғон, ўзи-ўзини урган.

Хлестаков. Минг лаънат ўша хотинга! Ҳозир бунақа гаплар қулогимга кирмайди.

Ҳоким. Ишонманг, ишонманг. Ҳаммаси ёлғончи... Буларнинг гапига ёш бола ҳам ишонмайди. Буларнинг ёлғончилиги бутун шаҳарга маълум. Товламачилик хусусига келганда бунақа товламачи оламга келган эмас.

Анна Андреевна. Ҳой, биласанми, Иван Александрович, бошимизни осмонга етказдилар: қизимизнинг қўлини сўраяптилар.

Ҳоким. Ҳой! Ҳой! Эсингни едингми? Хафа бўлманг, тўрам: бунинг эси шунақа, кирди чиқдироқ, онаси ҳам шунақа эди.

Хлестаков. Тўғри, қизингизнинг қўлини сўрадим, яхши кўриб қолдим.

Ҳоким. Ишонмайман, тўрам!

Анна Андреевна. Ўзлари айтиб турибдилар-ку, ахир!

Хлестаков. Мен ҳазиллашганим йўқ, муҳаббат дардидা девона бўлиб қолишим мумкин.

Ҳ о к и м. Ишонмайман, тўрам. Бундай шарафга лойик эмасман.

Х л е с т а к о в. Агар Марья Антоновнани бермасангиз, азборойи худо . . .

Ҳ о к и м. Ишонмайман, ҳазиллашяпсиз, тўрам.

А н н а А н д� е в на. Мунча галварс бўлмасанг! Гапга тушунасанми?

Ҳ о к и м. Ишонмайман.

Х л е с т а к о в. Беринг, беринг! Аччиғим тез одамман: ҳеч нарсадан қайтмайман, ўзимни отиб қўйсам судга тушилиз.

Ҳ о к и м. Худо ҳақи, менинг ҳеч гуноҳим йўқ, ғазаб қилманг. Ўзлари биладилар, нима қилсалар ихтиёрлари. Каллам ғовлаб қолди, нима бўлаётганини билмайман. Умримда бундай аҳмоқ бўлган эмасман.

А н н а А н д р е в на. Фотиҳа бер.

Х л е с т а к о в Марья Антоновнанинг олдига келади.

Ҳ о к и м. Худоё бахтларингни берсин, қўша қаринглар. Менинг ҳеч гуноҳим йўқ.

Х л е с т а к о в Марья Антоновна билан ўпишади.

Ҳ о к и м икковига қарайди.

Тушумми, ўнгимми? Ростдан-а! Ўпишяпти-я! Ростдан ҳам ўпишаётибди. Худди куёв-а. (*Хурсандликдан иргишлайди, қичқиради.*) Ҳой Антон! Ҳой Антон! Ҳой Ҳоким! Энди пичоғинг мой устида.

xvi мажлис
Шулар ва Осиپ.

О с и п. Отлар тайёр.

Х л е с т а к о в. Ҳўп, яхши . . . Ҳозир.

Ҳ о к и м. Нима, кетмоқчимиilar?

Х л е с т а к о в. Ҳа, ҳозир кетмоқчиман.

Ҳ о к и м. Бўлмаса қачон, масалан . . . Жаноблари тўй тўғрисида бир нима дегандай бўлган әдилар-ку?

Хлестаков. Ҳа бу . . . бирпас, бир кунгагина амакимнинг олдига бориб келаман. Мўйсафид, бой одам. Эртагаёқ қайтиб келаман.

Ҳоким. Соғ-саломат бориб келишлари умидида жанобларини йўлдан қўймаймиз.

Хлестаков. Албатта, албатта, дарров келаман. Хайр, суйган ёрим, юрагимнинг . . . нимаси десам экан! Хайр, жонгинам! (Қўлини ўпади.)

Ҳоким. Йўлга бирон нарса керакмасми? Кам харжроқ эдилар шекилли?

Хлестаков. Йўқ, ҳожати йўқ. (Бир оз ўйлаб.) Лекин кам харжроқман.

Ҳоким. Қанча керак?

Хлестаков. Ана унда икки юз сўм, икки кэ сўм эмас, тўрт юз берган эдингиз — мен янгишганингиздан фойдаланмоқчи эмасман — яна тўрт юз сўм бера қолинг, роса саккиз юз сўм бўлсин.

Ҳоким. Ҳозир. (Ҳамёнидан чиқаради.) Сатта янги пуллар қолган экан-да.

Хлестаков (пулни олиб қарайди). Яхши, янги пул янги баҳт келтиради, дейишади, шундай эмасми?

Ҳоким. Шундай . . .

Хлестаков. Хайр, Антонович! Меҳмондорчилигиниз учун кўпдан-кўп миннатдорман. Мен ҳеч қаерда бундай сийланган эмасман. Хайр, Анна Андреевна! Хайр, жоним Марья Антоновна!

Чиқадилар.

Саҳна орқасида

Хлестаков товуши. Хайр! Фариштам, хайр, Марья Антоновна!

Ҳоким товуши. Наҳот шундай шалдироқ аравада юрсангиз.

Хлестаков товуши. Шунга ўрганиб қолганман. Арава шалдирамаса бошим оғрийди.

Аравакаш товуши. Пир . . .

Ҳоким товуши. Ҳеч бўлмаса гилам тўшайлик. Айтайми, гилам олиб чиқсинми?

Хлестаков товуши. Йўқ, нима кераги бор? Хайр, майли, гилам олиб чиқа қолсин.

Ҳоким товуши. Ҳой, Авдотья, чоп, омборга кириб энг яхши гиламдан биттасини олиб чиқ. Эрон гиламини олиб чиқа қол.

Аравакаш товуши. Пир . . .

Ҳоким товуши. Жанобларини қачон кутайлик?

Хлестаков товуши. Эрта ё индинга.

Осип товуши. Бу гиламми? Бу ёққа бер. Бу ёққа қўй. Бу ёғига похол тўша.

Аравакаш товуши. Пир . . .

Осип товуши. Бу ёққа, мана бу ёғига! Яхши! Кўп соз бўлди (*гиламни шаппалайди*). Мана энди ўтиринг, тўрам.

Хлестаков товуши. Яхши қолинг, Антон Антонович!

Ҳоким товуши. Яхши борсинглар, тўрам.

Хотинлар товуши. Хайр, Иван Александрович!

Хлестаков товуши. Хайр, онажон.

Аравакаш товуши. Ҳа, чу, жонивор!

Қўнгироқ жиринглайди.

Парда



БЕШИНЧИ ПАРДА

ҮША БҮЛМА.

I M A J L I C

Ҳоким, Анна Андреевна, Марья Антоновна

Ҳоким. Ҳўш, Анна Андреевна, қалай дейсан? А? Шундай бўлар деб ҳеч ўйлаганмидинг? Омадни қара-я! Омадни! Ростини айт: тушингга ҳам кирмагандир дейман? Кичкинагина бир уезд ҳокимининг хотини шундай улуғ одамга қайнана бўлиб қолса-я!

Анна Андреевна. Ҳеч-да! Мен шундай бўлишини аллақачонлар билар эдим. Бу сенга шунаقا алланима бало бўлиб кўринади-да, чунки ўзинг тўпори одамсан, умрингда дурустроқ одамни кўрганинг йўқ.

Ҳоким. Ўзим ҳам-ку дуруст одамман-а, хотин, лекин, бундай ўйлаб қарасанг, ростдан ҳам жуда каттадан кетдик. Нима дединг, жуда баландпарвоз бўлиб кетдик. Шошма ҳали, устимдан ариза берганлар, чақимчилик қилганларни маймундай ўйнатаман. Ҳой, ким у? (*Миршаб киради.*) Э, сенмисан, Иван Карпович. Қани, ука, савдогарларни бу ёққа айтиб кел-чи. Мен буларнинг бир тобини олиб қўяй! Ҳали мени устимдан арз қиласиганми булар! Вой уругинг қурғур кўрнамаклар-эй! Шошмай тур ҳали ҳамманг! Шу вақтгача мендан кўрганларинг бир давлат эди, мана энди кўр! Сен менинг устимдан ариза кўтариб келганларнинг номини ёзиб ол, ука, ҳаммадан ҳам шу аризаларни битиб берганларни хатга ол. Ундан кейин ҳаммага айт: Ҳокимга тоза худо бериб қолди: қизини шунаقا ҳам катта одамга бердики, нари ёги йўқ, энди ҳар иш қўлидан

келади дегин! Ҳаммага айт, билмаган одам қолмасин. Кўчага чиқиб жар сол, довул ур! Тўй тўйдак бўлсин. (*Миршаб кетади.*) Анна Андреевна, нима дединг! Хўш, энди қаерда турамиз? Шу ерда турамизми, Петербургда турамизми?

Анна Андреевна. Албатта Петербургда турамизда, бу ерда туриб бўладими!

Ҳоким. Хўп, Петербургда десанг Петербургда турамизда; аммо шу ернинг ўзида турсак ҳам ёмон бўлмасди. Кетадиган бўлсак ҳокимликнинг баҳридан ўтамиз-да, а, Анна Андреевна?

Анна Андреевна. Албатта, ҳокимлик ҳам иш бўлди-ю!

Ҳоким. Энди, дейман, Анна Андреевна, каттароқ бир амални ўмарсак ҳам бўлар. Нега десанг куёвимиз ҳамма министрлар билан оғайни, ҳар куни саройга бориб туради. Шундай бўлгандан кейин бир йўлини қилас, вақти келиб генерал бўлиб ҳам кетарман. Қалай дейсан, Анна Андреевна? Генерал бўлармикинман?

Анна Андреевна. Бўлмаса-чи! Албатта!

Ҳоким. Қурғур, генераллик зап иш-да! Кўкрагингга лента тақиб қўйишади. Лентанинг қайсиси тузук, Анна Андреевна қизилими, кўкими?

Анна Андреевна. Кўки тузук-да, албатта.

Ҳоким. Ўҳӯ, иштаҳант жойида-ку! Қизили бўлса ҳам жон дегин. Нега генерал бўлгинг келади дегин! Негаки, бирон ерга боргудай бўлсанг феъльдъегерлар, адъютантлар олдингда от чопиб бориб, «Отни тайёрлаб туринглар!» деди. Бекатда отни ҳеч кимга беришмайди; тутуляри борми, капитани борми, ҳокими борми—ҳаммаси қараб қолаверади. Ҳеч нарсанинг ташвишини тортмайсан. Овқатни бирон губернаторницида ейсан, ҳоким қўл қовуштириб туради. Хе-хе-хе! (*Кула бериб қотиб қолади.*) Буни қара-я, зор қолгур!

Анна Андреевна. Сен нуқул шунақа нарсаларни ўйлайсан. Сен шуни әсингдан чиқармагинки, туриш-турмушигни буткул ўзгартиришинг керак, улфатларинг ҳам Земляника ёки сен билан қуён овлаб юрадиган ана шуит жинниси судьяга ўхшаган одамлар бўлмайди; аксинча, сенинг улфатларинг ширин сўз графлар, аслзодалар бўлади... Лекин сендан хавотирман-да: баъзан оғзингдан шунақа гаплар чиқиб кетадики, бунақа гапни дуруст одамларнинг суҳбатида ҳеч қаҷон эшитмайсан киши.

Ҳоким. Нима қипти? Гапнинг зиёни йўқ.

Анна Андреевна. Ҳоким эканингда-ку майли-я, у ёқда турмуш бошқача бўлади-да.

Ҳоким. Ҳа, айтгандай, у ёқда жуда галати балиқлар бор, еганда одамнинг сўлаклари оқиб кетади дейишади.

Анна Андреевна. Сенинг фикр-ёдинг балиқда! Менинг орзум шуки, уйимиз бутун пойтахтда биринчи бўлсин, ундан шунақа хушбўй ҳидлар анқисинки, кириб бўлмасин, кирган кишининг кўзлари мана шунақа сузилиб кетсин (*кўзини сузади*). Оҳ-оҳ, қани энди!

П М А Ж Л И С

Ҳалигилар ва савдогарлар.

Ҳоким. Ҳа! Салом, лочинларим!

Савдогарлар (*таъзим қилиб*). Саломат бўлсинлар, ҳиблигоҳимиз!

Ҳоким. Хўш, қўзичноқларим, аҳволларинг қалай? Моллар ўтаётибдими? Хўш, самавсрфурушлар, баззозлар, ҳали арз қиласидиган ҳам бўлиб қолдиларингми? Ҳа, товламачилар, қаллоблар! Арз қиласидиган ҳам бўлдиларингми? Арзларингдан нима чиқди? Буни дарров қамаб қўяди деб эдиларингми? Ҳу арвоҳ ургурлар, ажина чалгурлар!..

А и н а А н д р е е в на . Вой худойим-ей! Гапларингни қара-я, Антоша!

Ҳ о к и м (*норози бўлиб*). Ҳозир оғзимга келганини айтавераман! Ўша сизлар арза берган чиновник менинг қизимни олаётиди-я, биласизми? А? Энди нима дейсизлар? Мана энди мен сизларни... Ҳу!.. Ҳалойиқни алдайсан... Подшоликдан пудрат оласан-у чирик мовут берис, хазинани юз минг туширасан. Кейин йигирма газ мовутни иона қилиб, яна бунга мукофот ҳам таъма қиласан! Буни билиб қолишса-ку, сени... тагин қорнини чиқариб керилиб ҳам юради: бу киши савдогар, тегманглар эмиш! «Биз дворялардан қолишмаймиз» эмиш. Дворян...ҳа, турқинг қурсин! Дворян илм ўрганади: у мактабда калтак еса ҳам бекорга калтак емайди, илм йўлида калтак ейди. Сен-чи? Фирибгарлик қиласан, хўжайининг урса алдашни билмаганинг учун уради. Ҳали гўдаксан, тилинг дуога келмайди-ю, газлама ўлчаганда одамларни алдайсан. Қорнинг шишиб чўнтағинг тўлса, дарров ўзингда йўқ, керилиб, кетасан. Ҳу, товламачи! Кунига ўн олтида самавор ўтказман деб катталик қиласанми? Тфу, ўша катталигинга ҳам-у, башарангга ҳам!

С а в д о г а р л а р (*таъзим қилиб*). Биздан ўтиби, Антон Антонович!

Ҳ о к и м. Ҳали арз қиладиган ҳам бўлдиларингми? Кўприк солганингда юз сўмлик келмайдиган ёғочни йигирма минг сўмлик деб ёзганингда сенга ким ёрдам берган эди? Мен эдим, эчки соқол! Эсингдан чиқдими? Ӯшанда бир оғиз айтиб, сени Сибирь қилиб юбориш қўлимдан келар эди! Йўқми?

Б и р с а в д о г а р. Худо ўзи кечирсин, Антон Антонович! Шайтон йўлдан урди. Минбаъд арз қилмаймиз, ўзимиз сизни курсанд қиласиз, ишқилиб аччиғингиздан тушинг.

Ҳ о к и м. Аччиғингиздан тушинг эмиш! Мана энди оё.

ғим остида ётибсан. Нега? Чунки менинг қўлим юқори. Борди-ю, озгинагина сенинг қўлинг юқори кетганда, сен лаънати, мени балчиқقا тиқар эдинг, устимга хари ҳам бостириб қўяр эдинг.

Савдогарлар (*оёғига йиқилиб*). Раҳм қилинг, Антон Антонович!

Ҳоким. Раҳм қилинг эмиш! Энди «Раҳм қилинг» эмиш! Эндими! Мен ҳаммангни... (қўл силтаб) хайр, худога солдим, майли. Мен қек сақлайдиган одам эмасман. Лекин бундан кейин қадамингни билиб бос. Мен қизимни анчайин бир дворянга бераётганим йўқ, қуллуқ бўлсинга дастурхонни катта қилиб келинглар... Балиқ-малиқ ё бўлмаса, битта каллақанд билан қутулмайсизлар... Хайр, боринглар.

Савдогарлар чиқиб кетишади.

III МАЖЛИС

Ҳалигилар, Аммос Фёдорович, Артёмий

Филиппович, ундан кейин Растворовский киради.

Аммос Фёдорович (*кираётиб*). Миш-мишлар ростми, Антон Антонович? Сизга катта баҳт насиб бўлибдими?

Артёмий Филиппович. Катта баҳт қуллуқ бўлсин, эшишиб чин кўнглимдан хурсанд бўлдим. (*Анна Андреевнанинг қўлини олади.*)

Анна Андреевна (*Марья Антоновнанинг қўлини олади*). Марья Антоновна!

Растворовский. Қуллуқ бўлсин, Антон Антонович, сизга ҳам, келин билан куёвга ҳам худо умр берсин. Зурриётингиз беҳисоб бўлсин, невара-чевара кўринг! Анна Андреевна! (*Қўлини олади.*) Марья Антоновна. (*Қўлини олади.*)

Ҳалигилар, Коробкин хотини билан, Люлюков

Коробкин. Қуллуқ бўлсин, Антон Антонович! Анна Андреевна! (Унинг қўлини олади.) Марья Антоновна! (Унинг ҳам қўлини олади.)

Коробкининг хотини. Қуллуқ бўлсин, Анна Андреевна, бахтингиз муборак.

Люлюков. Муборак бўлсин, Анна Андреевна! (Қўлини олади ва залга қараб оғзининг таъмини олади.) Марья Антоновна! Қуллуқ бўлсин! (Унинг ҳам қўлини олади ва залга қараб яна оғзининг таъмини олади.)

Сюртук ва фрак кийган кўп мечмонлар аввал

Анна Андреевнанинг, сўнгра Марья Антоновнанинг қўлини олиб, ҳар қайсисининг номини айтиб кўришадилар. Бобчинский билан Добчинский бир-бiriни итаришиб, чопиб киради.

Бобчинский. Муборак бўлсин.

Добчинский. Антон Антонович, муборак бўлсин!

Бобчинский. Хушхабар муборак бўлсин!

Добчинский. Анна Андреевна!

Бобчинский. Анна Андреевна! (Иккови баравар унинг олдига келиб, пешанасини бир-бирига уриб олади).

Добчинский. Марья Антоновна (қўлини олади). Муборак бўлсин. Энди иқболингиз жуда-жуда баланд бўлади, зар кўйлаклар киясиз, ғалати шўрвалар ичасиз, умрингизни айш-ишратда ўтказасиз.

Бобчинский (унинг сўзини кесиб). Марья Антоновна, муборак бўлсин! Худо давлатларингизни зиёда қилсин, беҳисоб олтинлар ато қилсин, мана шундоққина (қўли билан кўрсатиб) кафтга ўтқизса бўладиган ўғилча берсин. Чақалоқ «ингга-ингга!» десин.

VII МАЖЛИС

Яна бир неча меҳмон келиб қўл олади. Лука Лукич хотини билан.

Лука Лукич. Муборак . . .

Лука Лукичининг хотини (олдин югурниб). Қутлуғ бўлсин, Анна Андреевна! (Ўшишадилар.) Шунаقا ҳам севиндимки, «Анна Андреевна қизини чиқаряпти!» дейишди, севинганимдан бу кишига «Вой, худойим», — дедим, «менга қара, Луканчик, Анна Андреевнанинг омадини қара-я!» Ичимда «худога шукур» деб, бу кишига «бориб Анна Андреевнага хурсандлигимни айтмасам асти иложи йўқ, севинганимдан теримга сифмай кетаётибман» дедим. «Вой худойим-ей, — дейман ичимда — Анна Андреевна қизгинасига муносиб бир куёвни орзу қиласр эди, худди ўзи орзу қилган куёв пешанасига битибди». Шундай ҳам севиндимки, гапиролмай қолдим, нуқул йиглайман денг. Лука Лукич «нега йиглайсан, Настенька?» дейди. «Билмасам — дейман — нега йиглаганимни ўзим ҳам билмайман, кўзимдан ёш дув-дув тўкилади».

Ҳоким. Жаноблар, марҳамат қилинглар ўтиринглар. Ҳой, Мишка, стулдан кўпроқ олиб кел!

Меҳмонлар ўтирадилар.

VII МАЖЛИС

Ҳалигилар, пристав ва миршаблар

Даҳа пристави. Қутлуғ бўлсин, тўрам. Умрингиз узоқ бўлсин, давлатингиз зиёда бўлсин.

Ҳоким. Раҳмат, раҳмат! Ўтиринглар, жаноблар!

Меҳмонлар ўтиришади.

Аммос Фёдорович. Қани, Антон Антонович, бу ишлар қанақа бўлиб шундай бўлиб қолди, қандай бўлди?

Ҳоким. Жуда фавқулодда иш бўлди: қизни у киши ўз оғизлари билан сўрадилар.

Анна Андреевна. Жуда мулозимат билан, хўп из-

затимизни жойига қўйиб сўрадилар, ҳамма гапни жуда мароми билан гапирдишар, «Мен, Анна Андреевна, сизга ҳурматим туфайлидан шундай қилмоқчиман» дедилар. Бирам яхши, бирам тарбия кўрган, назокатли одам эканларки, нимасини айтасиз! «Ишонасизми, Анна Андреевна, менга ҳаёт бир чақа; сизнинг ноёб фазилатларингизни ҳурмат қиласман» дейдилар.

Марья Антонова. Вой, онажон, бу гапларни менга айтган эдиларку.

Анна Андреевна. Тек тур, сен бунақа гапларга тушунмайсан, аралашма. «Мен ҳайратдаман, Анна Андреевна» дейдилар. Энди шунақа ҳам ширин сўзки... Бунақа ҳурмат умидида бўлишга сира ҳаддимиз йўқ демоқчи эдим, бирдан тиз чўкиб, худонинг зорисини қилдилар: «Анна Андреевна, мени баҳти қаро қилманг, кўнглимнинг зорини тингланг, бўлмаса ўзимни ўзим ўлдираман» дедилар.

Марья Антонова. Онажон, бу гапларни менинг тўғримда айтди-ку?

Анна Андреевна. Албатта... Сенинг тўғрингда ҳам шунақа деди. Мен айтмади деяётганим йўқ.

Ҳоким. Ҳатто бизни қўрқитиб юбордилар: «Ўзимни ўзим отаман, отаман!» дедилар.

Меҳмонлар кўпиди. Буни қаранг-а!

Аммос Фёдорович. Ўҳ-ҳў!

Лука Лукич. Толеда, толени қаранг-а!

Артёмий Филиппович. Толе нимаси, яхши хизматнинг самараси, (четга) баҳт нуқул мана шунақа чўчқанинг оғзига ўзини уради.

Аммос Фёдорович. Антон Антонович, менинг ана у итимга оғиз солган эдингиз, энди ола қолинг. Майли, сотсам сотай.

Ҳоким. Йўқ, ҳозир бунақа гаплар қулоғимга кирмайди.

Аммос Фёдорович. Бу бўлмаса, бошқаси сиздан айлансин.

Коробкиннинг хотини. Вой-вой-вой, Анна Андреевна. Бу омадингизга севинганимни билсангиз! Сира айтгундай эмас.

Коробкин. Азиз меҳмоннинг ўzlари ҳозир қаердалар? Аллақаёққа кетдилар деб эшигидим.

Хоким. Ҳа, бир кунлик жуда зарур ишлари бор экан, шунга кетдилар.

Анна Андреева. Тўй қилгани амакисидан фотиҳа олгани кетди.

Хоким. Фотиҳа олгани кетдилар, эртагаёқ... (Чучкиради. Ҳамма «Саломат бўлсинлар!» дейди.) Раҳмат, эртагаёқ қайтиб келадилар... (Яна чучкиради, яна ҳамма шуни айтади, бошқа товушлар ҳам эшигилади.)

Даҳа пристави. Саломат бўлсинлар, тўрам!

Бобчинский. Юзга кирсингизлар, қоп-қоп олтинлар ато қилисин.

Добчинский. Мингга кирсингизлар!

Артёмий Филиппович. Ҳаром ўл!

Коробкиннинг хотини. Худо кўтарсан!

Хоким. Қуллуқ! Сизларга ҳам худо умр берсан!

Анна Андреева. Биз энди Петербургда турмоқчимиз. Бу ернинг ҳавоси, ростини айтсам, шундай ҳавоки... Қишлоқ ҳавосида... Ростини айтсам, ҳеч ёқмайди... Дадаси ҳам у ерда... генерал бўлади.

Хоким. Шундай, жаноблар, тўғрисини айтсам, генерал бўлишга жуда-жуда кўнглим суст кетади.

Лука Лукич. Илоҳим бўлинг!

Растаковский. Бандасининг қўлидан келмайди холос, худо хоҳласа ҳаммаси ҳам бўлаверади.

Аммос Фёдорович. Катта кемага катта сафар муносиб.

Артёмий Филиппович. Хизматга яраша ҳурмат.

А м м о с Ф ё д о р о в и ч (четга.) Генерал бўлса ҳам роса ғалати генерал бўлса керак, сигирга тўқим ургандек хўп ярашар! Эҳ, ҳали бу қаёқда-ю генераллик қаёқда. У ерда сендан тузукроқ одамлар ҳам бор, ҳали генерал бўлган эмас.

А р т ё м и й Ф и л и п п о в и ч (четга). Оббо лаънати-ей, генерал бўлгиси ҳам бор! Бўлса бўлаверади ҳам. Қургурнинг савлати генерал боп! (*Унга.*) Ўшанда, Антон Антоно-вич, бизни ҳам эсингиздан чиқарманг.

А м м о с Ф ё д о р о в и ч. Мабода бирон кор-ҳол бўлса, чунончи, бирон ҳожатимиз тушиб қолса марҳаматингизни дариг тутманг.

К о р о б к и н. Келаси йил ўғлимни пойтахтга — подшо-лик хизматига элтмоқчиман. Шунда йигитчани ўз болангиздай кўриб, қўллаб юборасиз-да.

Ҳ о к и м. Қўллимдан келганини аямайман.

А н н а А н д�еевна. Антоша, сен ҳамиша шунаقا ваъда бериб юрасан, аввали шуки, бу тўғрида ўйлагани қўлинг тегмайди. Шунаقا ваъдалар бериб, ортиқча ташвиш ортиришнинг нима ҳожати бор?

Ҳ о к и м. Нега ахир, жоним? Баъзан мумкин.

А н н а А н д р е е в на. Мумкин, албатта, лекин ҳар қанақа хашаки одамларни қўллай бериш нимаси!

К о р о б к и н н и н г х о т и н и. Эшиздингизми, бизнинг шаънимизга нима деялти бу киши?

М е ҳ м о н хотин. Нима ҳам дейсиз. Бу кишининг бўлган битгани шу; мужикка сон тегса, авлиёлик даво қиласди.

VIII МАЖЛИС

Ҳ а ли ги лар ва почта мудири, қўлида очиқ хат, ҳовлиқиб киради.

Почта мудири. Ғалати иш чиқиб қолди, жаноблар! Биз ревизор деб ўйлаган чиновник ревизор эмас экан.

Ҳ а м м а . Н е г а ? Н е ч у к ?

П о ч т а м у д и р и . Ҳеч ҳам ревизор эмас экан, мен мана бу хатдан билдим.

Ҳ о к и м . Гапирманг-ей, гапирманг! Қанақа хат?

П о ч т а м у д и р и . Ўзи ёзган хат. Менга шу хатни олиб келиб беришди. Адресига қарасам «Почтамт кўчаси» дебди. Юрагим орқамга уриб кетди, «оббо, почта ишларидан чатоқлик топиб бошлиғимизга маълумот берадибди» деб ўйладим-у, хатни очдим.

Ҳ о к и м . Н е г а очдингиз?

П о ч т а м у д и р и . Ўзим ҳам билмай қолибман, ғайри-табиий бир куч қўймади. Бериб юборай деб куръерни ҳам

чиқарган эдим, аммо нималар ёзди экан деб шунақа ҳам қизиқдимки, асти қўйинг! Ҳеч ўзимни тиёлмадим, ҳеч тиёлмадим. Шундай юрагим эзилиб кетаверди. Бир кўнглим «ҳой очма! Очма! Балога қоласан» деди; бир кўнглим «оч, оч, оч!» деди. Печатни бузишм билан аъзойи баданимдан ўт чиқиб кетди. Очганимдан кейин музлаб кетдим. Азбаройи худо, музлаб кетдим. Қўлларим титради, кўзларим тиниб кетди.

Ҳ о к и м . Шундай мўътабар зотнинг хатини очгани нечук ҳаддингиз сифди?

П о ч т а м у д и р и . Ҳамма гап шунда-да; у мўътабар ҳам эмас экан, зот ҳам эмас экан!

Ҳ о к и м . Бўлмаса нима экан?

П о ч т а м у д и р и . Ҳеч бало эмас. Нотайин бир маҳлук!

Почта мудири.

Ҳ о к и м (аҷчиқланиб). Маҳлуқ дегани нечук ҳаддин-гиз сиғади, у киши ҳақида ножӯя гаплар айтгани нима ҳақингиз бор? Мен ҳозир сизни қамоққа буюраман...

Почта мудири. Ким? Сизми?

Ҳоким. Ҳа, мен!

Почта мудири. Қўлингиздан келмайди.

Ҳоким. У киши менинг қизимни олмоқчи, мен ҳам катта амалга минаман, мен сизни худди Сибирнинг ўзига элтиб тиқиб қўяман-а, биласизми?

Почта мудири. Эй, Антон Антонович! Сибирь нима ўзи? Сибирь узоқ! Яхшиси мен сизга мана буни ўқиб берай. Жаноблар, рухсат беринглар, хатни ўқиб берай.

Ҳамма. Ўқинг, ўқинг!

Почта мудири (ўқийди). «Дўстим Тряпичкин, воқеа бўлган ажиб қизиқ ҳодисаларни эшит: йўлда мени пиёда аскар капитани роса шилиб олди, шундай қилдики, майхонага тўлагани ҳам ҳеч нарсам қолмади, майхона эгаси мени қаматадиган бўлган эди, бироқ петербургча кийимбошимни кўриб, бутун шаҳар мени генерал губернатор деб ўйлади. Ҳокимнинг уйида турибман; димогим чоқ; ҳокимнинг хотини билан қизига айланишиб юрибман, аммо ҳали қайси биридан бошлишни билмай турибман. Онасидан бошласаммикин деган ўйим бор, сабабки у ҳозир нима десам йўқ демайдиганга ўхшайди. Бир вақтлар икковимиз пулсиз қолиб, ошхоналарни товлаб юрганимиз, бир куни сомсани еб, ҳақини инглиз поршосининг даромадидан берилади деганимизда сомсанапаз ёқамдан бўғиб олгани эсингда борми? Ҳозир ишлар бошқача. Кимдан қанча қарз сўрасам дарров беради. Ажойиб кишилар дегин: сен бўлсанг кула-кула ўлар эдинг. Сен мақолалар ёзгувчи эдинг, бу гапларни ўша ёзадиганларингга қистириб ўт. Биринчидан ҳоким аҳмоқликни бўйинча қилиб кийиб олган.

Ҳоким. Бўлмаган гап! Бундай деган эмас!

Почта мудири (*хатни кўрсатиб*). Ўзингиз ўқинг.

Ҳоким (*ўқийди*). «Бўйинча қилиб кийиб олган», бўлмаган гап! Ўзингиз ёзгансиз.

Почта мудири. Нега мен ёзаман?

Артёмий Филиппович. Ўқинг!

Лука Лукич. Ўқинг!

Почта мудири (*давом этади*). «Ҳоким аҳмоқликни бўйинча қилиб кийиб олган...»

Ҳоким. Оббо, касофат-ей. Қайтариб айтишга бало борми?

Почта мудири (*давом этиб*). Ҳим-ҳим... ҳим... ҳим «бўйинча қилиб олган. Почта мудири ҳам яхши одам...» (*Тўхтайди.*) Хайр, менинг тўғримда ҳам бир ножӯя гап айтиби.

Ҳоким. Йўқ, ўқинг!

Почта мудири. Нима кераги бор?

Ҳоким. Ўқиладиган бўлгандан кейин ўқиш керак! Ҳаммасини ўқинг!

Артёмий Филиппович. Менга беринг, мен ўқий. (*Кўзойнагини тақиб ўқийди.*) «Почта мудири департамент қоровули Михеевнинг ўзгинаси. Бу ҳам абраҳ бўлса керак, нуқул ураг экан».

Почта мудири (*томушабинга*). Боласи тушмагур, хўп ҳам калтак боп экан-да!

Артёмий Филиппович (*давом этади*). «Худойи-хоналар мутасаддиси... ҳм... ҳм...» (*тутилади*).

Коробкин. Нега тўхтаб қолдингиз?

Артёмий Филиппович. Шу ери бадхатроқ экан. Ўзи ҳам ярамас одам экан-да.

Коробкин. Менга беринг! Менинг кўзим ўткирроқ. (*Хатни олмоқчи бўлади*)

Артёмий Филиппович (*хатни бермайди*). Йўқ, бу ери ўқилмаса ҳам бўлади, нари ёғи очиқ ёзилган.

К о р о б к и н. Менга беринг, ўзим биламан.

А р т ё м и й Ф и л и п п о в и ч. Ўқишиш бўлса, ўзим ҳам ўқийман. Нари ёғи яхши ёзилган.

П о ч т а м у д и р и. Йўқ, йўқ, ҳаммасини ўқинг! Ҳаммаси ўқилаётибди-ку.

Х а м м а. Беринг, Артёмий Филиппович, беринг хатни, (*Коробкинга*) ўқинг.

А р т ё м и й Ф и л и п п о в и ч. Ҳозир (*хатни бериб*). Марҳамат қилинг (*бармоғи билан беркитиб*), мана бу еридан ўқинг. (*Ҳамма унга яқин келади.*)

П о ч т а м у д и р и. Ўқинг, ўқинг! Бемаъни гапни қўйинг, ҳаммасини ўқинг.

К о р о б к и н (*ўқийди*). «Худойихоналар мутасаддиси Земляника кулоҳ кийган чўчқани ўзгинаси».

А р т ё м и й Ф и л и п p o в i ч (*залга*). Бемаъни гап! Кулоҳ кийган чўчқа әмиш! Чўчқа ҳам кулоҳ киядими?

К о р о б к и н (*давом этапи*). «Мактаблар нозирининг вужудидан бижиган пиёз ҳиди келади».

Л у к а Л у к и ч (*залга*). Азбаройи худо, умримда оғзимга пиёз олган эмасман.

А м м о с Ф ё д о р о в и ч (*ўзича*). Хайрият, менинг тўғримда ҳеч нарса демабди.

К о р о б к и н (*ўқийди*). «Судья...»

А м м о с Ф ё д о р о в и ч (*баланд овоз билан*). Ана холос... Жаноблар, менимча хат жуда узун экан. Бундан ташқари нимасини ҳам ўқиймиз, бетамизликдан бошқа ҳеч гап йўқ-ку ахир!

Л у к а Л у к и ч. Йўқ.

П о ч т а м у д и р и. Йўқ, ўқинг!

А р т ё м и й Ф и л и п p o в i ч. Ўқий беринг, ўқинг!

К о р о б к и н (*давом этапи*). «Судья Ляпкин-Тяпкин ўлардай моветон...» (*Тўхтаб*.) Французыча сўз бўлса керак.

А м м о с Ф ё д о р о в и ч. Ким билади дейсиз, бу нима

дегани! Товламачи дегани бўлса-ку яхши-я, ундан ҳам ёмон гапдир дейман.

К о р о б к и н (давом этади). «Аммо меҳмондўст, оқ кўнгил одамлар экан. Хайр, дўстим, Тряпичкин, мен ҳам сенга ўхшаб адабиёт ишига киришмоқчиман. Бу хилдаги тирикчилик кишини зериктиради, дўстим; ниҳоят, рух озиғи ҳам керак. Ўйлаб қарасам бирон мўътабарроқ иш билан машғул бўлиш зарур экан. Менга хат ёзадиган бўлсанг Саратов губернияси, Подкатиловка қишлоғига деб ёз. (Хатни айлантириб адресини ўқийди.) Ҳурматли Иван Васильевич Тряпичкин жанобларига тегсин. Санкт-Петербург, Почтамт кўчаси, ҳовли номери тўқсон етти, дарвозадан кирганда ўнг қўлда, учинчи қават».

Х о т и н л а р д а н б и р и . Қаранг-а, ҳеч ҳам хаёлга келмаган кўргилик.

Ҳ о к и м . Сўйди, сўйди мени! Сўйганда ҳам ўтмас пичноқ билан сўйди! Ҳеч нарсани кўрмайман. Фақат одам башараси ўрнига кўзимга аллақандай чўчқаларнинг тумшуғи кўринаётиби холос. Бошқа ҳеч нарса йўқ, ҳеч нарса! Қайтарилсин! Йўлдан қайтарилсин! (Қўл силтайди.)

П о ч т а м у д и р и . Қайтариб бўладими! Мен, худди атанин қилгандай, назоратчига энг яхши тройка берилсин дебман. Иш чаппасига кетгандан кейин шундоқ бўлар экан-да.

К о р о б к и н н и н г хотини. Жуда ҳам хунук иш бўлди-да, хижолатдан ўлади киши...

А м м о с Ф ё д о р о в и ч . Ие, жаноблар, бу ёғи қандоқ бўлди: у мендан уч юз сўм қарз олган эди-ку.

А р т ё м и й Ф и л и п п о в и ч . Мендан ҳам уч юз сўм олган эди.

П о ч т а м у д и р и . Уф! Мендан ҳам уч юз сўм олган эди.

Б о б ч и н с к и й . Пётр Иванович икковимиздан олтмиш беш сўм олган эди.

А м м о с Ф ё д о р о в и ч (*ҳайратда*). Бу қандоқ бўлди-а, жаноблар? Биз нима бўлиб бундоқ қўлга тушдик?

Ҳ о к и м (*пешанасига уриб*). Мени айтинг, мени! Мен аҳмоқни айтинг! Ақлдан тариқча қолмабди... ўттиз йилдан бери ҳукумат хизматидаман, шу вақтгача биронта саводгар ё пудратчи қўлга туширолган эмас эди. Ман-ман деган товламачиларни товлаганман, бутун ер юзини ўғирлаш қўлидан келадиган айёр, маккорларни ҳам тузоққа илинтирган одам эдим. Учта губернаторни алдаганман... (*Қўл силтаб*.) Губернатор ҳам гап эканми!

А н н а А н д� е в н а. Менинг шунга ишонгим келмаяпти, Антоша, ахир Марьяни фотиҳа қилган эди-ку.

Ҳ о к и м (*кўкрагига уриб*). Фотиҳа қилган эмиш! Фотиҳа эмас, бир бало қилди. Шу маҳалда фотиҳа деб ўтирибди-я! (*Аччиғи келиб*.) Мана, халойиқ, христианлар, ҳокимнинг расво бўлганини кўринглар! Аҳмоқни, қари аҳмоқни кўриб қўйинглар! (*Ўзига-ўзи мушт ўқталади*.) Ҳу, шўртумшуқ. Бир ёш бола, бир латтани муҳтарам бир одам деб ўтирибсан-а! Мана энди у кета кетгунча ҳо-ҳолаб кулиб кетади! Бу ишларни оламга ёяди. Ҳаммага калака бўлганим бир сари, биронта қаламкашнинг қулогига етса, бу воқеаларни комедия қилади. Мана буниси алам қилади! Амал, мансабни юз-хотир қилмайди. Ҳамма кулади, чапак чалади. Нега куласизлар? Ўзларингга ўзларинг куласизларми? Садқайи одам... (*Ер тепиниб*.) Бу қаламкашларнинг, лаънати либералларнинг ҳаммасини бир жувоз қилиб янчиб, гумдон қиласар эдим! (*Ер тепинади, мушт ўқталади. Бир оз жимлиқдан сўнг*.) Ҳеч ўзимга келолмайман. Худо ураман деса аввал ақлдан уради деган гап — ҳақ. Бу ел қуварнинг нимаси ревизорга ўхшар эди? Ҳеч ўхшайдиган ери йўқ эди. Жимжилоқча ҳам ўхшайдиган ери йўқ эди-ку! Ҳамма ревизор, ревизор деб овоза қилди! Ревизор деб аввал ким айтди ўзи? Айтинглар!

А р т ё м и й Ф и л и п п о в и ч (*қўлинни ёйиб*). Ўлай агар

бу нима бўлиб шундай бўлганини билмайман. Кўзим тиниб гангишим, шайтон йўлдан урдими дейман.

А м м о с Ф ё д о р о в и ч. Ким айтар эди, бу гап мана шу азаматлардан чиқди-да. (*Бобчинский ва Добчинскийларни кўрсатиб.*)

Б об чи н ск ий. Худо урсин. Мен айтганим йўқ. Хаёлимга ҳам келгани йўқ ...

Д об чи н ск ий. Мен ҳеч, сира ҳам ...

А рт ё м ий Ф и л и п п о в и ч. Албатта сиз-да.

Л у к а Л у к и ч. Тўғри-да, майхонадан ҳовлиқиб келдиларинг, «келди, келди, пул ҳам тўламайди ...» дедиларинг. Хўп билган экансизлар-у!

Ҳ о к и м. Албатта сизлар! Лаънати фитначилар, ёлғончилар!

А рт ё м ий Ф и л и п п о в и ч. Минг лаънат ўша ревизорингга ҳам-у, гап топиб келган одамларга ҳам!

Ҳ о к и м. Узун кун шаҳарда изғиб, ҳаммани тумов қилиб юрасизлар, лаънатилар! Фитна-фасод тарқатасизлар, думи юлингтан ҳаккалар.

А м м о с Ф ё д о р о в и ч. Лаънати ифлослар!

Л у к а Л у к и ч. Қилиғи совуқлар!

А рт ё м ий Ф и л и п п о в и ч. Пакана фитналар.

Ҳамма уларнинг бошига келади.

Б об чи н ск ий. Худо урсин мен эмас, мана бу Пётр Иванович.

Д об чи н ск ий. Йўғ-ей, Пётр Иванович, ахир аввал сиз ҳалигидай ...

Б об чи н ск ий. Ҳеч-да, аввал сиз айтдингиз, сиз.

СҮНГИ КҮРИНИШ

Ҳалигила р ва жандарма.

Жандарма. Петербургдан ёрлиқ билан келган чи новник сизни йўқлаётибди, бетўхтов келсин деди. Мусо фирхонага тушган.

Бу гап ҳамманинг эсини чиқариб юборади. Хотинлар оғзидан ҳайронлик ифода қилувчи ҳар хил товушлар чиқади. Ҳамма жой-жойида қотиб қолади.



СУЗСИЗ КҮРИНИШ

Ҳоким ўртада симёғочдай қотиб, қўлларини ёзган ва бошини орқага ташлаган ҳолда туради. Унинг ўнг томонида хотини билан қизи бутун вужуди билан унга томон интилган; буларнинг кетида почта мудири томошабинларга қараб, савол аломатидай бўйлиб туради; унинг орқасида Лука Лукич гаранг бир ҳолатда; унинг кетида, саҳнанинг бир четида уч меҳмон хотин бир-бирига суюниб, ҳокимнинг оиласига қараб заҳарханда қилиб туради. Ҳокимнинг чап томонида, худди бир нарсага қулоқ солаётгандай, бошини

бир томонга қийшайтириб Земляника турати; унинг орқасида қўлларини кераб: «Ана холос» демоқчи бўлгандай оғзини жуфтлаб судъя турати. Ундан кейинда томошибинларга кўзини қисиб, ҳокимга аччиқ киноя қилган қиёфада Коробкин, унинг кетида, саҳнанинг энг четида Бобчинский билан Добчинский иккови ҳам қўлини пахса қилиб, оғзини очиб, бир-бирига бақрайтиб турати. Бошқа меҳмонлар донг қотиб қолган. Бир ярим минутгача шу аҳволда қотиб қолади.

П А Р Д А



На узбекском языке

Школьная библиотека
НИКОЛАЙ ВАСИЛЬЕВИЧ ГОГОЛЬ

РЕВИЗОР

Издательство «Ўқитувчи»
Ташкент — 1974

Редактор *Х. Ҳайитметов*
Бадий редактор *П. Бродский*
Техн. редактор *Т. АナンИНА*
Корректор *Р. Мирхолиқов*.

Терлигга берилди 10/I-1974 й. Босишга рухсат этилди
11/IX-1974 й. Қоғоз № 70X90 $\frac{1}{16}$ Физ. б. л. 6,5. Шарт-
ли босма л. 7,6 Нашр. л. 4,46. Тиражи 30000
«Ўқитувчи» нашриёти. Тошкент, Навоий кӯчаси, 30.
Шартнома 244-73. Баҳоси 13 т.

Министрлар Сотниги нашриётлар, полиграфия ва китоб савдоси ишлари бўйича Давлат комитетининг 2-босмахонаси. Янгийўл, Чехов кӯчаси, 3.
1974 й. Зак. № 43.

Типография № 2 Государственного Комитета Министров УзССР по делам издательства, полиграфии
и книжной торговли. Янгийуль, Чехова, 3.